

皇清經解卷五百一十四

學海堂

爾雅正義

餘姚邵編修 晉涵 著

釋上第十

正義風俗通義云尚書民乃降土度土堯遭洪水萬民皆山棲巢居以避其害禹決江疏河民

乃下土營度爽塏之場而邑落之故土之字二人立一

也非人所為也从北外一曰四方高中央下為北象形

案北字从北應劭以為二人立一上非也鄭註周禮王

今隸變作土下篇釋水云從釋地已下至九河皆禹所

名也是則應劭所云禹決江疏河民乃下土者是也廣

雅云小陵曰北是土於陵也虞翻易註云半山稱北

北下稱陵則陵又下於土矣經典多連言土陵散文言

之凡土高者總稱為土亦不計其大小高下也土有自

然而高者亦有土力所為者古者盡溝洫之利浚深疏

皇清經解

卷五百一十四

邵編修爾雅正義

一

下始據地望言之而厓岸從附見焉

上成爲敦上註成猶重也周禮曰爲壇三成今江東呼地高

堆者爲敦再成爲陶上註今濟陰定陶城中有陶上再成銳

上爲融上註纖頂者三成爲崑崙上註崑崙山三重故以名

云正義鄭註觀禮云成猶重也楚詞天問云璜臺十成山海

成亦重耳爾雅因上有層累之殊各命以名凡一重者俱謂

之敦上再重者俱謂之陶上再重而銳上者俱謂之融上三

重者俱謂之崑崙上釋名云上一成曰頓上一頓而成上無

高下大小之殺也再成曰陶上於高山一重作之如陶竈然

也銳上曰融上融明也明陽也凡上銳皆高而近陽者也三

成曰崑崙上如崑崙之高而積重也詩疏引爾雅云上一成

爲敦上孫炎云形如覆敦敦器似孟又引此篇下文云如覆

敦者敦上孫炎云上一成之形象也孫炎以此篇兩見敦上

主於重言以曉人故互見其訓明其爲一上也郭氏於一

之敦上音頓於如覆敦之敦上音丁回反與孫炎異也書疏

引李巡云再成其形再重也後漢書註引孫炎云形如累兩

孟也註周禮至爲敦正義秋官司儀云將合諸侯則令爲

壇三成鄭司農云三成三重也郭氏引之以證成爲重也衛

風氓云送子涉淇至於頓上尚書大傳云舜取于頓上漢書

地理志東郡頓上縣顏師古云以上名縣也上一成爲頓上

謂一頓而成也或曰成重也一重之上也水經注引關關十

三州記云頓上在淇水南漢頓上縣今爲大名府清豐縣郭

云呼地高堆者爲敦今俗語猶然○今濟至陶上○正義禹

貢云東出於陶上北漢書地理志濟陰郡定陶縣禹貢陶上

在西南陶上亭說文云陶再成上也濟陰水經註引墨子

以爲釜上竹書紀年魏襄王十九年薛侯來會王於釜上者

也郭云濟陰定陶城中有陶上據目驗而云然也晉書地理

志作濟陽郡定陶益傳刻之北陶上今在曹州府定陶縣西

南七里○崑崙至名云正義郭以崑崙山有三重以譬况

三重之上亦得稱爲崑崙也水經註引崑崙說云崑崙之山

三級下曰樊桐一名板桐二曰尤圍一名間風上曰層城一

名天庭劉勰云崑崙懸圃非經義所載今不備述水經註又

云橫谿水出三累山其山層密三成故俗以三累名山案爾

雅山三成爲崑崙上斯山豈亦崑崙上乎以此推之凡上

之三重者俱名爲崑崙也周禮註引爾雅此文昆侖二字俱

不從山

當從之

如築者築上註形似車築也或云築者謂稻田塍埒如階者階

是書經解 卷五十四 邵編修爾雅正義 二

丘註水中小洲為階

正義釋名云如乘曰乘上四馬曰乘一基在後似車四列在前似駕馬車之形

也如階者日階上形似水中之高地隆高而廣也如階之階當作諸說文云如諸者階上水中高者也文選註引聲類云

階或作諸註形似至陸垆正義釋文引李巡云形如車乘

也謂上形似稻田之界畔也後世地名有乘上俱依爾雅為

名春秋莊十年公敗宋師于乘上杜註乘上魯地魯乘上漢

屬太山郡括地志云乘上在瑕丘縣西北三十里今兗州府

西北三十里有瑕丘故城又戰國策張儀謂魏王曰齊伐趙

取乘上史記周本紀安王三年三晉伐楚至乘上而還即應

有乘氏故城水乘中至為階

○正義小洲為諸釋水文

水潦所止泥丘註頂上污下者

正義源雨水大貌丘頂污下停積水者名泥丘釋名云水潦所

止日泥丘其上污水留不去成泥也泥當作泥說文云反頂

受水丘也从丘从泥省泥亦聲繫傳云反頂謂凡地及頂當

高今反下故曰反頂史記世家謂之丘頂索隱云丘頂言頂

上底也正義引括地志云尼丘山在兗州鄒城闕里蓋依爾

雅為名凡丘頂之停止水潦者俱名泥丘矣淮南又謂之寅

丘說林訓云寅丘無壑高誘註汗小潦水名寅寅之丘無大

壑泥寅聲相近註頂上污下者正義汚監

本作汗今從宋本改正釋文云本或作洿

方丘胡丘註形四方正義丘形自然方者名胡丘釋名云圖丘

方丘就其方圖名之也禮器云為高必因

訓有和上高誘註四方而高者日丘胡和聲之轉

絕高為之京註人力所作非人為之丘註地自然生正義此釋

異也說文云京人力所為絕高者也大雅皇矣云依其在京

毛傳京大阜也疏引李巡云丘之高夫者日京公劉云乃觀

正義左傳疏引孫炎云為之人力所作也郭註本孫炎○地自然生○正義詩疏引李巡云謂非人力所為自然生為丘孫炎云地性自然也郭註兼取李孫之義

水潦所還埒丘註謂丘邊有界埒水繞環之正義埒者界北也說文云埒卑垣也

玉篇云淮南道有形埒亦封道曰埒廣韻云限隅也案淮南本經訓云聚埒畝是則耕墾之界亦名為埒此丘為水潦所環繞有界以限之故名埒丘註謂丘至環之○正義郭註方言云有界埒似耕墾是言界埒之狀也

上正章丘註頂平正義丘頂之平正者名章丘後世有章丘山郡縣志章丘縣本漢陽丘縣隋改為章丘取縣南章丘山為名也

澤中有丘都丘註在池澤中正義上在澤中者名都丘風俗通康成禮記註云南方謂都為濬釋名云澤中有丘曰都丘言蟲鳥所都聚也

當途梧丘註途道正義當道有丘名梧丘釋名云當途曰梧丘名說苑辨物篇齊景公於梧丘戰國策云下壘梧丘亦名五丈夫之丘當途註本於梧丘戰國策云下壘梧丘

途出其右而還之畫丘註言為道所規畫途出其前戴丘道從其前出者名戴丘從其後出者名昌丘釋名云道出其右曰畫丘人尚右凡有指畫皆用右也道出其前曰戴丘在前故載也道出其後曰昌丘案釋名省而還之三字人有所規畫多從右而旋然則此二字不當省也戴丘釋名作載丘古者戴載二字通用左氏隱十年伐戴公羊穀梁作伐載周頌載弁休休郭氏釋言註引作戴弁休休是也昌丘亦名梁丘昌梁雙聲字左氏莊三年傳遇於梁丘杜註梁丘在昌邑南蓋邑因丘以為名矣註道出丘南道出丘北○正義召南毛傳山南曰陽孔疏陰是山北左謂東右謂西也丘與山同

水出其前消丘水出其後沮丘水出其右正丘水出其左營丘註今齊之營丘淄水過其南及東正義丘之前後左右有水云水出其前曰阻丘剛基阻也言所出然水出其後曰阻丘背水以為險也水出其右曰止丘止也西方義氣有所制止也水出其左曰營丘案消丘釋名作阻丘說文云水出丘前謂之消丘作消丘者是也沮丘音義同正丘作止

正義丘之前後左右有水云水出其前曰阻丘剛基阻也言所出然水出其後曰阻丘背水以為險也水出其右曰止丘止也西方義氣有所制止也水出其左曰營丘案消丘釋名作阻丘說文云水出丘前謂之消丘作消丘者是也沮丘音義同正丘作止

上所見本異也說文云隕丘名疑卽正丘之異文禮記疏引釋丘云水出其前而左曰營丘史記集解水經註並引爾雅云水出其前左曰營丘王念孫曰作前左者是也薛瓚漢書註云臨淄卽營丘也故晏子曰先君太公築營之丘今齊城中有丘卽營丘也應劭以爲營丘卽營陵卽丘也酈道元云營陵城南無水惟城北有一水世謂之白狼水西出丹山俗謂凡山也東北流由爾雅出前左之文不得以爲營丘矣今臨淄城中有丘在小城內周遭五百步高九丈北降丈五淄水出其前故有營丘之名與爾雅相符元和郡縣志營丘在臨淄縣北百步外城中爾雅曰水出其前經其左曰營丘今臨淄城中有丘淄水出其前經其左故曰營丘諸家引爾雅之文詳畧不同以水所營繞而言其當有前字明甚註今齊至及東○正義詩疏引孫炎云今齊之營丘淄水過其南及東郭註本孫炎水經註引郭註過作逕郭云水過其南者水出其前也云及東者水自前而左也故孔穎達云水所營繞故曰營丘亦言其自前而左也蓋郭氏註爾雅時木作前左唐初爾雅本卽有脫去前字者故孔氏於禮記疏引爾雅有前字於詩疏引爾雅無前字然其訓釋營字俱從水之營繞取義孔氏亦知作前左者爲舊本也今見行爾雅本俱無前字始仍其舊

如覆敦者敦丘註敦孟也正義丘形如覆敦者名敦丘後世有敦丘蓋依此名太平寰宇記敦丘在

觀城縣南二十里註敦孟也○正義孫炎云敦器似孟郭氏取其義也少牢饋食禮云敦皆南首鄭註敦有首者尊者器飾也明堂位云有虞氏之兩敦鄭註黍稷器又鄭註周禮云玉敦受黍稷器儀禮疏引孝經鉤命決云敦規首上下圓相連是敦之形狀也孟體亦圓故郭氏舉類以曉人敦丘之狀似之也

遷池沙丘註旁行連延正義說文云遷行遷遷也池衰行也繫傳云遷漸迂衰也凡丘之迂衰相連者

俱名沙丘史記殷本紀益廣沙丘苑臺漢書地理志鉅鹿郡鉅鹿縣紂所作沙丘臺在東北七十里淮南道應訓在於沙丘困學紀聞引莊子逸篇云孔子舍於沙丘皆依爾雅爲名也史記集解引爾雅作池遷沙丘也

左高咸丘右高臨丘前高旄丘註詩云旄丘之葛兮後高陵丘

偏高阿丘註詩云陟彼阿丘正義丘之高有在左右前後者有偏在一隅者此別其名也左

高而右卑者名咸丘後世有咸丘蓋依此名春秋桓七年焚咸丘杜註咸丘魯地高平國鉅野縣有咸亭公羊傳云咸丘者何邾婁之邑也右高而左卑者名臨丘前高而後卑者名旄丘詩疏引李巡云謂前高後卑下旄木或作髦釋名云前高曰髦丘如馬舉頭垂髦也釋文引字林作整云整丘也太平寰宇記旄丘在澶州臨河縣東今在大名府開州丘之後

高而前卑者名陵丘上隅偏高而不在左右前後者名阿丘
詩疏引李巡云謂丘邊高釋名云偏高曰阿丘阿荷也如人
擔荷物一邊偏高也註詩云至葛兮○正義鄘風旄丘文毛
傳前高後下曰旄丘○詩云至阿丘○正義鄘風載馳文毛
爾雅

宛中宛丘註宛謂中央隆高丘背有丘為負丘註此解死丘中

中央隆峻狀如負一丘於背上正義陳風宛丘之上兮毛傳四
方高中央下曰宛丘疏引李巡

孫炎皆云中央下元和郡縣志引爾雅舊註云四方高中央
下曰宛釋宛丘者舊無異說郭氏獨以為中央隆高者以下
文釋山云宛中隆山之宛中者名隆隆是高峻之貌是丘之
宛中者與山之宛中同義此篇下云丘上有丘為宛丘可證
其為中央隆高矣釋名云中央高曰宛丘有丘宛宛如偃器
也與郭氏義同丘背有丘曰負丘說文云隄丘名武負聲相
近隄丘即負丘也註宛謂至隆高○正義詩疏引郭註云宛
丘謂中央隆峻狀如一丘矣與今本異○此解至背上○正
義丘背有丘疑於後高陵上郭以丘
背即丘上也故定為重釋宛丘之義

左澤定丘右陵泰丘註宋有泰丘社亡見史記正義丘之東有
澤者名定丘說

文云阿丘名即定丘也丘之西有大阜者名泰丘後世有太
上蓋依此名註宋有至史記正義史記集解引爾雅泰丘作
太丘索隱引郭註云宋有太丘社以社名此地也與今本異
六國表周顯王三十二年秦惠文王二年宋太丘社亡封禪
書亦云宋太丘社亡索隱曰應劭
云亡淪入地井也亡謂社主亡也

如畝畝丘註丘有隴界如田畝如陵陵丘註陵大阜也正義小
雅卷伯

云狩于畝丘疏引李巡云謂丘如田畝曰畝丘也孫炎云方
百步也釋名云畝丘丘體滿一畝之地也郭註本李巡為義
丘之如陵者名陵丘與後高之陵丘
同名註陵大阜也○正義釋地文

丘上有丘為宛丘註嫌人不了故重曉之正義此重釋宛丘之
義與地廣記云爾雅

丘上有丘曰宛丘
今其地形則然

陳有宛丘註今在陳郡陳縣晉有潛丘註今在太原晉陽縣淮

南有州黎丘註今在壽春縣正義此釋丘之所在也陳有宛
丘者鄭氏詩譜陳都於宛丘之

側水經註宛丘在陳城南道東王隱云漸欲平今不知所在
矣元和郡縣志宛丘在陳州宛丘縣南三里太平寰宇記在

宛丘縣南三里高二丈案宛丘在元魏時酈道元已云不知所在而李吉甫能按其道里樂史且計其崇卑疑後人別指一丘以當之非王隱所云漸欲平者矣晉有潛丘者元和郡縣志在太原縣南三里爾雅云晉有潛丘隋開皇二年於其上置大興國觀案舊圖經在城東八里宋修惠明寺陶土作瓦是丘遂湮淮南有州黎丘者州黎即州來古者來黎音同劉台拱云鹽鐵論孔子能方不能圓故飢於黎丘哀公二年蔡遷於州來四年孔子自陳適蔡三歲吳伐陳楚救陳軍於城父使人聘孔子於是絕糧陳蔡之間鹽鐵論所謂黎丘蓋即州黎之丘也註陳郡陳縣○正義晉書地理志梁國陳縣案晉初以陳郡屬梁國晉書據初制也惠帝復置陳郡渡江後因之郭氏據當時之郡縣也今為陳州府淮寧縣○太原晉陽縣○正義晉書地理志太原國晉陽縣今為太原府太原縣○壽春縣○正義晉書地理志淮南郡壽春縣今為鳳陽府壽州

天下有名丘五其三在河南其二在河北註說者多以州黎宛

營為河南潛敦為河北者案此方稱天下之名丘恐此諸丘碌碌未足用當之殆自別更有魁梧桀大者五但未詳其名

號今所在耳正義風俗通義引爾雅曰天下有名丘五其三在河南二在河北應劭不言所在今無可考註

說者至在耳正義以州黎宛營為河南潛敦為河北蓋漢以來之舊說郭不從者以爾雅於陳有宛丘以下始據地望言之營丘敦丘爾雅祇釋其形狀未可專指一處又據當時目驗諸丘形狀不足以當魁梧桀大之稱故從闕疑

丘正義題上事

望厓洒而高岸註厓水邊洒謂深也視厓峻而水深者曰岸正義

說文云岸水厓而高者衛風氓云淇則有岸此釋之也凡水邊之地望之下深而上峻者各岸玉篇云洒深也與郭義同搢風云新臺有洒毛傳洒高峻也與郭註義相成也

夷上洒下不濬註厓上平坦而下水深者為濬不發聲正義王

云在河之濬毛傳濬水濬也魏風伐檀云淇之河之濬今毛傳濬厓也說文云濬水厓也詩曰淇河之濬案說文節取詩句以證濬為水厓不備引其全文也註厓上至發聲○正義詩疏引李巡云夷上平上洒下階下故各濬孫炎云平上階下故名曰濬不者蓋衍字李孫俱訓洒為隋郭不從者洒字从水西聲西與申聲相近又轉為深是從聲取義不當訓為

隋也孫又以不為衍字郭知不然者下文釋魚云左倪不類右倪不若不字皆發聲詞不得以為衍文也

隩隈註今江東呼為浦隩淮南子曰漁者不爭隈正義隩毛詩

瞻彼淇隩毛傳與隈也說文云隩水隈崖也隈水曲隩也詩釋文引孫炎云水曲中也詩疏引陸璣云淇隩二水名劉昭

郡國志注引博物志云隩水流入淇水經注云肥泉博物志謂之隩水毛言隩隈也鄭亦不以為津源而張司空專以

為水流入於淇非所究也然斯水即詩所謂泉源之水也案劉昭酈道元所引博物志與陸璣說同然肥泉流入於淇即

泉源之水俱見衛風不得以為隩水爾雅以隈釋隩毛傳因之是淇隩非二水名也註本汪至爭隈○正義玉篇云水源

枝注江海邊曰浦郭引方言俗語為證也淮南覽冥訓云田者不倍畔漁者不爭隈高誘註陳曲深處魚所聚也是郭註所引也又原道訓云以曲隈深潭

相予高誘註曲隈崖岸委曲正義此別水屋內外之名屋內為隩外為鞠註別屋表裏之名也大雅公劉云芮鞠之即

鄭箋水之內曰隩水之外曰鞠疏引李巡云屋內近水為隩其外為鞠孫炎云內曲裏也外曲表也周官職方氏註引詩

作芮隩之即漢書地理志芮隩雍州水也顏師古云隩與鞠同韓詩作芮隩言公劉止其軍旅欲使安靜乃就沛水之隩

耳詩疏引爾雅作鞠陸氏爾雅釋文亦作鞠今本作隈說文云隩隈崖也其內曰隩其外曰隈是爾雅舊本亦作隈釋文

引字林作坵云隈屋外也左傳疏引爾雅亦作隈唐石經及宋本俱作鞠與陸氏釋文同今定從陸本

畢堂牆註今終南山道名畢其邊若堂室之牆正義秦風終南

傳堂畢道平如堂也鄭箋畢也堂也才高大之山所宜有也畢終南山之道各邊如堂之牆然疏引李巡云堂牆各崖似

堂牆曰畢韓非子云董過于行馬邑山中深澗峭如廡深百仍如山徑之邊如牆也註今終至之牆○正義註本鄭箋詩

疏引郭註無室字

重屋岸註兩屋累者為岸岸上詩岸上地正義兩屋重累者

望屋洒而高岸之義也岸上之地曰岸說文云岸水厓也外水午聲徐鉉云今作游非是王風葛藟云在河之游下文釋水云游水厓與此互相證明也

墳大防註謂隄正義詩疏引李巡云墳謂屋岸狀如墳墓名大防也說文云墳水厓詩曰敵彼淮濱案大雅常

武篇作鋪敦淮濱毛傳濱厓也鄭箋屯其兵於淮水大防之上又鄭註大司徒云水厓曰墳稻人云以防止水鄭註防澚

旁隄也月令云修利隄防註謂隄也正義左傳疏引孫炎云防謂隄也郭註本孫炎淮南修務訓言禹修彭蠡之防高誘註防隄也說文又云坊大防是墳本或作坊

涘為厓註謂水邊

正義王風葛藟云在河之涘疏引李巡云涘各厓謂水邊也說文云涘水厓也周書曰

王出涘案說文引書今文夫誓之詞也詩疏引鄭註云涘涯也王出於岸上公羊傳云自南涘何休註涘水涯邊行垂厓也

窮饋汜註水無所通者谷者微註通於谷

正義窮饋之厓名汜其通谷者各微說文

云隨通溝也古文从谷饋木通溝其窮竭無所通者各汜說文云汜窮饋也水經註引爾雅去通谷者微郭景純曰微水邊通谷也與今本異說文云泉出通川曰谷

厓岸

正義題上事也水邊高者各厓岸說文云厓山邊也巖岸也是山邊高者亦各厓岸故附見釋丘

皇清經解卷五百一十四終

漢軍生員樊封校

皇清經解卷五百一十五

學海堂

爾雅正義

餘姚邵編修晉涵著

釋山第十一

正義周語云山土之聚也鄭註周禮云積石曰山春秋繁露云積土成山無損也成其大

無虧也小其上泰其下久長安後世無有去就儼然獨處惟山之意說文云山宣也宣氣散生萬物有石而高象形釋名云山產也產生物也山體曰石石路也堅捍裕也廣雅云土高有石曰山是山者土積而成以石為體故水經註引春秋說題辭云陰含陽故石凝為山王虞易注云山之為體層峯峻峭險參差也此篇所釋首言五山禹貢所謂奠高山也山三襲陟以下俱釋山之形體不釋山名故禹貢所導諸山若太行王屋蟠冢岷山俱不著于爾雅後世所命諸山依爾雅以為名若外方謂之高山天柱謂之霍山其最著矣泰山為東嶽以下疑為漢初傳爾雅者所附益也

河南華

註華陰山河西嶽註吳嶽河東岱註岱宗泰山河北恆

北嶽恆山江南衡

註衡山南嶽正義此釋周禮五嶽之名也虞夏書言四嶽周禮大

皇清經解 卷五百一十五 邵編修爾雅正義

宗伯大司樂始有五嶽之文鄭註大司樂云五嶽在兖州
衡在荊州華在豫州岳在雍州恆在并州據爾雅此文為釋
也周管成周宅於土中四方所和會華山在成周境內故首
舉之吳嶽在岐周境內故次及之中庸云載華嶽而不重舉
華嶽可以該五岳邦畿喬嶽四方所仰止東岱北恆南衡所
為三面環拱也釋地云河南曰豫州華在豫州故曰河南華
河西曰離州嶽在離州故曰河西嶽濟河間曰兖州郭註自
河東至齊岱在兖州故曰河東岱兩河間曰冀州在豫州南
河之北恆在冀州故曰河北恆漢南曰荊州為江漢朝宗之
地衡在荊州故曰江南衡爾雅於五嶽各繫以地所以使望
秩者無迷其方也周未望秩禮廢經訓衰微口說流傳浸生
異議漢初傳爾雅者遂增益其文於此篇之末曰嵩高為中
嶽太史公封禪書首述其言班固白虎通義應劭風俗通義
俱沿襲其說鄭註大宗伯亦云五嶽東曰岱宗南曰衡山西
曰華山北曰恆山中曰嵩高山鄭君以爾雅所言五嶽前後
異文互見於註迺未定之論孔穎達求其說而不得遂以鄭
註為更見異意大司樂註主災異而言其五岳正名必取嵩
高為定解賈公彥謂周國在雍州權立吳嶽為西嶽非常法
爾此惑於漢儒增益之文轉致疑於五岳之正名也王制云
五嶽視三公修其秩祀國有典常如謂可權立其名則秩祀
亦無定所成周制禮必不其然大宗伯所言五嶽主祭祀大
司樂所言五嶽主災異則是中嶽之祀在嵩高而吳嶽不與

焉五嶽間有災害在吳嶽而嵩高不與焉以吳嶽為五嶽慮
其或有震裂而存去樂之文以嵩高為五嶽即可信其終古
無震裂乎不正其名遷就其詞又何能得其定解矣爾雅者
正名之書也職方氏掌天下之圖以掌天下之地九州之山
鎮曰會稽曰衡山曰華山曰沂山曰岱山曰嶽山曰醫無閭
曰霍山曰恆山而無嵩高以會稽沂山醫無閭霍山為四鎮
則華嶽岱恆衡為五嶽而不指嵩高其明證矣何休公羊註
引尚書巡狩四嶽之文而益其下云還至嵩如初禮白虎通
義引尚書大傳云五嶽謂岱山霍山華山恆山嵩山也或以
此為唐虞五嶽有嵩高之證殊不知何休尚識緯大傳多附
益皆據漢事言之三代以前書闕有間虞夏書四岳而外惟
霍太山有太岳之稱是為唐虞之五嶽左氏昭四年傳司馬
侯云四岳三塗陽城太室太室即嵩高山別太室於四岳之
外明乎太室之不稱岳也知周以前不稱嵩高為岳則無疑
於吳嶽之為岳當從爾雅此文及大司樂註為成周五岳之
定名也詩疏引鄭志雜問云周都豐鎬故以吳岳為西岳周
家定以岳山為西岳不數嵩高鄭君釋五嶽此為定論矣註
華陰山○正義書疏引李巡云華西岳華山也此俗於舊說
也郭意以下文河西嶽例之則以嶽山為西岳則華當為中
岳故不從李註但以為華陰山○吳嶽○正義太平御覽引
孫炎云嶽雍州鎮有吳嶽山孫氏但以為雍州鎮蓋未能折
衷於鄭志定吳嶽為西岳也禹貢云導岍及岐職方離州其

卷五十五 邵編修爾雅正義

山鎮曰嶽山漢書地理志扶風汧縣吳山在西古文以為汧
 山水經註云汧水又東會一水發南山西側國語所謂虞矣
 禹貢本名岍山爾雅職方因其為西嶽故稱為嶽山俗謂之
 吳山又合稱吳嶽吳或作虞以其聲近字同也史記封禪書
 誤分吳山吳嶽為二吳嶽今在隴州○岱宗至南嶽○正義
 書疏引李巡云岱東岳泰山也恆北岳恆山也衡南岳衡山
 也郭註本李巡詳見下文書疏又引郭
 氏音義云恆山一名常山避漢文帝諱

山三襲陟註襲亦重再成英註兩山相重一成坏註書曰至于

大坏正義此釋山形重襲之異名也成猶重也已見釋丘山
 之三重者名陟列子湯問篇罔以喬陟張湛註山之重
 壘也殷敬順釋文引郭註云重隴也水經註稱為三累山書
 疏引李巡云再重曰英西山經有英山水經註云禺水出英
 山太平寰宇記鄭縣有英山其取再成之義以為名與書疏
 又引李巡云一重曰坏水經註引爾雅云山一成謂之坏許
 慎呂忱等並以爲丘一成也案今本說文云坏丘再成也與
 鄭註所引許慎說異蓋鄭註為得其實矣註書曰至于大坏
 ○正義禹貢文水經註河水東逕成臯大坏山下鄭康成曰
 地瘠也沈出坏際矣在河內修武北德之界濟沅之水與榮
 播澤出入自此然則大坏即是山矣又云成臯縣之故城在
 坏上繫帶坏早是鄭註本鄭說以成臯縣山為大坏也書孔

疏引薛瓚漢書音義以為黎陽縣山臨河豈不是大坏乎後
 世學者多從薛說隋書地理志黎陽縣有大坏山山在今衛
 輝府濬縣
 東南二里

山大而高崧註今中嶽嵩高山蓋依此名

正義大雅云嵩高維嶽此釋之也毛傳崧

高貌疏引李巡云高大曰崧釋名云山大而高曰嵩嵩竦也
 亦高稱也嵩為崇字之或體字亦作崧已見釋詁註今中至
 此名○正義郭意以外方為崧高出於禹名山川之後知其
 依爾雅以為名也後世山名有依於爾雅者舉以示例也以
 詩嵩高維嶽為專指中嶽而
 言其誤始於應劭風俗通義

山小而高岑註言岑峯銳而高嶠註言鐵峻卑而大扈註扈廣

也小而眾歸註小山叢羅正義此分別山有卑高小大之異

而高曰岑岑嶮也嶮然也後漢書註嶠山一名嶽岑山蓋依
 此名○銳而高嶠○釋名云上銳而長曰嶠形似橋也嶠本
 作喬淮南秦族訓引詩及河嶠岳今詩作喬本或作橋史記
 黃帝本紀葬橋山正義引爾雅云山銳而高曰嶠也釋文引
 字林作嶠云山銳而長也玉篇云嶠峻也形似橋與釋名同
 義列子湯問篇所云海中山有員嶠非雅義也○卑而大扈

○山之卑而大者曰扈說文云鄆有扈谷甘亭扈谷之名蓋取義於卑而大矣古文扈作𠄎玉篇作𠄎山廣貌釋文亦作𠄎俗體字也○小而眾歸○釋文云巋然高峻貌字林云小山而眾也莊子天下篇歸然而有餘釋文云字或作魏高誘淮南註云巋巋然故曰魏註言岑岑○正義方言云岑高也郭氏彼註云岑巋峻貌也說文云巋山之岑巋也釋文云字又作𠄎公羊傳三十三年傳殺之欽巋穀梁傳作必於殺之巋𠄎之下○扈廣也○正義鄭註檀弓云扈扈謂大廣郭註本鄭義

小山岨大山岨註及謂高過

正義兩山相並而小山高過於大山者曰岨說文云馭馬行相及也

讀若爾雅小山岨大山岨玉篇云岨山高貌

屬者嶧

註言駱驛相連屬獨者蜀註蜀亦孤獨

正義郭註子虛賦云屬連也山

之連屬者曰嶧孤獨者曰蜀禹貢云嶧陽孤桐漢書地理志東海郡下邳縣有葛嶧山古文以為嶧陽後世有蜀山又首山一名獨山皆依爾雅以為名註言駱至連屬○正義劉昭續漢志註引郭璞云釋山純石積構連屬初學記引舊說云今魯國有嶧山純石相積構連屬成山蓋謂此也疑為郭氏音義之文○蜀亦孤獨○正義蜀本蟲名獨行無羣匹見下

文釋蟲假借以為孤獨之山名

上正章註山上平宛中隆註山中央高

正義釋丘云上正章丘宛中宛丘此又釋山形

相似者之名也漢書地理志江夏郡竟陵縣章山在東北古文以為內方史記正義引括地志云方城山頂上平四面險峻是凡山之上平者俱名章也玉篇云隆中央高也左氏成二年傳齊侯圍龍史記晉世家云齊伐魯取隆索隱引劉氏曰隆即龍也魯北有隆山管子中匡篇反胙於隆嶽淮南傲真訓終隆之山後世所謂隆中隆慮蓋取宛中之義

山脊岡註謂山長脊未及上翠微註近上旁陂

正義釋名云山脊曰岡岡亢也

在上之言也山旁曰陂言陂陀也大雅公劉云迺陟南岡疏引孫炎云長山之脊也其未及上者名翠微謂旁陂也初學記引舊註云一說山氣青縹色曰翠微劉逵蜀都賦註翠微山氣之輕縹也與爾雅義殊

山頂冢註山巔峯者屢屢註謂峰頭巖巖

正義小雅十月云山冢峯崩毛傳山頂曰

冢鄭箋峯者崔嵬漸漸之石云惟其卒矣鄭箋亦云卒者崔嵬謂山巔之石也蓋鄭君所見爾雅本作卒者崔嵬說文云峯危高也屢屢山巔也釋名云山頂曰冢冢腫也言腫起也史記封禪書云四大冢鴻岐吳岳索隱云謂四山為大冢爾

雅曰山頂曰冢亦因鴻冢而為號也註山巔○正義釋言云顛頂也詩疏引孫炎云冢謂山巔也郭註本孫炎○峰頭巖巖○正義玉篇云巖巖高危後漢書註云巖巖山石高峻之貌釋文引字林云巖巖山貌也

山如堂者密註形如堂室者尸子曰松柏之鼠不知堂密之有

美樅如防者盛註防隄正義說文云密山形如堂者後漢書鍾皓傳歸隱密山元和郡縣志云河南府密縣故密國春秋諸侯伐鄭圍新密爾雅山如堂者曰密因以為名盛者釋文云山形如黍稷之在器案盛通作成

楊倬荀子註盛讀為成史記封禪書云成山斗入海漢書郊祀志作盛山海濱以山為限若隄防之止水矣註形如至美

樅○正義鄭註檀弓云堂形四方而高山形如堂當似之也郭引尸子舊疏以為綽子篇文○防隄○正義說文云防隄也鄭註檀弓云坊形旁殺平上而長孔穎達云上平而兩旁殺其南北長也如防之山其形當猶此矣

巒山墮註謂山形長狹者荆州謂之巒詩曰墮山喬嶽正義說文云巒山小而銳墮山之墮墮者劉遠蜀都賦註云巒山長而狹也

一曰小而銳也釋文引埤蒼云山小而銳字林云山之施墮者註謂山至喬嶽○正義郭知山形狹長者鄭註儀禮云墮方曰篋釋文云墮狹而長墮墮聲相近是巒雖有銳小之訓

常以狹長為正訓也荆州謂之巒者楚詞九諫云登巒山以

四望兮好桂樹之冬榮是楚人語也墮山喬嶽周頌般文毛

傳墮山山之墮墮小者也

重巖註謂山形如累兩巖巖也山形狀似之因以名云正義

詩疏引李巡云隙阪也孫炎云山基有重岸也說文云隙崖也下文釋畜云善陞巖釋名云小山別大山曰巖巖也巖

謂山至名云○正義郭氏舉類以曉人也方言云巖自關而東謂之巖鄭註考工記云巖無底巖說文云巖也

一穿曰巖釋文引字林云隙山形似重巖與郭義同

左右有岸註夾山有岸正義說文云巖岸也左右有高峻之

之峭岸兮謂山岸也玉篇云崖口合切山左有岸錢詹事云當作崖說

文云崖

閉也

大山宮小山霍註宮謂圍繞之禮記曰君為廬宮之是也小山

別大山鮮註不相連正義此辨大山小山相繞相別之異名也大山圍繞小山者名霍郭氏註中山

經云案爾雅大山繞小山為霍今平陽永安縣廬江灣縣晉安羅江縣河南鞏縣皆有霍山明山以霍名者非一矣郭氏引爾雅易宮為繞俾人易曉也酈道元水經註於霍山下引爾雅曰大山宮小山曰霍是也廬江水下引爾雅云大山曰宮謂宮亭之名蓋起於此矣其句讀矣小山別於大山者各鮮釋文引李巡云大山少故曰鮮大雅皇矣云度其鮮原毛傳用爾雅逸周書和寤解王乃出圖商至于鮮原即詩所云鮮原矣公劉云陟別在巘毛傳巘小山別於大山也是毛以鮮巘為一字也釋名鮮作巘所見本異註禮記至宮之○正義喪大記文鄭註宮謂圍陣之也郭引以證宮有圍繞之義也喪大記又云君大夫士皆宮之○不相連也

正義詩疏引孫炎云別不相連也郭註本孫炎

山絕陸註連山中斷絕 **正義**說文云陸山絕坎也左氏僖四年兵侵楚至陸山戰國策云楚地有分陸之塞又云韓南有陸山皆指今新鄭縣西南之陸山也淮南地形訓以井陘為九塞之一趙世家云與之陸徐廣云陸者山絕之名常山有井陘中山有苦陘元和郡縣志引述征記云太行山首始於河內自河內北至幽州凡有八陘第一曰軹關陘第二太行陘第三白陘第四滏口陘第五井陘第六飛狐陘第七蒲陰陘第八軍都陘凡兩山中斷

以成隘道者皆稱陘焉

多小石礮註多礮礮多大石礮 **註**多礮石 **正義**說文云礮山多也釋名云山多小石曰礮礮堯也每石堯堯獨處而出見也

山多大石曰礮礮學也大石之形學學然也礮省作礮小雅車攻云博獸于敖左氏宣十二年傳晉師在敖鄩之間杜註敖鄩二山名水經註引述征記作礮礮南北史俱作礮礮註多礮礮○正義說文云礮小石也釋名云小石曰礮小石相支柱其間析析然出內氣也眾經音義引通俗文云地多小石謂之礮礮○多礮石○正義玉篇云礮大石也礮本亦作盤揚倭荀子註盤石盤薄大石也

多草木岫無草木岫註皆見詩 **正義**說文云岫山有草木也岫岫岫也人所怯取以為事用也山無草木曰岫岫岫也無所生出也釋文引三蒼字林聲類並云岫猶岫岫字註皆見詩

○正義魏風陟岫云陟彼岫兮又云陟彼岫兮毛傳山無草木曰岫山有草木曰岫與爾雅正相反孔疏以毛傳為傳寫誤也詩釋文云王肅依爾雅

山上有水埒註有滄泉 **正義**釋名云山上有水曰埒埒脫也脫

以為有界埒水則此山上有水亦當有界以限之也淮南齊俗訓云狙貉得埒防高誘註埒水埒也

夏有水冬無水學註有涇潦

正義說文云夏有水冬無水曰學

縣有漏澤漏穴有五皆方丈餘深二丈以上其澤每夏積水
秋冬漏竭將漏之時居人知之不過三日漏水都盡是其類
也註有涇潦正義郭以潦水易盈
易涇猶釋土以水潦所止為坭丘也

山續無所通谿註所謂窮續者續無所通與水注川同名

正義說文

云谿山續無所通者是本於雅訓也杜預左傳註云谿亦澗
也與此義殊註所謂至同名正義釋丘云窮續汜釋水云
水注川曰谿左傳疏引李巡云山中水瀆雖無所通與
水注川同名郭註本李巡兼引釋土之文相證明也

石戴土謂之崔嵬註石山上有土者土戴石為硯註土山上有

石者正義周南卷耳云陟彼崔嵬又云陟彼硯矣此釋之也
疏引孫炎云石山上有土者又云土山上有石者是郭

註所本也毛傳崔嵬土山之戴石者石山戴土曰硯與爾雅
正反孔疏以為傳寫之誤然說文云岨石戴土也釋名云石
戴土曰岨岨臚然也土戴石曰崔嵬因形名之也俱本毛傳
疑所見本異也說文又云阨石山戴土也亦所以廣異名

山夾水澗陵夾水瀆註別山陵間有水者之名

正義左傳疏引
李巡云山間有

水者各澗釋名云山夾水曰澗澗間也言在兩山之間也廣
雅云澗間也衛風云考槃在澗釋文引韓詩澗作干云境境
之處也詩序亦以為賢者退而窮處蓋兩山夾水沙土堯境
境宇迫隘惟頽人處之適覺其寬閑爾左氏隱二年傳云澗
谿沼注之毛杜註谿亦澗也孫子云凡地有絕澗註云水深
大者為絕澗杜氏以谿為澗是深大之澗也陵間夾水者名
瀆釋文云本又作
虞案虞又通作澗

山有穴為岫註謂巖穴

正義說文云岫山穴也籀文作甯繫傳
云詩古公亶父避狄于岐下陶窳陶穴

謂於地旁巖築下為室若陶窳然也需卦爻辭云出自穴王
彌註穴者陰之路也孔子閒居云山川出雲山雲出於岫也

山西曰夕陽註暮乃見日山東曰朝陽註旦即見日

正義大雅
公劉云度

其夕陽卷阿云于彼朝陽此釋之也書疏引李巡云山西暮
乃見日故曰夕陽山東朝乃見日故曰朝陽詩疏引孫炎云
夕乃見日朝先見日釋名云山東曰朝陽山西曰夕陽隨日
所照而名之也秋官柝人疏引爾雅云山南曰陽山北曰陰
蓋釋爾雅者之舊說穀梁僖二十八年傳云
水北為陽山南為陽由雅訓而推廣之也

泰山為東嶽註在奉高縣西北華山為西嶽註在宏農華陰縣

西南霍山為南嶽註在衡陽湘南縣南今在廬江潛縣西即

天柱山澗水所出也漢武帝以衡山遼曠因讖緯皆以霍山

為南嶽故移其神於此今其土俗人皆呼之為南岳南岳本

自以兩山得名非從近也而學者多以霍山不得為南岳又

言從漢武帝始乃各之如此言為漢武在爾雅前乎斯不然

矣恒山為北嶽註恒山在常山北曲陽縣西北嵩高為中嶽

註大室山也

正義此後世所稱之五嶽也史記封禪書引尚書而釋之曰歲二月東巡狩至于岱宗岱宗泰

山也五月巡狩至南岳南岳衡山也八月巡狩至西岳西岳

華山也十一月巡狩至北岳北岳恒山也又增益其文曰中

岳嵩高也是漢初諸儒以嵩高配五岳之數後世仍之至今

不改詩疏引孫炎說霍山當作衡山字之誤也郭氏則以為

一山而二名白虎通義云嶽者何謂也嶽之言嶽也嶽功德

也東方為岱宗者何言萬物更相代於東方也南方為霍山

者何霍之為言護也言太陽用事護養萬物也西方為華山

者何華之為言獲也言萬物成熟可得獲也北方為恒山者

何恒者常也萬物伏藏於北方有常也中央為嵩高者何嵩

言其高大也說文云嶽東岱南霍西華北恒中泰室王者之

所以巡狩所至此言漢制也風俗通義云東方泰山詩云泰

山巖巖魯邦所瞻尊曰岱宗岱者長也萬物之始陰陽交代

雲觸石而出膚寸而合不崇朝而徧雨天下其惟泰山乎故

為五嶽之長南方衡山一名霍霍者萬物盛長垂枝布葉霍

然而大西方華山華者華也萬物滋然變華於西方也北方

恒山恒者常也萬物伏藏於北方有常也中央曰嵩高嵩者

西南霍山為南嶽註在衡陽湘南縣南今在廬江潛縣西即

天柱山澗水所出也漢武帝以衡山遼曠因讖緯皆以霍山

為南嶽故移其神於此今其土俗人皆呼之為南岳南岳本

自以兩山得名非從近也而學者多以霍山不得為南岳又

言從漢武帝始乃各之如此言為漢武在爾雅前乎斯不然

矣恒山為北嶽註恒山在常山北曲陽縣西北嵩高為中嶽

註大室山也

正義此後世所稱之五嶽也史記封禪書引尚書而釋之曰歲二月東巡狩至于岱宗岱宗泰

山也五月巡狩至南岳南岳衡山也八月巡狩至西岳西岳

華山也十一月巡狩至北岳北岳恒山也又增益其文曰中

岳嵩高也是漢初諸儒以嵩高配五岳之數後世仍之至今

不改詩疏引孫炎說霍山當作衡山字之誤也郭氏則以為

一山而二名白虎通義云嶽者何謂也嶽之言嶽也嶽功德

也東方為岱宗者何言萬物更相代於東方也南方為霍山

者何霍之為言護也言太陽用事護養萬物也西方為華山

者何華之為言獲也言萬物成熟可得獲也北方為恒山者

何恒者常也萬物伏藏於北方有常也中央為嵩高者何嵩

言其高大也說文云嶽東岱南霍西華北恒中泰室王者之

所以巡狩所至此言漢制也風俗通義云東方泰山詩云泰

山巖巖魯邦所瞻尊曰岱宗岱者長也萬物之始陰陽交代

雲觸石而出膚寸而合不崇朝而徧雨天下其惟泰山乎故

為五嶽之長南方衡山一名霍霍者萬物盛長垂枝布葉霍

然而大西方華山華者華也萬物滋然變華於西方也北方

恒山恒者常也萬物伏藏於北方有常也中央曰嵩高嵩者

皇清經解

卷五

七

邵編修爾雅正義


伯以泰山之祔易許田而巡行之禮廢春秋之末季氏旅於泰山而望祀之禮亦廢矣嶽屬於秦衡山屬於楚儒者局於所聞毀所不見說五嶽者紛然殺亂因國語崇山之文而增益為嵩高因嵩高之名而傳會於詩之崧高惟嶽遂以崧高為中岳之名豈知詩所謂崧高惟嶽者固指四嶽而言哉或謂五嶽所在唐虞周漢屢易其方然則後世亦可別指一山以為嶽乎斯又有所不可也夫周立西嶽異於唐虞非好為更易也因封建之制也封建既廢則嶽祀當視其方位王者大一統而昭無外五方喬嶽能興雲雨而有功德者以時秩祀豈必舍往訓而別定其方嶽哉此東岱西華南衡北恒中嵩高所由相沿不改為五嶽之名也註在奉高縣西北○正義漢書地理志泰山郡奉高縣有明堂博縣有泰山廟岱山在西北晉仍漢制泰山今在泰安府泰安縣北○在宏至西南○正義漢書地理志京兆華陰縣太華山在南有祠豫州府華陰縣南十里○在衡至近也○正義郭云在衡陽湖南縣南者漢書地理志長沙國湘南縣禹貢衡山在東南荆沙郡所分置也衡山在縣南古今所謂南岳也今衡山在衡州府衡山縣西郭云今在廬江濳縣西者漢書地理志廬江郡濳縣天柱山在南有祠晉仍漢制今濳山在安慶府濳山縣西北郭云即天柱山濳水所出者廣雅云霍山謂之天柱


今謂之皖公山皖水出焉別流曰濳水合流入於江郭云漢武帝移其神於此者史記封禪書云上巡南郡至江陵而東登禮濳之天柱山號曰南嶽太史公意以天柱山本非南嶽武帝強號曰南嶽爾太平御覽引徐靈期南岳記云衡山者五嶽之南嶽也其來尚矣至于軒轅乃以濳霍之山為副焉故爾雅曰霍山為南嶽蓋因其副焉至漢武南巡又以衡山遼遠道隔江漢於是乃從南嶽之祭於廬江濳山亦承軒轅副義也案軒轅以濳霍為耐於古籍無徵此海上怪迂之士妄引黃帝不足為信漢武所據識緯大率類此矣郭云南岳本自以兩山為名非從近者郭意以衡霍為一山也尚書大傳有中祀霍山及奠南方霍山之文大傳為後人哀集不盡可據應劭謂衡一名霍傳會漢制實則衡之與霍自為兩山通典引三禮義宗云唐虞以衡山為南岳周氏以霍山為南嶽此見爾雅前後異文求其故而不得強為之詞然未嘗不以衡山霍山為二山也水經釋禹貢山水澤地云霍山為南岳在廬江濳縣西南衡山在長沙湘南縣南是亦以霍山衡山為二山也以爾雅前後之釋地所云梁山即為衡山此由於聲之轉也釋山上云江南衡下云霍山為南嶽即使衡山別名霍山不得一篇之中互舉其名况夫霍之為義由於大山宮小山也今天柱山中峯小而四圍有大山以宮繞之衡州之衡山則中峯獨高而前後左右諸山皆在其下揆諸雅訓則天柱可名之曰霍衡山不得名之曰霍此可以目驗

而可知也然則爾雅此文何以云霍山為南嶽蓋漢武以後諸儒所竄易也漢初儒者增益五嶽之名於釋山篇末與封禪書同武帝以後復改衡為霍以附合時制郭氏不悟其為竄別遂遷就而為之詞曰學者以霍山為嶽始於漢武將漢武在爾雅前乎夫爾雅固在漢武以前但郭氏所據之本果即漢武以前相傳之爾雅乎斯不得過信今本轉疑古訓也合經傳而總核之冀州之霍山與秦衡華恒唐虞之五嶽也華嶽秦恒衡周之五嶽也秦衡華恒嵩高漢初相傳之五嶽也秦華霍恒嵩高武帝所定之五岳也知漢以前五嶽無定名則不惑於羣說之膠牾矣或謂世所傳本定為漢儒增易得毋勇於疑經乎斯又不然禮記或素或青雜以秦語左傳其處者為劉氏明為漢儒竄入則知漢儒增益經文正不必為之掩護信古善述者斷不以一端之失而疑及全經爾○恒山至西北○正義漢書地理志常山郡上曲陽縣恒山北谷在西北有祠并州山晉仍漢制今恒山在定州曲陽縣西北郭註自在奉高縣西北至此舊本多闕今據禮記疏及詩疏補入○太室山也○正義漢書地理志潁川郡密高縣武帝置以奉太室山是為中岳有大室少室山廟古文以崇高為外方山也水經註云合而言之為崧高而名之為二室西南有少室東北有太室詩疏引孝經鉤命決云中岳崧高是漢儒之說也今嵩山在河南府登封縣西

梁山晉望也註晉國所望祭者今在馮翊夏陽縣西北臨河上

正義詩疏引孫炎云晉國所望祭也春秋成五年梁山崩公羊傳云梁山者何河上之山也穀梁傳云梁山崩壅遏河三日不流范甯集解云梁山晉之望也楊士勳疏云詩云奕奕梁山是韓國之鎮霍陽韓魏晉之地故云晉之望也集解又引鄭君曰望者祭山川之名也謂之晉望者猶左氏哀六年傳云江漢睢漳楚之望也註今在至西北○正義漢書地理志左馮翊夏陽縣禹貢梁山在西北晉書地理志馮翊郡夏陽縣梁山在西北今梁山在同州府郃陽韓城二縣境





皇清經解卷五百一十六

學海堂

爾雅正義

餘姚邵編修

晉澗著

釋水第十二

正義洪範五行一曰水水曰潤下白虎通義五行篇水位在北方北方者陰氣在黃泉之

下任養萬物水之言準也養物平均有準則也說文云水準也北方之行象眾水並流中有微陽之氣也釋名云水準也準平物也此篇所釋始於原泉見水之有本也泉之所出或正或仄或從上下審測地勢俱可得泉故管子云水者地之血氣如筋脉之通流者也文選註引春秋元命包云水者五行始焉元氣之湊液也泉之所會為川周語云川氣之導也澤水之鍾也天地成而聚于高歸物于下疏為川谷以導其氣故谿谷溝澮轉相灌注也通川曰川或決而復入或歸異出同孫子云水因地而制形又云水無常行故因其形而別其名也涉水則為揚為厲乘舟則溯洄湖游言濟水之用也水之大者為四瀆故乾鑿度云四瀆通情優游信潔後漢書註引河圖云天有四表以布精魄地有四瀆以出圖書也四瀆之大者莫若河故於河曲九河釋之較詳

泉一見一否為瀝註瀝纔有貌

正義說文云泉水原也瀝清也原泉時出而不舍其有時出有

時涸者謂之澱言其泚澆纔有水也論衡是應篇引爾雅作一見一否曰澱今本作爲澱所見本異也說文引爾雅與今本同

井一有水一無水爲澇澇註山海經去天井夏有水冬無水即

此類也正義雜卦傳云井通也易釋文引周書云黃帝穿井世本云化益作井宋衷去化益伯益也說文云井八

家一井象構韓形鑿之象也澇水聲也釋名云井清也泉之清潔者也井一有水一無水曰澇澇澇竭也澇有水聲

澇澇也井以養人而不窮其時見時否者別釋其名焉爲澇澇說文作謂之澇詩山海至類也正義中山經云視山

其上多韭有井焉名曰天井夏有水冬竭是郭所據也釋山云夏有水冬無水樂此指停澇而言澇澇之井亦復時有時

無郭氏與類以曉人也孫子云地多陷曲名曰天井此言行軍險地與郭氏所引山海經義殊

濫泉正出正出涌出也註公羊傳曰直出直猶正也沃泉縣出

縣出下出也註從上雷下沃泉穴出穴出也註從旁出

也正義論衡云泉出之異輒有異名此分釋之也濫泉至涌出也說文云濫濡上及下也詩曰畢沸濫泉今大雅

桑柔篇作威涉檻泉毛傳涌泉之源所出者深言泉之直出者其勢超涌故說文云涌膝也膝水超涌也釋名云水正出

曰濫泉濫銜也如人口有所銜口闔則見也詩疏引李巡云水泉從下上出曰涌泉呂氏春秋本味篇高原之山其上有

涌泉焉隋書地理志襄陵郡梁縣有濫泉蓋後人依爾雅以爲名沃泉至下出也曹風云洌彼下泉毛傳泉下流也

疏引李巡云水泉從上溜不出釋名云懸出曰沃泉水從上

下有所灌沃也案說文云沃溉灌也高懸下溜之泉如相灌

溉故謂之沃泉沃泉至下出也小雅大東云有洌沃泉毛傳側出曰沃泉疏引李巡云水泉從傍出名曰沃泉側出

釋名云側出曰沃泉沃泉也流狹而長如車軌也說文作屠

仄出泉也又云沃水從孔穴疾出也案側出泉也是側出之

泉又名漿也註公羊至正也正義昭五年傳云濟泉者何直泉也直泉者何涌泉也徐彥疏謂此泉直上而出郭意以

直訓爲正直上之濟泉即濫泉也釋名亦云水上出曰涌泉濟泉並是也

溪闢流川註通流逼辨回川註旋流正義考工記云兩山之間必有川焉管子度地篇水

之出於他水滿流于大水及海者命曰川水說文云川貫穿通流水也虞書曰濬之於川言深也之水會爲川也釋名云川穿也穿地而流也溪闢說文作溪辟深水處也玉篇作溪闢通泉川之回旋者名過辨說文云旋回泉也

澗反入註即河水決出而復入者河之有澗猶江之有汜

正義水之

反入者名澗水經註云反入謂河決復入者也河之有澗猶漢之有潛也元和郡縣志云澗湖在巴陵縣南一十里爾雅曰河水決出復入者為澗左傳定公四年吳人敗楚於雍澗五戰入郢即此是也反入之水俱為澗也註即河至有汜○正義下文云決復入為汜郭以江之有汜證河之有澗明反入即為復入也釋名云水從河出曰雍沛言在河岸限內時見壅出則沛然也

澗沙出註今河中呼水中沙堆為澗

正義水中有積沙上出者曰澗說文云沙水散石也

从水从少水少沙見燕肅云澗海中沙也商賈或泛海取捷謂之登澗註今河至為澗○正義文和郡縣志河南府河陽縣中澗城東魏孝靜帝元象元年築玉篇云江南人呼水中沙堆為澗類篇云江東呼水中沙堆為澗今河陽縣南有澗城

汧出不流註水泉潛出便自停成汚池

正義水出泉而不達於通川者為汧與水決之

澤入於渭者同名而異實列子黃帝篇汧水之潘為淵管子度地篇水出地而不流者命曰淵水書釋文引馬融云泉出

而不流者謂之潛即其類也註水泉至汚池○正義郭以汧池之水俱有泉原而不達於通川故舉類以曉人也說文云小池為汧楊倞荀子註汧停水之處

歸異出同流肥註毛詩傳曰所出同所歸異為肥

正義水經註引健為舍人

云水異出流行合同曰肥案水經註馬溝水出朝歌城北東流南屈逕其城東又東流與美溝合美溝水出朝歌西北大嶺下東流逕駝谷東逕朝歌城北又東南流注馬溝水又東南注淇水為肥泉也鄭道元以所出異所歸同為肥義本舍人與郭氏殊釋名云所出同所歸異曰肥泉本同出時所浸潤少所歸各枝散而多似肥者也與郭意同註毛詩至為肥○正義地風泉水去我思肥泉毛傳所出同所歸異為肥泉郭引毛傳省泉字水經註引爾雅作歸異出同日肥

澗大出尾下註今河東汾陰縣有水口如車輪許澗沸涌出其

深無限名之為澗馮翊郃陽縣復有澗亦如之相去數里而

夾河河中階上又有一澗澗原皆潛相通在汾陰者人壅其

流以為陂種稻呼其本所出處為澗魁此是也尾猶底也正義

說文云澧水浸也列子湯問篇壺領之山有水湧出名曰神澧一源分為四張澧註山頂之泉曰澧是水之出流盛大而底原深下者謂之澧註今河至是也○正義水經註云澧水出汾陰縣南四十里西去河三里平地開源澧泉上涌大幾如輪深則不測俗呼為澧魁古人壅其流以為陂水種稻東西二百步南北百餘步與郃陽澧水夾河河中渚上又有一澧水皆相潛通故呂忱曰爾雅異出同流為澧水其水西北流歷蒲阪西流注於河又云郃陽城北有澧水南去二水各數里其水東逕其城內東入於河又於城內側中有澧水東南出城注於河城南又有澧水東流注於河元和郡縣志云中澧水蒲池澧水與南澧水並在新河西縣南五里今郃陽界內太平寰宇記云蒲州臨晉縣澧水出縣西三十八里案呂忱所引爾雅與今本殊水之出同歸異者為肥異出同流者為澧蓋古義也漢河東郡汾陰縣劉昭注補續漢志引郭註為證晉因漢制監本晉書地理志作河東郡汾陽縣疑傳寫之訛今為蒲州府榮河縣漢左馮翊郃陽縣晉為馮翊郡郃陽縣今為同州府郃陽縣監本作名之日澧呼其本所出處無所字今從宋本

水醮曰醮註謂水醮盡

正義說文云醮盡也沈水厓枯土也爾雅曰水醮曰醮醮出泉也案說文所引沈醮二字與今本爾雅彼此互易玉篇云醮水盡也仄出曰醮泉與今本同

水自河出為澮註書曰澮沮會同濟為澮汶為澮洛為澮漢為

潛註書曰沱潛既道淮為澮江為沱註書曰岷山導江東別

為沱澮為洵潁為沙汝為澮註詩曰遵彼汝澮皆大水溢出

別為小水之名正義此釋大水溢出別為小水之名也河濟

入於江澮潁汝入於淮皆發原文四澮洩入於泂洩入於河漢

為小水○水自河出為澮○上文云澮反入此又言水之自

河溢者亦名澮也水經註河水北與枝津合水受大河東

北逕富平城所北分裂以澮田圃北流入河河之有澮若漢

之有潛也漢書鄒陽傳申徒狄蹈雍之池顏師古註雍者河

水溢出為小流也是水之自河別者俱得名澮矣說文云河

澮水在宋又云汝水受陳留浚儀陰溝至蒙為澮水東入于

泗案說文所云汝水至蒙為澮水者水經所謂澮水也蒙為

宋地故云在宋水經又云東過滎陽縣北浪蕩渠出焉註云

河水又東逕卷縣北晉楚之戰晉軍爭濟舟中之指可掬楚

莊祀河告成而還即處也淮南人間訓楚莊王勝晉於河

雍之閒是浪蕩渠初出即稱澮也水經又云瓠子河出東

郡濮陽縣北河註云縣北十里即瓠河口也爾雅曰水自河

出為澮是酈道元以瓠子河為澮也洪河下注因勢曲蟠溢

為小水所在多有後人沿爾雅之文凡自河出之水多名灘焉。濟為滄。水經註云汜水西分濟瀆東北逕濟陰郡南爾雅曰濟別為滄呂忱曰水決復入為汜廣異名也是鄆氏以汜水為滄水也。汶為瀾。釋文引李巡云瀾溢也漢書地理志泰山郡萊蕪縣禹貢汶水出西南入泲水經與漢志同鄆道元云汶水又南洗水注之呂忱曰洗水出東平陽上承汶水於剛縣西闡亭東爾雅曰汶別為闡其猶洛之有波矣是洗水即闡水也註又引應劭曰春秋經書齊人取瀾及闡今闡亭是也杜預春秋釋地曰闡在剛縣北闡當作闡。洛為波。漢書地理志宏農郡上雒縣禹貢雒水出冢頂山東北流至鞏入河水經云洛水出京兆上洛縣謹舉山註云洛水又東門水出焉爾雅所謂洛別為波也又云門水即洛水之支流者也洛水自上洛縣東北於拒陽城之西北分為二水枝渠東北出為門水也是門水即波水也。漢為潛。荀子註引李巡云漢水溢流為潛禹貢云嶧冢導漾東流為漢漢書地理志隴西郡氐道縣禹貢養水所出至武都為漢又云武都郡武都縣東漢水受氐道水一名沔過江夏謂之夏水入江書疏引郭氏音義云有水從漢中沔陽縣南流至梓潼漢壽入大穴中通岡山下西南潛出一名沔水今名龍即禹貢潛也史記正義引括地志云潛水一名復水今名龍門水源出利州綿谷縣東龍門山大石穴下元和郡縣志綿谷縣潛水出縣東北龍門山書曰沱潛既道是也龍門山在

縣東北八十二里太平寰宇記引梁州記蔥嶺山有石穴高數十丈其狀如門號為龍門今四川保寧府廣元縣北龍門山潛水自此入穴通山伏流重出屈曲流至巴縣入大江即郭氏音義所云潛水也漢書地理志巴郡宕渠縣潛水西南入江水經與漢志同鄆道元云潛水蓋漢水枝分潛出故受其稱爾此別一潛水與郭氏義殊。淮為汭。漢書地理志臨淮郡淮浦縣游水北入海水經註云淮水於縣枝分北為游水爾雅曰淮別為游游水亦枝稱者也。江為沱。太平寰宇記引李巡云江水溢出為沱書疏引郭氏音義云沱水自蜀郡都安縣嶺山與江別更流漢書地理志蜀郡郫縣禹貢江沱在西東入大江即郭氏所云沱水也後人謂之郫江今成都府灌縣東有都安故城。沱為洵。說文云沱水受淮陽扶溝浪揚渠東入淮又云海沱水中也水經註云陰溝始亂蕩蕩終別於沙而過水出焉沱水受沙水於扶溝縣爾雅曰過為洵郭景純曰大水洑為小水也呂忱曰洵過水也水經註又云過水東南逕城父縣故城北沙水枝分注之水也音蔡許慎正作沙音楚東有沙水謂此水也沙水東南逕城父縣西南枝津出焉俗謂之章水是酈道元以章水為洵水矣過漢地理志作澗。潁為沙。漢書地理志潁川郡陽城縣潁水所出東至下蔡入淮水經註臨潁縣潁水自縣西流注小潁水出焉爾雅曰潁別為沙郭景純曰皆大水溢

出別為小水之名也亦猶江別為沱也是小濇水即沙水矣
 今謂之小濇水會合潁水於今臨潁縣小商橋下○汝為潁
 ○淮南地形訓汝出猛山水經云汝水出河南梁縣勉鄉西
 夫息山註云汝水東南逕奇維城西北潁水出焉亦謂之大
 濇水爾雅曰河有離汝有潁然則潁者汝別也故其下夾水
 之邑猶流汝陽之名是或潁濇之聲相近矣亦或下合潁潁
 兼統厥稱爾史記正義引括地志云汝水源出汝州魯山縣
 西伏牛山亦名猛山汝水至豫州鄆城縣一名潁水爾雅曰
 河有離汝有潁亦汝之別名案今鄆城縣有大潁水即大濇
 水也流合於汝即鄆道元所謂潁水矣括地志以潁為汝之
 別名未聞其審說文引爾雅作汝為潁潁小流也註書曰離
 沮會同○正義禹貢荊州雷夏既澤雍沮會同史記集解引
 鄭康成云雍水沮水相觸而合入此澤中地理志云雷澤在
 濟陰城陽縣西北張守節正義引括地志云雷夏澤在濮
 州雷澤縣郭外西北雍沮二水在雷澤西北平地也元和郡
 縣志云雷澤縣本漢鄆陽縣潁水沮水二源俱出縣西北平
 地去縣十四里是禹貢沈州之潁水不自河出而郭氏引以
 證河出之潁未知何據司馬貞索隱引爾雅水自河出為雍
 以證禹貢離沮與郭氏同○沱潛既道○正義禹貢荊州云
 沱潛既道史記引作沱沱集解引鄭康成云水出江為沱漢
 為沱索隱云沱亦作潛潛出漢中安陽縣西北入漢梁州云
 沱潛既道水經註引鄭康成云漢別為潛其穴本小水積成

澤流與漢合大禹自導漢疏通即為西漢水也案漢書地理
 志安陽縣鬻谷水出西南北入漢索隱據以為說然鬻谷水
 尾入漢耳非自漢出也鄭氏以西漢水為潁與郭氏音義同
 水經註引劉澄之云有水從阿陽縣南至梓潼漢壽八大穴
 暗通岡山亦同郭義皆專指梁州之潁而言也○岷山至為
 沱○正義禹貢導水之文也水經云岷山在蜀郡氏道縣大
 江所出漢書地理志云蜀郡江原縣鄒水首受江南至武陽
 入江鄭氏以為沱之類與郭氏所指今為鄒江者義殊水經
 又云江水東至華容縣南夏水出焉書疏引鄭註云今南郡
 枝江縣有沱其尾入江首不於江出也華容有夏水首受江
 尾入沱蓋此所謂沱也是鄭以夏水為荆州之沱
 也○詩曰至汝潁○正義周南文毛傳潁作墳

水決之澤為汧註水決入澤中者亦名為汧決復入為汧註水

出去復還 正義此釋水決之名也說文云決行流也水之決
 汧水汧水蓋依此名○水決至為汧○水經註云渭水東逕
 郁夷縣故城南汧水入焉水出汧縣之蒲谷鄉弦中谷決為
 弦蒲藪爾雅曰水決之澤為汧汧之為各實兼斯舉又云渭
 水東南出石門度小隴山逕南田縣南東與楚水合楚水又
 南流注於渭闕駟以是為汧水焉按諸地志汧水出汧縣
 西北蓋以其津流逕通而更攝其通稱矣○決復入為汧○

召南云江有汜毛傳用爾雅說文云汜水別復入水也釋名云水決復入為汜汜已也如出有所為畢已而還入也淮南道應訓至於河上而航在一汜是汜之名不專指江水而言矣註水決至為汜○正義郭云亦名為汜所以別於上文之汜出而不流者也古汜水今謂之汜陽河

河水清且瀾漪大波為瀾註言渙瀾小波為淪註言蘊淪直波

為徑註言徑漣正義魏風伐檀云河水清且漣漪又云河水清且瀾漪此釋之也疏引李巡云分別水大小曲直之名大波為瀾者說文云瀾或從連是漣即瀾之或體字也徐鉉云今俗音力延切毛傳風行水成文曰漣釋名云風吹水波成文曰瀾瀾連也波體轉流相及連也小波為淪者釋文引韓詩云順流而風曰淪毛

傳小風水成文轉如輪也釋名云水小波曰淪淪倫也水文相次有倫理也直波為徑者毛傳直直波也釋名云水直波曰涇涇徑也言如道徑也說文云波水涌流也此引詩而釋之不盡引者省文註言徑涎○正義宋本作徑涎

江有沱河有澗汝有瀆註此故上水別出耳所作者重見正義引李巡云江河汝旁有肥美之地是李巡以此為地名與上文大水溢出別為小水者異也劉昭續漢志註引地道記汝

南郡汝陰縣有陶工鄉詩所謂汝墳墳為地名是其證郭以為重見不從李義

泚水厓註水邊地正義釋云岸上澗又云澗為厓與此相證明也說文澗澗澗澗四字俱云水厓也所以

廣異名

水草交為湄註詩曰居河之湄正義奏風毛傳湄水廉也疏引李巡云水中有草木交會曰湄

水經註引健為舍人云水草木交會也釋名云水草交曰湄湄眉也臨水如眉臨日也水經川歸之處也註詩曰至之湄○正義小雅巧言文今本湄作糜古字通左氏僖二十八年傳云余賜女孟諸之麋太平寰宇記云虞城孟諸澤俗呼為湄

臺

濟有深涉註謂濟渡之處深則厲淺則揭揭者揭衣也註謂褰

裳也以衣涉水為厲註衣謂禪絲膝以下為揭絲膝以上為

涉絲帶以上為厲註絲自也正義此引鄭風匏有苦葉之詩而釋之也左傳疏引李巡云濟

渡也水深則厲水淺則揭衣渡也不解衣而渡水曰厲絲炎云揭褰衣裳也以衣涉水濡禪也毛傳由膝以上為涉以衣

涉水為厲謂由帶以上也揭褰衣也孔疏云傳不引爾雅由膝以下為揭者畧耳爾雅以深淺無限故引詩以由帶以上由膝以下釋之明過此不可厲也揭者褰衣止得由膝以下若以上則褰衣不得渡當須以衣涉為厲也見水不沒人可等故言由膝以上為涉鄭註論語及服註左傳皆云由膝以上為厲者以揭衣褰衣止由膝以下明膝以上至由帶以上總名厲也案厲揭之義自來釋詩者無異說惟說文引詩作深則砥解云履石渡水也砥或作瀾毛鄭詩考正引水經註河水篇云段國沙洲記吐谷渾於河上作橋謂之河厲此可證橋有厲之名詩之意以淺水可褰衣而過若水深則必依橋梁乃可過喻禮義之大防不可犯衛詩淇梁淇厲並稱厲固梁之屬也伸說文以匡爾雅其說辨矣然古字假借義相貫通不得專主一解衛風言淇厲無妨橋有厲名至於深則厲之文當從雅訓不可易也何則漢世司馬相如劉向竝是小學名家相如止林賦云越壑厲水大人賦云橫厲飛泉以正東劉向九歎云權舟枕以橫瀾今又云橫汨羅以下瀾王逸云瀾渡也由帶以上為瀾是相如劉向俱宗雅訓不以厲為履石渡水也列子說符篇懸水三十仞圍流九十里有一丈夫方將厲之是厲為以衣涉水也釋文引韓詩云至心曰厲謂之至心即所云由帶以上是不獨毛傳本爾雅韓詩亦與爾雅同義也許氏撰五經異義主於各推所長合其要歸故說文引經文間存異義要者折衷於爾雅其解涉字云徒行厲水也是許氏未嘗不以厲為以衣涉水矣詩之意以涉水尚當度其淺深矧居室可踰越於禮義乎反喻見意不必因履石渡水之解而傅合於橋梁也註衣謂禪○正義釋名為衣義本孫炎○絲自也○正義釋詁文

潛行為泳註水底行也晏子春秋曰潛行逆流百步順流七里

正義釋言云泳游也此復申釋其義也周南漢廣云不可泳思毛傳用爾雅說文云泳潛行水中也潛涉水也一日藏也列子黃帝篇商正開復從而泳之張湛註水底潛行曰泳註晏子至七里○正義晏子春秋所載古治子之詞也今本晏子春秋作順流九里註引作七里蓋所見本異也詩疏引郭註亦作七里

汎汎楊舟緇緇維之緇緇也註緇索縹緇也註緇繫小雅采菽

之文而釋之也毛傳緇緇也緇緇也是拊爾雅為義緇與緇同纜與縹同說文云緇亂系也緇索屬詩疏引孫炎云緇大索也李巡云緇竹為索所以維持舟者又引孫炎云舟止繫之於樹木展竹為大索是緇緇木絲索之屬展竹為大索亦為緇也詩釋文引韓詩云纜箝也釋名云引舟者曰箝箝作也作起也起舟使動行也箝與緇義同可以起舟使動行亦

可繫舟而維持之矣劉向九歎云涇楊舟於會稽今楊木之舟輕而易浮必竹筏維繫以制其行孔疏云縛訓為綽綽是舟之止息以經繫而維持之

天子造舟註比舩為橋諸侯維舟註維連四舩大夫方舟註併

兩舩士特舟註單舩庶人乘泔註併木以渡正義說文云舟船也古者共鼓

貨狄瓠木為舟刻木為楫以濟不通釋名云舟言周流也自天子至於庶人舟各有制鄭箋云天子造舟周制也殷時未

有等制疏引王基云自殷以前質畧未有造維方特之差周公制禮因文王敬太姬重初昏行造舟遂即制之以為天子

禮著尊卑之差以為後世法天子造舟○大雅大明云造舟為梁毛傳用爾雅方言云船舟謂之浮梁郭氏彼註云即

今浮橋公羊疏引舊說云以舟為橋謂其上面行過故曰造舟言以舟為梁故謂之造造成也詩疏云造舟者比舩於水

加板其上即今之浮橋故杜預云造舟為梁則河橋之謂也周制唯天子得用造舟左傳載秦公子鍼造舟於河周禮之

末失也○諸侯維舟○詩疏引李巡云中央前後相維持曰維舟公羊疏引爾雅音義云維持使不動搖也○大夫方舟

○釋言云舩舟也此又釋其制也方言云方舟謂之橫郭氏彼註云揚州人呼渡津舩為橫荆州人呼杭音橫管子小匡

篇遂至於西河方舟設附○士特舟○淮南記論訓箭木方

版以為舟航高註箭空也方並也空其中連其版後世所謂扁舟也○庶人乘泔○釋言云舩泔也此又釋其制也詳見

上文註比舩至以渡○正義造舟者孫炎云此舟為梁維舟者孫炎云維連四舩方舟者李巡云併兩舩曰方舟特舟者

李巡云一舟曰特舟附者李巡云編木以渡別尊卑也俱見公羊疏是郭註所本也詩疏又引李巡云此其舟而渡曰

造舟釋文引郭圖云天子並七船諸侯四大夫二士一

水注川曰谿注谿曰谷注谷曰溝注溝曰澮注澮曰瀆註此皆

道水轉相灌注所入之處名正義此辨水所注入之異名也水之大者為川瀆各為小水所

灌注也○水注至曰谷○左傳疏引李巡云水相屬曰谷谿澗出於山故孟子

云固國不以山谿之險谿水能自達於大川故曰注川管子

度地篇山之溝一有水一毋水者命曰谷水是谷水又小於谿故公羊傳云無障谷從其能注谿也○注谷至曰瀆○山

谷水有不盡注於谿者則注於溝自溝注於澮自澮注於瀆

釋名云水注谷曰溝田間之水亦曰溝溝溝也從橫相交構也注溝曰澮澮會也小溝之所聚會也太平御覽引舊註云

水流不絕曰瀆考工記匠人云廣四尺深四尺謂之溝廣二

尋深二仞謂之澮澮水注於瀆與川相貫通也註此皆至處

名○正義詩疏引舊註云皆以小注大大小異名郭氏上林賦註云自谿及瀆皆水相通注也言其水相通也

逆流而上曰沂河順流而下曰沂游註皆見詩正義說文云逆

流向也水欲下違之而上也沂或作邈又云浮浮行水上也

文選註引三倉云泗水轉也詩疏引孫炎云逆渡者逆流也

順渡者順流也左氏文十年傳云沿漢沂江杜註沂逆流也

莊十八年傳云閭敖游涌而逸杜註游涌水而走詩疏云逆

順流皆謂渡水有順逆也註皆見詩○正義秦風蒹葭云邈

泗從之毛傳用爾雅又云邈游從之毛傳順流而涉曰邈游

正絕流曰亂註直橫流也書曰亂于河正義大雅公劉云涉渭

渡也孔穎達云水以流為順橫度則絕其流故為亂註直

橫至于河○正義直者正也郭所引書禹貢梁州之文

江河淮濟為四瀆四瀆者發源注海者也正義史記引古文湯

於外東為江北為濟西為河南為淮四瀆已修萬民乃有居

是禹奠大川四瀆已有定名觀禮云禮月與四瀆于北門外

王制云四瀆視諸侯大宗伯言祀五岳不言四瀆鄭註以為

省文是也白虎通義云瀆者洧也中國垢濁發源東注海其

功著大故稱瀆也風俗通義云尚書大傳禮三正記江河淮

濟為四瀆瀆者通也所以通中國垢濁民陵居殖五穀也江

者貢也珍物可貢獻也河者播為九流出龍圖也淮者均也

均其務也濟者齊也齊其度量也釋名云江公也小水流入

其中所公共也淮圍也圍繞揚州北界東至海也河下也隨

地下處而通流也濟濟也源出河北濟河而南也海時也主

承垢濁其水黑如晦也廣雅云河何也餘所釋名義與風俗

通義同四瀆發源注海者禹貢云導河積石岷山導江導沔

水東流為濟導淮自桐柏此言其施功所在也河出昆侖虛

詳見下文漢書地理志蜀郡湔氐道禹貢嶧山在西徼外江

水所出東南至江都入海南海陽郡平氏縣禹貢桐柏大復山

在東南淮水所出東南至淮陵入海河東郡垣縣禹貢王屋

山在東北沁水所出東南至武德入河軹出穀陽北地中又

東至琅槐入海江河淮濟力能挾眾小水以獨注於海故稱

瀆焉管子度地篇水之出於山而流於海者命曰經水水

別於他水入於大水及海者命曰枝水是四瀆皆經水也諸

小水之入於瀆者皆枝水也經枝既辨廣有所滄滄旁有所

疏洩順其潤下之性由地中行故民得居安上自周末水官

失職列國多設閘防控高扼下中塞旁溢水失其性妄行傷

人常至危殆遷移潰決史不絕書枝水時見時竭經水亦失

其故瀆矣今江源出四川松潘衛邊徼外西番地之岷山至

江南通州入海淮源出河南南陽府桐柏縣西南桐柏山至

江南清河縣與河合流至安東縣入海濟源出河南懷慶府

濟源縣之王屋山至武陟縣入於河說文源作原云水泉本

源也

也徐鉉云今別作源非是

水泉

正義題上事也易云山下出泉孟子云原泉混混不舍晝夜管子地員篇五七三十五尺而至於泉呼聲中角其水倉四七二一尺而至於泉呼音中商其水白而甘三七二十一尺而至於泉呼音中其泉黃而糗二七十四尺而至於泉呼音中徵其水黑而苦是泉出之鹹七尺而至於泉呼音中羽其泉殊也水地篇云水者何也萬物之本原也水之本原在乎泉故德題水泉初學記引郭氏讚云川續綺錯渙瀾流帶潛潤旁通經營華外殊出同歸混之東會

水中可居者曰洲

正義說文云水中可居曰州周達其旁从重日在河之州徐鉉曰今別作洲非是釋名云水中可居者曰洲洲聚也人及鳥獸所聚息之處也詩疏引李巡云四方皆有水中央獨可居眾經音義引孫炎云水有平地可居者也釋文引郭圖云水中自然可居為洲方言云水中可居為洲三輔謂之淤蜀漢謂之漿郭氏彼註云上林賦曰行乎洲淤之浦也又上林賦註云淤亦州名蜀人云

小洲曰渚

正義召南云江有渚毛傳渚小洲也水歧成渚釋文引韓詩云一溢一否曰渚釋名云小洲曰渚渚遮也體高能遮水使從旁過也高誘淮南註云水中可居者曰渚是渚又為水中可居之通名故禮運云不使渚者居中原釋文云隋字又作渚

小渚曰沚

正義召南采芣云于沼于沚釋名云小渚曰沚沚止也小可以止息其上也文選註引韓詩宛在水中沚薛君章句大渚曰沚大字疑傳寫之訛

小沚曰坻

正義秦風蒹葭云宛在水中坻鄭箋坻水中之高也也釋名云小沚曰坻坻遲也能小過水使流遲也史記正義云坻水中沙微起出水者也引爾雅作水沚曰坻

人所為為瀾註人力所作

正義太平御覽引舍人云人力水為瀾而小不可止住者名瀾水中地也釋名云人力所為之曰瀾瀾術也堰使水鬱術也魚梁水碓之謂也案左氏襄二十四年傳云規堰豬偃俗體作堰

水中

正義題上事也詩疏云江有渚傳云小洲也蒹葭傳曰沚渚鳥鷺傳曰渚沚互言以曉人也蒹葭傳云坻小渚也不言沚者沚渚大小異名耳坻亦小於渚

故舉渚以言之是則洲渚坻坻皆水中高地雖大小異名可以互用故說文云坻小渚也或作渚

河出崑崙虛色白註山海經曰河出崑崙西北隅虛山下基也

發源處高激峻湊故水色白也正義釋云三成爲崑崙正

河水所出不曰崑崙之山而曰崑崙之虛言其地也書疏引

李巡云崑崙山名虛山下地也釋文引李巡云河水始出其

色白也孫炎說與李巡同又云白者西方之色也離騷云朝

吾將濟于白水兮登閼風而縹馬白水謂河源之色白也河

源所出之山唐人謂之紫山新唐書吐蕃傳劉元鼎使吐蕃

還記其經見曰由洪濟梁西南行二千里水益狹春可涉秋

夏乃勝舟其南三百里三山中高而四下曰紫山直大羊同

國古所謂崑崙者也東距長安五千里河源其間流澄緩東

北直莫賀延積尾殆五百里廣五十里北自沙州西南入吐

谷渾寢狹故號積尾隱測其地蓋初南之西今西寧府界西

南千四百餘里有大山厥色紫黑是產金銀唐入所謂紫山

稱斯名矣自紫山以西又南迤西連諸山綿亘二千里其即

古崑崙之虛與註山海至白也正義釋文引郭氏音義云

禹本紀及山海經皆云河出崑崙山漢書曰張騫使西域窮

河源其山多玉石而不見崑崙也世人皆以此疑河不出崑

論案山海經曰東望泐澤河水之所潛也其源渾渾泡泡又

云敦夢之水注于泐澤出于崑崙之西北隅實惟河源也西

域傳又云河有兩源一出葱嶺山一出于闐于闐在南山下

其河北流與葱嶺之河合東注鹽澤鹽澤一名蒲昌海去玉

門陽關三百餘里輪廣三四百里其水亭居冬夏不增減皆

以爲潛行地下而南出於積石山而爲中國河云然則河出

崑崙便潛行地下至葱嶺及于闐復分流歧出也張騫所見

蓋謂此矣其去崑崙里數遠近所未得而詳也泐澤即鹽澤

所渠并千七百一川色黃註潛流地中川激沙壤所受渠多眾

水溷淆宜其濁黃正義說文云渠水所居釋文引李巡云水

流而分交錯相穿故曰川也廣韻引蔡邕

靈府釋文又引郭氏圖讚云崑崙三層號曰天柱實惟河源水之

月令章句云眾流注海曰川水經註引楊泉物理論云河色黃者眾川之流蓋濁之也史記大宛傳張騫使西域還為天子言于寘之西水皆西流注西海其東則東流注鹽澤鹽澤潛行地下其南則河源出焉騫所言蓋有見於所謂星宿海也河源自出紫山東南流屢折而東至星宿海約三百里星宿海遠以眾山平地有泉千百泓並涌望若列星山海經所謂渾渾泡泡也自星宿海東南流瀕為二巨澤又轉而東北五十餘里又折而東南百餘里至大嶺下又南百五十里地皆沙磧細泉鍾澤分合不常眾流沮洳水漸變綠而黃又東南流屈曲七百餘里遶大雪山之南大雪山即禹貢之積石矣又東北入河州歸德堡邊始名黃河又東北迤小積石山南唐宋以來所名之積石也水經註謂之唐述山塞外水無定名其流入於河者不可枚舉自入中國則渭洛汾漳諸大水各合小水以達於河川渠交併混同流故水經註引考異邳云河者水之氣四瀆之精也註謂流至濁黃○正義書疏引郭註云潛流地中受渠眾多渾濁故水色黃與今本字句微異今鹽澤南積地數百里往往有小水上出成澤是潛行地中之證也釋文引字林云汨水聲急也

百里一小曲千里一曲一直註公羊傳曰河曲流河千里一曲

一直正義釋文引李巡云水勢小曲乃大直也故曰小曲水陰節每一曲一直通無極也故曰千里一曲一直河源

自紫山至歸德堡邊凡三大折流二千三百餘里又東流百里迤小積石山又東北流千四百里至寧夏府出塞又自東而南入百餘里至平魯縣入塞又南流二千五百餘里至於華陰折而東流出三門過底柱又東南迤孟津自孟津以下水道移徙非復禹蹟之舊矣河隨地為曲折千里百里約言之也註公羊至一直○正義文十二年傳云河曲疏矣河千里而一曲也何休註云河曲流郭氏兼采傳註以證河流千里一曲也一直二字疑衍文

河曲正義題上事也水經註引春秋說題辭云河之為言荷也荷精分布懷陰引度也考經援神契云河

者水之伯也應天漢新論云四瀆之源河最高而長從高注下水流激峻故其流急禹貢言導河始於積石淮南地形訓遂云河出積石是以施功所在為河源矣言河源者山海經多傳聞異詞惟爾雅為最古太史公引禹本紀言河出崑崙是爾雅所本也後世窮河源者屢易其名然譯音多與崑崙相近則知爾雅之義不可易矣塞外沙磧水流無定形水名無定稱故渠并之水其數終不可得而詳河勢善曲凡沿河而行俱謂之河曲

徒駭註今在成平縣義所未聞正義書疏引李巡云徒駭者禹疏九河以徒眾起故曰徒駭孫

炎云徒駭禹疏九河用功雖廣眾懼不成故曰徒駭註今在至未聞○正義晉書地理志博陵國安平縣郭氏言徒駭所在據漢書許商之言也今河間府交河縣東有漢成平故城書疏云禹陳九河云復其故道則名應先有不宜徒駭太史因禹立名此郭氏所以未詳也或九河雖舊有名至禹治水更別立名即爾雅所云是也

太史註今所托未詳止義書疏引李巡云太史禹大使徒眾通其水道故曰太史詩疏引孫炎云太史者大史徒眾故依名云釋文引或云太史者史官記事之處導河書云太史在德州安德縣東南經滄州臨津縣西未之詳也

馬頰註河勢上廣下狹狀如馬頰

正義通典云馬頰在平原郡界元和郡縣志云德州安德縣馬頰河在縣南十里註河勢至馬頰○正義釋文引李巡孫炎云河勢上高下狹狀如馬頰也是郭註所本也

覆繡註水中可居往往而有狀如覆釜

正義通典云覆釜在平原郡界導河書云覆釜在平

在永靜軍阜城縣東經東光縣西北註水中至覆釜○正義詩疏引李巡云覆釜者水多渚其渚往往而處狀如覆釜釋引孫炎云水中多渚往往而有可居之處狀如覆釜之形郭氏音云繡古釜字監本郭註作水中可居而有狀如覆釜今從宋本禹貢指南引郭註與宋本同

胡蘇註東光縣今有胡蘇亭其義未詳

正義詩疏引李巡云胡蘇者其水下流故曰胡蘇胡下也蘇流也孫炎云胡蘇者水流多散胡蘇然顏師古漢書註云胡蘇下流急疾之貌也註東光至蘇亭○正義郭氏據許商之言以亭名為證也漢書地理志渤海郡東光縣有胡蘇亭晉仍漢制今河間府東光縣有漢東光故城監本光作堯書疏引郭註作光宋本亦作光本或作堯誤

簡註水道簡易

正義書疏引李巡云簡大也河水深而大也詩疏引孫炎云簡者水通易也史記正義云簡在

貝州歷亭縣界

絜註水多約絜

正義書疏引李巡云絜言河水多山石治之苦絜絜苦也釋文引孫炎云水多約絜輿地廣記

云簡絜在臨津金史地理志南皮縣有潔河

鉤般註水曲如鉤流般桓也

正義書疏引李巡云鉤盤言河水曲如鉤屈折如盤也釋文云李本

作股云水曲如鉤折如人股故曰鉤股陸氏所見李巡本與書疏異詩疏引孫炎云水曲如鉤般桓不前也釋文引郭氏音義云鬲般今皆為縣屬平原郡案漢書地理志平原郡般縣顏師古註引爾雅郭註為證通典云鉤盤在景城郡元和郡縣志棣州陽信縣鉤盤河經縣北四十里太平寰宇記滄州樂陵縣鉤盤河在縣東南五十里

鬲津

註水多阨狹可隔以為津而橫渡正義漢書地理志平原郡鬲縣平當以為鬲津

詩疏云徒駭是九河之最北者鬲津是九河之最南者爾雅之文從比而說也太史馬頰鉤盤文在胡蘇之上則三者在成平之南東光之北也簡繁覆蓋文在胡蘇之下則三者在東光之南鬲縣之北也按九河次第詩疏以鉤盤列第四覆釜列第八陸氏釋文以覆釜列第四鉤盤列第八所見本異也鬲縣故城在今德州北註水多至橫渡正義詩疏引李巡云鬲津者河水狹小可隔曰津故曰鬲津孫炎云鬲津者水多阨狹可隔以為津而橫渡也是郭註所本也

九河

正義題上事也禹貢云九河既道又云北播為九河同為逆河入於海墨子兼愛篇灑為九澮淮南

要畧云禹之時天下大水禹身執屨垂以為民先別河而道九岐高誘註別洩去也九岐河水播岐而為九以入海也莊子釋文云河從乾位來乾陽數九也漢書溝洫志許商以為古說九河之名有徒駭胡蘇

鬲津今見在成平東光鬲界中自鬲以北至徒駭間相去二百餘里今河雖數移徙不離此域後世言九河者唯許商之說為可徵信故郭氏以為據也釋文引郭氏音義云周時齊桓公塞九河并為一自鬲津以北至徒駭二百餘里渤海東莞成平原河間弓高以東往往有其處焉案郭氏音義本鄭康成書註為說也書疏引春秋緯寶乾圖云移河為界在齊魯填過八流以自廣公羊疏引尚書中候云齊桓之霸過八流以自廣是鄭郭所本也八流既塞則河流併歸徒駭合九為一旁無所洩中不能容至周定王五年河徙河患始此矣鄭玄今河間弓高以東至平原鬲盤往往有其遺處焉郭氏復述其言是漢晉之間九河遺處尙未盡湮但陵谷遷移難求實證故酈道元謂沙丘堰以北館陶慶陶具五鬲般廣川信都東光河間樂成以東城地並存川瀆多亡又云九河既播八枝代絕遺跡故稱往往時存故鬲盤列於東北徒駭瀆連漳絳同逆之狀麤分險障之會猶存酈氏祇疏明澤水於九河遺跡不盡述其故稱蓋其慎也唐朱泚後推尋地望九河所在務求備徵或取證單辭或併無左驗學者疑焉今聊述舊聞不加別擇唐人所述差為近之編懷禹蹟八枝雖邈經流故道宜若可求云

從釋地已下至九河皆禹所名也

正義此釋地以下四篇之總題也呂刑云禹平水土主名

山川大戴記記五帝德云使禹敷土主名山川以利於民是禹奠山川因為各命以名也尹文子云形以定名各以定事以檢名魯語云黃帝能成命百物以明民共財顓頊能修之自黃帝顓頊百物已有定名矣惟地正山水為禹所名故武梁祠堂畫像云夏禹長於地理釋正義山釋水統於釋地地者禮記註引孝經說云地體卑順謙虛開張含泉任萌滋物歸中故以次類敘焉

皇清經解卷五百一十六終

嘉應生員張嘉洪校

皇清經解卷五百一十七

學海堂

爾雅正義

餘姚邵編修 晉涵 著

爾雅卷下

釋草第十三

正義洪範以庶草蕃蕪為五是來備之徵凡山澤園圃之草皆庶草也天官九職一曰三

農生九穀二曰園圃毓草木三曰虞衡作山澤之材八曰臣妾聚斂疏材家宰經制國用草木之殖分任以職正名辨類因其土宜故土無貴用下無曠土曲禮述殷制天子之六府其四為司草鄭註以為即周之稻人是庶草以稍為重司徒頒十二職事一曰稼穡二曰樹藝三曰作材八曰斂材與冢宰職同其以土會之法辨其物生川澤宜膏物墳衍宜蒺藜物原隰宜叢物鄭註謂膏當為橐字之誤也蓮芡之屬有橐韜蒺藜物薺荑王棘之屬叢物萑葦之屬辨壤知種以教稼穡樹藝庶草所由蕃蕪也草與木皆根於下土垂枝於上故皆謂之倒生淮南原道訓云秋風下霜倒生挫傷高誘註草木首地而生故曰倒生其成實則草與木異文子尚德篇木實生於心草實生於莢是也此篇所釋或別其異名或詳其形狀或以類相從或前後互見多切於民用不徒為

興喻之資焉說文云艸百卉也徐鍇云總名也說文又云草草斗櫟實一日象斗徐鉉云今俗以此為艸木之艸

霍山韭蒼山蔥勤山籬蒿山蒜註今山中多有此菜皆如人家

所種者蒼蔥細莖大葉正義穀梁宣十五年傳云古者公田為居井竈蔥韭盡取焉范甯註家作

一園以種五菜是韭蔥薤蒜俱為人家所常種內則云膾春用蔥豚春用韭脂用蔥膏用籬又為飲食所恆需也故先及

之其生於山者別釋其名○霍山韭○說文云韭菜名一種而久者故謂之韭象形在一之上地也夏小正云正月圍

有見韭圃也者圃之樊者也幽風七月云四之日其蚤獻羔祭韭是夏小正以韭紀時爾風則以夏時仲春二月開冰先

薦寢廟而祭用韭也春初百彙未昌唯韭先見於圃故薦時食者有取焉春秋繁露祭義篇釋四時之祭云春上豆實豆

實韭也春之始所生也何休公羊傳亦云春薦尚韭卯夏小正又云初歲祭耒或曰祭韭也春祭尚韭由來舊矣曲禮云

韭曰豐本鄭註豐茂也古者重豆實故為別製以名與剛鬣柔毛同為祝告之辭其謂之豐本者始以韭為易種而滋茂

與韭之生於山中者名霍說文云霍艸也詩曰食鬱及霍說文据韓詩為義早韭宜於春初六月食霍庶人之食也南山

經云招搖山有草焉其狀如韭註引璣曰韭爾雅云霍山亦多之霍誤為霍又以為山名非也霍本作籤說文云籤山韭

也○蒼山蔥○說文云蔥菜也菜艸之可食者曲禮言進食之禮醢醬處內蔥深處末鄭註深蒸蔥也是蔥與醢醬皆進

食所恆需也內則云麋鹿魚為菹麋為辟雞野豕為軒兔為宛脾切蔥若薤實諸醢以柔之少儀與內則同鄭註云以醢

與葷菜淹之殺肉及腥氣也是為菹者必用蔥薤以柔和之矣蔥之生於山中者名蒼說文云蒼艸也繫傳以為即管子

所云齊桓公伐山戎出其山蔥者是也單經音義引爾雅舊註云蒼一名山蔥并州以比多饒蒼蔥也蒼廣成頌謂之格

見後漢書蒼格古字通○勤山籬○說文云籬菜也形似韭少儀云為君子擇蔥薤則絕其本末孔疏云本根也蔥薤根

不淨末萎乾故擇者必絕其二處是薤與蔥皆君子所常御也籬之生於山中者名勤蘇頌本草註云山薤與家薤相似

而葉差大○蒿山蒜○說文云蒜薤菜也夏小正云十有二月納卵蒜其卵也者本如卵者也納者何也納之君也小正

所謂卵蒜其卵後世之獨瓣蒜與蒜之生於山中者名蒿本草獨本註圖經云小蒜野生小者一名蒿是蒿為小蒜也物

類相感志引孫炎云帝登蒿山遭蓊芋草毒將死得蒜乃噉之解毒乃收植之能殺蟲魚之毒攝諸腥羶誤以蒿為山名

疑非孫叔然之說也註今山至大葉○正義郭以霍勤蒿之形體與常用之韭薤蒜大致相類特以生山中而異其名爾

蒼蔥細莖大葉者北山經云邊春山其草多蔥韭郭氏彼註云蔥一名蒼大葉與此同

薛山蘄註廣雅曰山蘄當歸當歸今似蘄而麇大正義說文云蘄草也繫傳

不言為山蘄以草之名蘄者不一種也山蘄一名蘄一名曰蘄葉似山鞠窮七八月之間華其色紫註廣雅至麇大○正義本草云當歸一名乾歸不云名山蘄廣雅以為山蘄即當歸據時驗也郭云當歸今似蘄而麇大者釋文云蘄古芹字當歸葉似芹較麇大爾古今註謂古人相贈以芍藥相招以文無文無一名當歸芍藥一名將離故也說近凡俗然漢末人即有以當歸寄遠者是亦舊時相傳之說也

椴木莖椴木莖註別二名也似李樹華朝生夕隕可食或呼曰

及亦曰王蒸正義此廣木莖之名也鄭風有女同車云顏如舜華毛傳舜木槿也說文舜作薜莊子釋文引

司馬彪云椿一名槿槿木槿也崔譔亦以為槿華蓋因有木槿之名故槿字从木然木槿實為草類是當從說文作薜華矣月令仲夏之月木莖榮鄭註木莖王蒸也高誘呂氏春秋詩云木莖朝榮暮落是月榮華可用作蒸雜家謂之朝生一名舜詩疏引陸璣疏云舜一名木槿一名椴一名日椴齊魯之間謂之王蒸今朝生暮落者也木莖易生之物今所在有

之註別一至王蒸○正義詩疏引樊光云別二名也其樹如李其華朝生暮落與草同氣故在草中郭註畧本樊光禮記疏引郭氏云別二名可食或呼為日及亦云王蒸其花朝生暮落與今本字句微異

朮山蘄註本草云朮一名山蘄今朮似蘄而生山中楊枹蘄註

似蘄而肥大今呼之馬蘄正義此別朮之名類也朮之生於山者名山蘄楊一名枹蘄即朮也

朮說文作朮繫傳以為朮苗似蘄也中山經云首山多朮芫郭氏彼註云朮山蘄也今朮以山中自生者為良故山蘄直名之曰朮枹蘄亦朮之類徐鍇以為即今赤朮是也註本草至山中○正義木一名山蘄神農本草之舊文後代各醫增益則曰一名山蘄一名山連又引吳普本草云一名山芥一名天蘇所以廣異名也唯山蘄之名合於爾雅餘皆方俗異語爾陶宏景云朮乃有兩種白朮葉大有毛而作極根甜而少膏赤朮葉細無極根小苗而多膏案爾雅別山蘄枹蘄之名陶註分朮為二種者是也郭云朮似蘄而生山中者顏之推以為朮葉其體似蘄徐鍇謂朮形似刺蘄但等別似杜鵑而青紫耳○似蘄至馬蘄○正義郭意以枹蘄較大於山蘄也後人釋本草者以枹蘄為白朮蓋徒見於陶註謂白朮葉大而傳合其名殊不考郭氏所云肥大者不專指葉而言也今赤朮苗高二三尺葉枹莖而生色似棠梨近根之葉岐出

若鋸齒蟠根如蘆較白木為肥大當從徐鍇之說以赤木為枹薊也一名馬薊者枹馬聲之轉今人呼為蒼木

前王萇註王帝也似藜其樹可以為掃萇江東呼之曰落帝正義

說文云萇王萇也廣韻作滿王萇徐鍇云今落帝草也今落帝或謂落藜初生時可食藜之類也註王帝至落帝○正義玉篇云王萇王帝也草可為帚與郭註同本草有地階陶氏謂根苗可為掃帚唐本云北人名涎衣草或云即落帝子也圖經云其苗即獨帚也

菜王芻註菜萇也今呼鴨腳莎正義小雅采綠云終朝采綠鄭

綠竹猗猗毛傳綠王芻也釋文云綠爾雅作菜音同詩疏引舍人云菜一名王芻李巡云一物二名說文云菜王芻又云蓋艸也案本草則蓋草即王芻矣太平御覽引吳普本草云蓋草一名黃草以其可染黃也唐本云葉似竹而細薄莖亦圓小註菜萇至腳莎○正義詩疏引某氏曰菜鹿萇也證類本草引孫炎云即萇草也今呼為鴨腳莎郭註本孫炎詩釋文引郭註作今呼白腳莎

拜商薷註商薷亦似藜正義拜一名商薷說文云薷釐艸也一曰拜商薷繫傳云商薷俗所謂灰薷也

菜今灰薷蓋有紅縷葉銳而青其背則白葉有黑點若著沙矣四月初生可食五月高至數尺秋開細花色白結子如穗

蔡幡蒿註白蒿蒿菽註今人呼青蒿香中炙陷者為菽蒿牡菽

註無子者正義此別蒿之種與其異名也○蔡幡蒿○夏小

勃也名南云于以采蔡于沼于汜左傳云蘋蘩蕙藻之菜此蔡之生於水中者今溪沼間春生白蔡細脆可食古者夫人執蔡菜以助祭故鄭箋云以豆薦蔡菹蔡可以生蠶故爾雅七月云春日遲遲來蔡祁祁水中之蔡至秋蘩大秋盡水涸枯壅陂塘遇風卷之則起為蓬矣蔡亦有生於平地者詩疏引陸璣云凡艾白色為幡蒿今白蒿春始生及秋香美可生食又可蒸一名游胡北海人謂之旁勃釋文引本草註云此蒿葉麤於青蒿從初生至枯白於眾蒿所在有之又云葉似艾葉上有白毛麤澀俗呼蓬蒿可以為菹此言陸產之白蒿也○蒿菽○說文云菽香蒿也或作莖小雅鹿鳴云食野之蒿疏引陸璣云蒿青蒿也荆豫之間汝南汝陰皆云菽也案今青蒿所在有之根葉俱青其氣馥芬南人夏月以代茗飲故許叔重以為香蒿○蔚狂菽○小雅蓼莪云匪莪伊蔚疏引舍人云蔚一名杜葍陸璣云杜蒿也三月始生七月華華似胡麻華而紫赤八月為角角似小豆銳而長一名馬新蒿也案馬新廣雅作馬先即因塵也因塵今謂之茵陳亦蒿之

類然與牡蒿有別陸氏合為一物殆考之不審也註白蒿○
正義詩疏引孫炎云白蒿也郭註本孫炎采蘩毛傳云皤蒿
也七月毛傳云白蒿也互文見意以皤即白也說文亦云蘇
白蒿也○今人至為蒿○正義詩疏引孫炎云荆楚之間謂
蒿為蒿某氏云江湖間曰蒿是青蒿即為蒿郭云香中炙陷
者為蒿據時驗也今時青蒿俱香中炙陷○無子者○正義
牡蒿之名因其無子也或曰子
纖細不可辨故人切為無子

鬻彫蓬薦黍蓬註別蓬種類 正義說文云蓬蒿也月令云藜莠
蓬蒿並與蓬類至夥其生易殖別
其種類則鬻為彫蓬薦為黍蓬或以為彫為雕胡薦為莊子所
謂麋鹿所食之薦然未聞雕胡一名鬻薦亦名黍蓬也召南
騶虞云彼茁者蓬言蓬之初生至秋則卷為飛蓬
商君書云飛蓬遇飄風而行千里者乘風之勢也

葶鼠莞註亦莞屬也纖細似龍須可以為席蜀中出好者 正義
名鼠莞書疏引樊光云詩曰下莞上簟說文云莞艸也可以
作席鼠莞即莞之屬也註纖細至為席○正義中山經云賈
超山多龍修郭氏彼註云龍須也似莞而細出
山石穴中可以為席鼠莞特龍須之小者爾
勤鼠尾註可以染皂 正義勤一名鼠尾吳普本草謂之山陵翹
陶宏景云田野甚多人采作滋染皂今鼠

尾草所在有之葉如蒿夏初莖生岐穗穗若車前其華或赤
或白華莖葉俱可為染是典染草所需也註可以染皂○正
義太平御覽引孫炎云勤巨
盈切可染皂郭註本孫炎

荇蕒大薺註薺葉細俗呼之曰老薺 正義此別薺之異種也齊
民要術引舍人云薺有小

故言大薺廣雅云析蕒馬辛也案本草析蕒一名蕒析一名
大蕒一名馬辛生川澤及道旁是析蕒特薺之細者非謂其
大於常食之薺也呂氏春秋任地篇孟夏之昔殺三葉而大
麥獲高誘註昔終也三葉薺薺薺薺薺薺薺薺薺薺薺薺薺薺
麥熟而可獲高誘分薺與析蕒為一也陳藏器本草註以
苧薺為大薺誤矣下文云薺薺實詳見下註薺葉至老薺○
正義本草蜀本註云薺薺似薺
而葉細俗呼為老薺與郭註同

菘虎杖註似紅草而麤大有細刺可以染赤 正義菘一名虎杖
染草之屬也齊民

要術載作柘子法如無柘皮代以虎杖則其根與柘皮相近
註似紅至染赤○正義陶註本草云田野甚多狀如大馬蓼
莖斑而葉圓與郭註
畧同今虎杖似紅蓼

孟狼尾註似茅今人亦以覆屋 正義孟一名狼尾太平御覽引
廣志云狼尾子可作黍司馬相

如子虛賦云其卑濕則生藏菴葦葦葦史記集解引漢書音義云葦葦尾草也葦尾即狼尾矣郭氏彼註云藏葦草中牛馬芻即廣志所謂狼尾子也
監本作孟今從宋本作孟

瓠棲辨註瓠中瓣也詩云齒如瓠棲正義鄭風云瓠有苦葉毛傳瓠謂之瓠瓠葉苦不可

食也疏引陸璣云瓠葉小時可為羹又可淹煮極美故詩曰幡幡瓠葉采之烹之今河南及揚州人恆食之八月中堅強不可食故云苦葉案陸氏所謂八月中堅強不可食者特言其葉爾瓠甘可食故陶風云八月斷壺毛傳壺瓠也孔疏謂甘瓠可食就蔓斷取而食之小雅謂之甘瓠是也瓠中白膚史記所謂肥白如瓠也瓠棲為辨釋文引字林云瓜中實也註瓠中至瓠棲正義詩疏引孫炎云棲瓠中瓣也郭註本孫炎齒如瓠棲衛風碩人文毛詩作瓠犀傳云瓠犀瓠瓣此言齒之潔白如瓠犀
猶云齒如編貝也

茹蕙茅蒐註今之菼也可以染絳正義鄭風東門云茹蕙在阪茹蕙一名茅蒐染草也古者

以茅蒐染絳韎韞而韎韞即為茅蒐之轉聲小雅瞻彼洛矣云韎韞有奭毛傳韎韞者茅蒐染草也一日韎韞所以代韞也鄭箋云韎韞者茅蒐也茅蒐韎韞聲也韎韞祭服之韞合韋為之鄭註士冠禮云韎韞韞韞也士緼韞而幽衡合韋為

之士染以茅蒐因以名焉今齊人名菼為韎韞詩疏引鄭駢異義云韎草名齊魯之間言韎韞聲加茅蒐字當作韎陳留人謂之菼是鄭君以韎為茅蒐之合聲菼其別名也左傳疏引賈逵云一染曰韎韞昭云茅蒐今絳草也急疾呼茅蒐成韎此可與鄭君之說相證明矣菼亦作菼說文云菼茅蒐也茅蒐茹蕙人血所生可以染絳史記貨殖傳作菼廣雅作菼音同相通用註今之至染絳○正義詩疏引李巡云茅蒐一名菼可以染絳儀禮疏引孫炎云一名菼可以染絳是郭註所本也詩疏引陸璣云一名地血齊人謂之菼徐州人謂之牛蔓別錄云菼草一名地血與陸氏同菼草生山谷蔓莖草木上方莖中空數寸一節每節四五葉相對葉如棗而上銳實如椒而小園圃亦有種之者禮記疏云以菼染之其色淺赤是也史記集解引徐廣曰菼一名紅藍其華染繪赤黃今紅藍花與菼草殊種徐廣牽合為一非也

果羸之實栝樓註今齊人呼之為天瓜正義幽風東山云果羸之實亦施於宇毛傳果

羸栝樓也疏引李巡云栝樓子名也本草云栝樓葉如瓜葉形兩兩相值蔓延青黑色六月華七月實如瓜瓣是也孔疏所引本草蓋唐本註也呂氏春秋才孟夏之月王善生高誘註云善或作瓜瓠瓠也是月乃生如高誘之說則月合所云王瓜即栝樓矣今栝樓四月生苗引藤蔓長及秋而華厥色淺黃秋末成實下垂如拳或長而銳或小而圓故詩與爾雅

皆言其實焉。枯樓當從說文作茗。婁通作瓠。瓢註今齊至天。瓜。正義詩疏引孫炎云：齊人謂之天瓜。郭註本孫炎名爲。地樓吳普本草作一名澤巨，一名澤姑。

茶苦菜

註詩曰：誰謂茶苦，茶可食。

正義：茶一名苦菜，夏小正云：正月取茶，茶也。者以爲。

君薦蔣也是孟春已取茶矣。月令云：孟夏之月，苦菜秀。此言其敷秀之時耳。苦菜四時有之。釋文引通卦驗：元圖云：苦菜生於寒秋，歷冬歷春，得夏乃成。月令並舉王瓜苦菜，一言其生，一言其成也。茶味苦，故曰苦菜。唐風云：采苦采苦，直名之爲苦。徐鍇以爲卽野苦。陸德明以爲葉似苦，莖亦堪食，但苦耳。詩疏引陸璣疏：乃云苦菜生山田，及澤中，得霜甜脆，而美。所謂葶茶如飴，內則云濡麻包苦，用苦菜是也。案霜後之菜多轉爲甜，非其本質。大雅所云：周原隰，昧葶茶如飴，迺是言周原之美。雖葶茶亦甘，若飴，卽非謂茶。茶本作甘也。以今邨風谷風文：大雅疏引孫炎云：苦菜可食也。郭註本孫炎本草云：苦菜一名茶，草一名選生。益州川谷別錄云：一名游冬。生山陵道旁，冬不死。案苦菜卽今苦蕒，葉似苦莖，而細斷之，有白汁，華黃似菊，所在有之。陶註本草：誤疑爲茗。徐鍇繫傳復仍其誤。陸德明云：茶今在釋草篇，本草爲菜上品。陶宏景乃疑是茗，失之矣。釋木篇：有韻苦茶，乃是茗耳。依於雅訓證。

明本草陸氏得其實矣

萑菴註今菴蔚也葉似荏方莖白華華生節間又名益母廣雅

云正義：萑一名菴，王風云中谷有萑，毛傳：菴，離也。詩釋文引韓詩云：菴蔚也。菴蔚，生海濱池澤，其性宜水，而毛傳以爲傷於水者，注繆之谷不能長。庶草也。詩疏引陸璣疏云：舊說及魏博士濟陰周元明皆云：菴間是也。韓詩及三倉說悉云：益母，故曾子見益母而感，按本草云：益母，菴蔚也。一名益母。故劉歆曰：萑，臭穢，臭穢卽菴蔚也。今案陸疏引劉歆說卽其爾雅之註。詩疏引李巡云：臭穢，草也。與劉歆同。註今菴至雅云：正義釋文引本草：菴蔚子，一名益母，一名大札，一名益明。一名貞蔚。陶註云：處處生，葉如荏，方莖，子細長，三楞，白華，華生節間，是郭註所本也。廣雅云：益母，菴蔚也。詩疏引郭註：葉似荏，作葉似萑。

藹綬註小草有雜色似綬

正義：陳風防有藹，巢云：卽有有旨，藹毛傳：藹，綬草也。藹亦作藹，類篇引詩

作旨藹，藹綬也。詩疏引陸璣疏云：藹五色，作綬文，故曰綬草。案詩上云：旨若陸疏以爲若，可生食，此云旨藹亦當爲可食之草。今陳州云有綬草，未之覩也。

粢稷註今江東人呼粟為粢眾秬註謂黏粟也正義此釋稷之異名及稷之黏

者之異名也。○粢稷。○說文云稷齋也。五穀之長齋稷也。或作案。案前人釋稷多異說。以今驗之。即北方所謂稷米也。月令孟春行冬令。則首種不入。鄭註云舊說首種則訓作首稼。不入高誘註云百穀惟稷先種。故曰引考靈曜云日中星鳥。可以種稷。則百穀之內稷云首種。首即先也。種在百穀之先也。今北方種稷。正膏脉發。即可布種。說文所謂五穀之長。以先種為長也。月令又云中央土。食稷與牛。鄭註亦以稷為五穀之長。白虎通義社稷篇云。稷五穀之長。故立稷而祭之也。稷者得陰陽中和之氣。而用尤多。故為長也。蓋稷具中和之氣。協於土。德利以養人。故盧辨大戴禮註云。庶人無常牲。以稷為主。良耜疏謂豐年之時。賤者猶食稷。是稷為庶民所恆食。厥利孔溥。古者重民食。所由以稷名官。又奉稷而祀之也。稷既為庶民所恆食。則不以為珍貴。玉藻云。朔月四簋。子卯稷食。四簋謂備稻梁黍稷。忌日則無稻梁黍。而下同於庶民之食也。今北方恆食以稷而餉客。以稻亦猶行古之道。與稷謂之粢者。左氏桓二年傳云。粢食不鑿。又曲禮云。稷曰明粢。王劭勘晉宋古本俱無此句。然明粢之文。合於爾雅。亦可無致疑矣。○眾秬。○眾米相似。而垂穗較疎。疎可以釀酒。故月令仲冬乃命大酋。秬稻

必齊。麴蘖必時。以秬與稻皆可為酒也。又可為餌。養醢粥之屬。故內則云。菽麥黃稻黍梁。秬唯所欲。蓋老者不使稷食。而稷之黏者。則可以養老也。鄭司農釋九穀之名。並舉稷。稷後鄭不從者。以秬即是粘稷。不可分為二也。後世於他穀之黏者。通稱為秬。廣韻云。秬。糯也。此假借以為名耳。註今江至為粢。○正義左傳疏引舍人云。粢一名稷。稷粟也。齊民要術引孫炎註。與舍人同。後世以粟為梁。多疑舊註為誤。然古者以粟為穀之總名。猶後人以穀為總名也。今北方呼稷為穀。子其米為小米。是猶古人以稷為粟也。稷為總名。又通於案盛之名。故謂粟為案。今以後世所命各區。分五穀。則稷粟即為小米。○謂黏粟也。○正義齊民要術引孫炎云。黏粟也。郭註本孫炎釋文云。江東人皆呼稻米為秬。米此即晉人所謂公田種秬也。以秬之糯者為秬。至今俗語猶然。要皆假借之名耳。釋文又云。北間自有秬穀。全與粟相似。米黏。北人用之釀酒。其莖稗似禾。而麤太也。案今北方釀酒以黃米。

戎叔謂之荏菹註即胡豆也正義大雅生民云藟之荏菹此釋

象赤豆生之形也。今經傳通作菹。生民毛傳云。荏菹戎菹也。

鄭箋戎菹大豆也。疏引孫炎云。大豆也。戎叔謂之荏菹者。釋詁云。戎王大也。王通作任。又通作荏。是戎荏皆言大也。先後

鄭釋周官九穀皆分大豆小豆為二種。農桑輯要引汜勝之

書云大豆保歲易為宜古之所以備凶年也王禎農書云大豆有白黑黃三種白者粥飲皆可拌食是也夏小正云五月初昏大火中大火者心也心中種黍菽糜時也淮南主術訓亦云大火中則種黍菽今南方種大豆者多於二月汜勝之書云三月榆莢時有雨高田可種大豆夏至後二十日尚可種是種菽有蚤晚晚者以五月為期也菽之獲在後小雅小雅明云歲聿云暮禾蕭穫菽而幽風又云七月烹葵及菽蓋種有蚤晚故獲有先後矣春秋定元年十月隕霜殺菽顏師古漢書註以為菽大豆周之十月於夏為八月菽尚未獲霜早則為災也註即胡豆也○正義詩疏引舍人樊光李巡皆云今以為胡豆是郭註所本也又引郭氏云春秋齊侯來獻戎捷穀梁傳曰戎菽也管子亦云比伐山戎出冬蔥及戎菽布之天下今之胡豆是也案詩疏所引郭說蓋郭氏音義之文郭所引春秋莊三十二年文也逸周書王會篇云山戎菽徐邈穀梁註亦云今之胡豆與郭註同然菽為后稷所樹不應至桓公始布天下孫炎原本鄭箋以為大豆者是也

卉草註百草總名正義說文云卉艸之總名也禹貢云鳥夷卉服鄭註云揚州下涇故衣草服貢其服者以給天子之官也小雅四月云百卉具

菴雀弁註未詳正義下文云菴當陸璣疏云一名爵弁爵與雀古通用詳見下

雀麥註即燕麥也正義菴一名雀麥說文作爵麥今雀麥自生田野間農家多棄而不刈枚乘七發云

稱麥服處躁中煩外李善註以稱麥分劑而食馬肥故中躁而外煩也是古者嘗以飼馬矣註即燕麥也○正義本草蘇恭註云所在有之生故墟野林下苗葉似小麥而弱其實似穞麥而細太平御覽引古歌云道旁燕麥何嘗可獲蓋苗雖似麥而與麥異類吳都賦云穞秀菰穗於是乎在則與菰同為原際間草也

藁烏菴菴菴菴菴菴註皆未詳正義藁一名烏菴下文又云澤烏藁形狀所未詳也藁一名菴菴說文云菴白菴也或作藁繫傳云本草白菴藥也一名免菴藤生根以天門冬一株下有十許案唐風葛生云藁蔓於野毛傳藁生蔓於野疏引陸璣疏云藁似栝樓葉盛而細其子正黑如燕蕒不可食也幽州人謂之烏服其莖葉煮以哺牛除熱是也藴一名菴葵下

黃菴瓜註菴瓜似土瓜正義黃一名菴瓜說文云黃免瓜也舊疏云苗及實似土瓜土瓜者即王瓜也未聞其審太平御覽引孫炎云一名瓜裂也則下文菴字當上屬

芡菴豕首註本草曰兔顛一名蟾蜍蘭今江東呼豨首可以燭

邵編修爾雅正義

蠶蛹

正義說文云蠶豕首也是蠶一名豕首與郭異讀玉篇連引菊藪與郭同也鄭註地官典染草以豕首為染草

之屬呂氏春秋任地篇云豕首生而麥無葉高誘註豕首草名也至其生時麥無葉皆成熟也案後世言染草者不數豕首然其狀似藍則為藍草之類其抽條以夏秋則其生之時

為麥盡登之時也註本草至蠶蛹○正義本草云天名精一名麥句薑一名蝦蟇藍一名豕首別錄云一名蠶顯一名蟾

蝟蘭圖經云天名精生平原川澤今江湖間皆有之夏秋抽條頗如薄荷花紫白色葉如菘葉而小較南人謂之地松香

氣似蘭故名蟾蝟蘭狀如藍故名蝦蟇藍其味甘辛故名麥句薑一名豕首爾雅所謂別蠶來首也江東人用此燭蠶蛹

五月採案郭氏以麥句薑為即下文之遠麥蓋別據廣雅不盡從本草為今

驗之本草為覈

莽馬帚註似著可以為掃帚

正義莽一名馬帚夏小正云七月莽秀莽也者馬帚也廣雅云馬帚

屈馬第也管子地員篇云蕞下於莽註似著至掃帚○正義說文云著蒿屬生干歲三百莖案莽草似著則亦蒿屬也李時珍云此即蒿草謂其可為馬刷

故名馬帚今河南人謂之鐵掃帚

虜懷羊註未詳 正義虜一名懷羊西京賦云戎葵懷羊其形狀未聞玉篇虜作癩

菱牛蘄註今馬蘄葉細銳似芹亦可食

正義菱一名牛蘄說文云菱牛蘄艸也註今馬

至可食○正義本草蜀本引孫炎云似芹而葉細銳可食菜也郭註本孫炎唐本註云馬蘄生水澤旁苗似鬼針恭菜等

嫩時可食花青白色子黃黑色似防風子

葵蘆葩註葩宜為蕪蘆蕪蕪菁屬紫花大根俗呼雹葵

正義葵一名蘆

蕪方言云蕪青其紫華者謂之蘆蕪郭氏彼註云今江東名為溫菘實如小豆說文云蘆蕪似蕪青實如小末者繫傳云

今之蘿菔也案蘆蕪有大小二種方言說文皆舉小者言之亦有細而長者謂之支羅服潛夫論思賢篇云治疾當得人

參反得支羅服當得麥門冬及蒸穠麥也而不識真合而服之病以增劇不自知為人所欺也註葩宜至雹葵○正義葩

宜為蕪者後漢書註引爾雅作葵蘆葩是爾雅別本有作蘆蕪者矣紫花大根者指其大者而言今人多掘之生噉亦煮

而食俗呼雹葵者太平御覽引廣志云蘆蕪一名雹葵周密云四川人猶呼為葵

漚灌註未詳茵芝註芝一歲三華瑞草

正義釋文引聲類云漚漚茵芝也是漚灌一名

茵芝郭以漚灌為未詳是茵一名芝也說文云芝神草也繫傳云今人所見皆元紫二色如鹿角或如織蓋皆堅實而芳

香或叩之有聲本草有青赤黃白黑紫六色註芝一至瑞草
○正義屈原九歌云采三秀兮於山間王逸註三秀芝草因
一歲三華而名之也淮南說山訓云采芝生於山而
而不能生於盤石論衡以為土氣和故芝草生也

筍竹萌註初生者筍竹註竹別名儀禮曰筍在建鼓之間謂籥

管之屬正義此釋竹初生之名及其異名也○筍竹萌○詩

為豆實又可為餼天官醢人加豆之實有筍菹鼎卦爻詞云

覆公餼鄭註云糝謂之餼震為竹竹萌曰筍筍者餼之為菜

也大雅韓奕云其餼維何維筍及蒲齊民要術引陸璣疏云

筍竹萌也皆四月生唯巴竹筍八月生盡九月成都有筍及

冬始生長數寸鬻以苦酒鼓汁浸之可下酒及食又可采藏

以待冬月也○筍竹○書疏引孫炎云竹潤節者曰筍說文

云筍大竹也夏書曰瑤琨後漢書引干寶註云英刻書也筍竹萌也

節云以英筍輔之後漢書引干寶註云英刻書也筍竹萌也

案筍非竹萌且竹萌不可以刻書掌節所謂筍是竹之潤節

者耳書疏又引李巡云竹節相去一丈曰筍今雲南箬甸山

中有巨竹數尺一節俗名竹曰筍與李巡之說相近此大竹

之異種也註竹別至之屬○正義鄭意以竹別名筍無俟分

大小也大射儀云筍在建鼓之間鄭註筍竹也謂笙簫之屬

郭引大射儀兼用康成之說以證竹之可為籥管者皆得名

為籥也

莪蘿註今莪蒿也亦曰藁蒿

正義詩疏引舍人云莪一名蘿莪蘿以聲近為名也毛傳云莪蘿蒿

也是莪為蒿類小雅云蓼蓼者莪匪莪伊蒿又云匪莪伊蔚

李時珍謂莪抱根叢生俗謂之抱娘蒿此孝子不得終養者

所由見之而與感與莪澤湘之草亦生高岡至春早茂故小

雅言菁菁者莪為長育人材之象又在彼中阿在彼中沚

在彼中陵見育林之廣焉註今莪至藁蒿○正義詩疏引陸

璣疏云莪蒿也一名蘿蒿生澤田漸湘之處葉似邪蒿而細

三月中莖可生食又可蒸香美味頗似藁蒿郭云亦曰藁

高者廣雅云莪蒿藁蒿也太平御覽引廣志與廣雅同

菴蓴註莪菴

正義菴一名菴蓴本草別錄有莪菴陶註云根莖都似人參而葉小異別本註云根似桔梗以

無心為異圖經云今川蜀江浙皆有之潤州

尤多人家收以為果菜或作脯噉味甚甘美

經履註未詳

蒼接余其葉苻註叢生水中央圍在莖端長短隨流水深淺江

東菹食之亦呼為蒼音杏正義說文云蒼莨餘也蒼或作苻顏氏家訓引爾雅作苻莨余今本

作荇接余其葉名為荇也周南關雎云參差荇菜齊民要術引陸璣疏云接余其葉白莖紫赤正圓徑寸餘浮在水上根在水底與水深淺等大如叙股上青下白以苦酒浸之脆美可案酒其華為蒲黃色註叢生至音杏○正義顏氏家訓謂先儒訓釋皆云水草圓葉細莖隨水淺深是郭註本於舊說也家訓又云今是永悉有之黃花似蓴江南俗亦呼為猪蓴或呼為荇菜是也監本作隨水深淺江東食之今從太平御覽增流字齊民要術增菹字又監本作亦呼荇無為字及音杏二字今

白華野菅註菅茅屬詩曰白華菅兮正義說文云菅茅也此別其名也詩疏引舍人云白

華一名野菅既夕禮云菅簪主其實皆淪是菅可為簪故喪禮以盛黍稷麥皆淹漬之也菅草雜生田野而根可入藥故左氏成九年傳云無棄菅蒯又可漚以為索故陳風東門之池云可以漚菅疏引陸璣疏云菅似茅而滑澤無毛根下五寸中有白粉者柔韌宜為索漚乃尤善矣註菅茅至菅兮○正義廣雅以菅為茅與說文同郭氏以為茅之屬也白華菅兮小雅白華文毛傳云白華野菅也已漚為菅鄭箋云白華於野已漚名之為菅孔疏云漚之柔韌異其名謂之為菅因謂在野未漚者為野菅也

薜白斷註即上山斷正義上文云薜山斷即當歸又名白斷以白者為尚也

菲芴註即土瓜也正義詩疏引某氏註引詩采芴非耶風谷風之詞也菲一名芴左傳疏引孫炎云菑類

也案鄭箋以菲為菑之類孫炎本鄭箋為義也詩疏引陸璣疏云菲似菑莖蠶葉厚而長有毛三月蒸醬為茹滑美可作羹幽州人謂之芴爾雅謂之意菜今河內謂之宿菜是陸璣以為芴即蔥菜矣孔穎達云菲也芴也蔥菜也土瓜也宿菜也五者一物也其狀似菑而非菑故云菑類註即土瓜也○正義圖經本草云爾雅黃菑瓜郭璞云似土瓜而土瓜自謂之藜姑又名鉤藪則菑瓜別是一物也又曰菲芴亦謂之土瓜異類同名甚多不可不辨

菑當註大葉白華根如指正白可啖正義小雅我行其野云言采其菑此釋之也菑一名

當毛傳云菑惡菜也齊民要術引陸璣疏云河東漢中謂之當幽充謂之燕當一名爵弁一名蔓根正白著熱灰中溫噉之飢荒可蒸以禦饑漢祭甘泉或用之其華有兩種一種莖葉細而香一種莖赤而有臭氣註大葉至可啖○正義此即陸璣所云莖細而香者行野詩人所采以禦飢荒者也下文云菑芽則陸璣所謂莖赤而有臭氣者也

熒委萎註藥草也葉似竹大者如箭竿有節葉狹而長表白裏

青根大如指長一二尺可啖

正義熒一名委萎後世所謂萎也本草云女萎生山谷太平

御覽引吳普本草云女萎一名蕨蕨一名玉馬一名地節一名蟲蟬一名烏萎一名熒一名玉竹生太山山谷葉青黃相

值如蘆註藥草至可啖正義圖經本草云莖幹強直似竹箭幹有節葉狹而長表裏青亦類黃精而多鬚大如指長

一二尺三月開

青花結圓實

萌芋熒註未詳

正義萌說文作胸熒玉篇作熒中山經云熊耳之山有草焉其狀如蘇而赤華名曰葶藶可以

毒魚葶藶疑即芋熒聲相近也

竹蕭蓄註似小藜赤莖節好生道傍可食又殺蟲

正義詩疏引李巡云一物

二名孫炎某氏皆引詩綠竹猗猗釋文引韓詩作薄蕭蓄說文亦云蕭水蕭莢也竹一名蕭蓄又謂之蕭薄離騷云解蕭

薄與雜菜今洪興祖補註引本草呼為蕭竹是也詩疏引陸機疏云綠竹一草名其莖葉似竹青綠色高數尺今淇澳生

此人謂此為綠竹案陸氏以綠竹為一草非也毛傳云綠王芻也竹蕭竹也依於爾雅分綠竹為二草詩又言綠竹如蕭

言王芻與蕭蓄蔓地如黃矣後人或以綠竹為即淇衛之竹箭夫詩言籥籥竹竿以鈞於淇則淇上固多竹箭特不可以

釋淇澳之詩鄭道元云漢武塞決河斬淇園之竹木以為用

冠恂為河內伐竹淇川治矢百餘萬以為軍資今通望淇川

無復此竹惟王芻編草不異毛輿是鄭道元在北魏時已云

淇上所有唯王芻蕭草而陸德明仍引陸機之說以為證未

可信也今淇水之間無所謂綠竹者註似小至殺蟲正義

本草陶註云處處有之布地而生節間白華葉細綠人呼為

蕭竹煮汁飲小兒療蚘蟲

歲寒漿註今酸漿草江東呼曰苦歲

正義歲一名寒漿與下文馬監同名而異實也本草

謂之酸漿大平御覽引吳普云酸漿一名酢漿陶註云處處

人家多有葉亦可食子作房房中有子如梅李大皆黃赤色

釋文本寒作蕒註今酸至苦歲正義蜀本草云酸漿即苦歲也根如菹芹白色絕苦史記索隱引郭註苦歲作烏歲

薺若莢光註英明也葉銳黃赤華實如山菜萸或曰蔭也關西

謂之薺若正義薺若一名莢光下文蔭薺攢亦名薺若錢詹

也莢光也始一物而四名詳見下註英明至薺若正義太

平御覽引吳普本草云決明子一名草決明一名羊明廣雅

云決明羊明也又云羊薺薺莢光也後世釋本草者以草決明羊薺與決明分為三物所說形狀亦與郭殊說文繫傳

云決明藥菜也馬蹄者葉銳下而實與山茱萸亦良似華深黃色與郭註同也郭又引或曰蔞也關西謂之蔞若者說文云蔞芰也楚謂之芰秦曰蔞若繫傳謂關西即秦地是也又謂許慎所註全是菜扁到嗜芰即決明之菜而非水中之蔞是於郭氏兼存兩說者葦合為一未見其覈實也廣雅云蔞芰蔞荷也

荃黃蔞蔞註一名白黃

正義荃黃一名蔞蔞本草云荃黃一名蔞蔞蘇恭註謂蔞蔞乃蔞蔞

二字之誤案釋木云無姑其實夷則無姑木名也而釋草先有荃黃豈亦如蔞蔞藉之互見於草木與郭云一名白黃則不以為無姑

蔞蔞其紹蔞註俗呼蔞瓜為蔞紹者瓜蔓緒亦著子但小如蔞

正義說文云蔞蔞也蔞小瓜也釋詁云紹繼也大雅縣云縣縣瓜蔞鄭箋云瓜之本實繼先歲之瓜必小狀似蔞故謂之蔞釋文引韓詩云蔞小瓜也疏引舍人云蔞名蔞小瓜也紹繼謂蔞子漢中小瓜曰蔞孫炎云蔞小瓜子如蔞其本子小紹先歲之瓜曰蔞註俗呼至如蔞○正義孔穎達云蔞之族類本有兩種大者曰瓜小者曰蔞此則其種別也而瓜蔓近本之瓜必小於先歲之瓜以其小如蔞故謂之蔞蔞是蔞之別名故云蔞蔞也徐鍇繫傳云今有馬蔞如小瓜也

芍鳥苳註生下田苗似龍須而細根如指頭黑色可食

正義一名鳥苳

此齊民要術引樊光云澤草可食也後漢書云王莽末南方飢饉人庶羣入野澤掘鳥苳而食註引續漢書作符嘗註生下至可食○正義本草別錄有鳥苳唐本註云鳥苳今鳥苳也苗似龍須而細色正青根如指頭大黑色皮厚有毛又有皮薄無毛者田中並食之衍義作芍躄聲之轉也

藟藟董註似蒲而細

正義藟一名藟藟蒲草之類徐鍇謂今人

根案蒲下入泥白處俗呼蒲白有似藟根故杜林云然郭云似蒲而細則非藟根也

藟苳註藟似稗布地生穢草

正義藟一名苳孟子云五穀種之

藟也莊子知北遊云道在藟稗李願以為二草名藟有米而細故別於秫秋水篇云似藟米之在太倉司馬彪云穉米小米也註藟似至穢草○正義眾經音義引爾雅註云黃似稗布地穢草也今之稗子是也案藟似稗耳非即稗也左氏定十年傳云用稗稗也杜註草之似穀者也說文云稗不成粟也稗禾別也藟與稗俱堪水旱種無不熟北方農家種之以備凶年

鉤芡註大如姆指中空莖頭有臺似薊初生可食正義鉤一名芡說文云芡

艸也味苦江南食以下氣繫傳云今苦芡也案苦芡大者名苦藉其無花實者名地膽草又謂之苦板

蘇桂荏註蘇荏類故名桂荏正義蘇一名桂荏古者以蘇為薊

蘇亦荏也關之東西或謂之蘇或謂之荏註蘇荏至桂荏

正義說文繫傳云荏白蘇也桂荏紫蘇也本草陶註云蘇葉下紫色而氣甚香其無紫色不香似荏者名野蘇

蓄虞蓼註虞蓼澤蓼正義蓼有種種舉虞蓼以該其餘也詩疏

相似而葉稍狹其子謂之蓼實太平御覽引吳普本草云蓼實一名澤蓼古者用以調和內則去膈秋用蓼又云鶉羹雞子又集于蓼言辛苦也其雜生田野間者能害稼故良邦云以蓼茶蓼茶蓼朽止黍稷茂止此虞蓼之別種也註虞蓼澤蓼○正義顏師古急就篇註云蓼有數種一種銳而薄生於水中者曰水蓼生於澤者曰澤蓼一名虞蓼亦謂之蓄而許叔重云蓼一名蓄虞非也

條菑註未詳正義條與菑古通用史記周勃世家封為條侯志

作菑是也下文云苗菑玉篇以條苗菑三字轉相訓是苗即菑也苗菑古音相近易云其欲逐逐漢書敘傳作其欲攸攸是也管子地員篇其草宜萃菑菑一名遠小雅我行其野云言采其遠齊民要術引詩義疏云今羊蹄似蘆菑莖赤者為菑滑而不美多噉令人下痢揚州謂之羊蹄幽州謂之遠一名菑亦食之詩釋文云遠本又作蓄本草云羊蹄一名蓄陶註云今人呼為菑菑即蓄字音訛也

麩赤苗註今之赤梁粟註今之白梁粟皆好穀正義此

之異色也太雅生民云維糜維芑孔疏云糜作麩音同耳說文云麩赤苗嘉穀也芑白苗嘉穀又云禾嘉穀也是麩芑同為梁穀因色有赤白而異其名也註今之至好穀○正義郭意以麩芑即今之梁米也粟者說文云嘉穀實也爾雅言苗有赤白而郭以為皆好穀者魏風毛傳云苗嘉穀也是其名相通也齊民要術引舍人云麩芑是伯夷叔齊所食首陽山草也夫麩芑為后稷所下之嘉種而舍人迺以當西山之薇不已異乎

秬黑黍註詩曰維秬維秠一稔二米註此亦黑黍但中米異

耳漢和帝時任城生黑黍或三四實實二米得黍三斛八斗

是正義此釋黍之異色及其稭中之米也詩疏引李巡云黑黍一名秬說文云鬻黑黍一稭二米以釀也或作秬秬一

稭二米天賜后稷之嘉穀也詩釋文引字書云稭麤糠也案詩言恆之秬秬是穫是畝毛傳云恆徧也鄭箋云徧種之成

熟則穫而畝計之是秬秬之種植廣矣春官鬯人掌共秬鬯而飾之鄭註云鬯釀秬為酒芬香餘暢於上下也文侯之命

云用資爾秬鬯一亩大雅江漢云釐爾生鬻秬鬯一亩毛傳云九命錫圭鬻秬鬯鄭箋云秬鬯黑黍酒也謂之鬯者芬香

條鬯也孔疏云禮有鬱鬯者築鬱金之草而煮之以和秬黍之酒使之芬香條鬯故謂之鬱鬯之酒又引孫疏云鬱是草

名今之鬱金者以和酒者也鬯是酒名以黑黍和一稭二米作之左氏僖二十八年傳云秬鬯一亩杜註云秬黑黍鬯香

酒所以降神此皆言秬秬之用言秬而秬在其中以秬為一稭二米與一米者同為黑黍也釋文云秬黑黍也或云今蜀

黍也米白穀黑前人說秬者無異詞陸氏所引或說與舊說殊註詩曰至維秬○正義大雅生民文毛傳用爾雅孔疏云

秬是黑黍之大名秬是黑黍之中有二米者別名之為秬秬秬皆黑黍矣而春官鬯人註云釀秬為酒秬如黑黍一稭二

米言如者以黑黍一米者多秬為正稱二米則秬中之異故言如以明秬有二等也秬有二等則一米亦可為酒鬯人之

註必言二米者以宗廟之祭唯秬為重二米嘉異之物鬯酒當宜用之故以二米解鬯其實秬是大名故名釀秬為酒爾

雅云秬一稭二米鬯人註云一秬二米文不同者鄭志答張逸云秬即皮其稭亦皮也爾雅重言以曉人然則秬秬古今

語之異故鄭引爾雅得以稭為秬也案今本周禮鄭註作一稭二米據詩疏所引則康成易稭為秬以曉人也○此亦至

斗是○正義郭以秬即黑黍是也黑黍有三四實者誠為異種二米則不為異也後漢任城縣今為濟寧州

秬註今沛國呼秬正義秬一名秬周頌云豐年多黍多秬黍宜於高阜稻宜於水田並登則為豐年矣

小雅白華云滌池北流浸彼稻田地官稻人掌稼下地澤草所生種之芒種稻宜於水澤之地故職方謂荆揚二州宜稻

矣稻有稷稻二種稷者以釀酒鬯風七月云十月獲稻為此春酒以介眉壽月令仲冬乃命大酋秬稻必齊傳記多言秬

醴以稻之稷者為酒也天官食醫云牛宜秬鄭司農云秬稷也專指稷為稻本草分秬來稻米為二則專以稷為稻皆舉

其一偏也膳夫註以秬備九穀之數則秬為稻之別名兼言稷秬二種註今沛國呼秬○正義詩疏引郭註作今沛國呼

稻為秬案說文云沛國謂稻曰稷秬稻屬釋文引字林云糯黏稻也秬稻不黏者是黏與不黏雖殊其為稻一也黍稷皆

有黏與不黏二種其為黍為稷則一也

菑蓺茅註菑華有赤者為蓺蓺菑一種耳亦猶蔭若華黃白異

名正義上文云菑蓺此又別其種也說文云蓺茅菑也一名

亦名蓺者正謂其華赤似木樨耳其白華者則謂之菑也離騷云索蓺茅以廷尊王逸註蓺茅靈草也註菑華至異名

正義下文陵若以黃華白華而異其名此舉類以曉人也齊民要術引郭註猶作如

臺夫須註鄭箋詩云臺可以為禦雨笠正義小雅云南山有臺

須陸璣疏云舊說夫須莎草也亦以為簣笠案吳語云笠笠須可望於艾陵註引唐固云笠夫須也說文云笠笠蓋也是夫

須可為笠也註鄭箋至雨笠正義都人士云臺笠緇撮毛傳云臺所以禦暑笠所以禦雨鄭箋云都人之士以臺皮為

笠蓋笠以禦暑因可以禦雨傳分言其用其為物一也郭氏通其意而引之

拳蓺註未詳正義拳類篇作拳草名蓺也釋文云本亦作拳蓺

齒貝母註根如小貝圓而白華葉似韭正義鄆風載馳云言采其齒毛傳齒貝母也說

文繫傳引詩作言采其齒詩疏引陸璣疏云齒今藥草貝母也其葉如栝樓而細小其子在根下如芋子正白四方連累

相著有分解是也註根如至似韭正義本草別錄云貝母一名空草一名齒草陶註云出近道形似聚貝子故名貝母

圖經云二月生苗莖細青色葉亦青葉隨苗出七月開花碧綠色八月采根此有數種郭註言白華形似韭此種罕復見之

菑蚍蚍註今荆葵也似葵紫色謝氏云小草多華少葉葉又翹

起正義陳風東門之枌云視爾如菑毛傳菑莖菜也疏引舍人云菑一名蚍蚍陸璣疏云花菜一名荆葵似蕪菁華紫

綠色可食微苦註今荆至翹起正義廣雅云荆葵菑也古今註云荆葵一名戎葵一名莖葉不殊但花色有異耳一日蜀葵羅

有紫有青有白有黃莖葉不殊但花色有異耳一日蜀葵羅願云其說戎葵蜀葵之狀可也混荆葵莖菜之名於內者非

也荆葵花似五銖錢大色粉紅有紫文縷之一名錦葵註引謝氏疑為謝嶠之說殆因詩疏連引後人濶人郭註與太平

御覽引郭註不引謝氏語

艾冰臺註今艾蒿正義艾一名冰臺王風采葛云彼采艾兮毛

傳艾所以療疾孟子云求三年之艾也趙岐註艾可以為灸人病乾久益善急就篇註云艾一名醫草註

今艾蒿正義離騷云戶服艾以盈要兮王逸註艾白蒿也案圖經本草云初春布地生苗莖類蒿葉背白是艾與白蒿相似耳非即蒿也六朝人以艾為蕭尤為傳會

葦亭歷註實葉皆似芥一名狗薺廣雅云

正義葦一名亭歷鄭註月令以葦葢之屬

為靡草孔疏云葦葢之屬以其枝葉靡細故云靡草淮南繆

稱訓云亭歷去張高誘以為藥名註實葉至雅云○正義廣

雅云狗薺大室亭歷也本草去葦葢一名大室一名大適別

錄云一名丁歷一名葦蒿釋文云今江東人呼為公薺陶註

本草云今近道亦有母則公薺子細黃至苦圖經云初春生

苗葉高六七寸有似薺根白枝莖俱青三月開花微黃結角

子扁小如黍粒微長黃色至夏則枯死

苻鬼目註今江東有鬼目草莖似葛葉圓而毛子如耳瑤也赤

色叢生正義苻一名鬼目本草上品有白英別錄有鬼目云

一名來甘實赤如五珠陶註云俗呼白草子蘇恭陳

藏器並云白英鬼目草也註今江至叢生○正義吳志孫皓

傳天紀三年有鬼目菜生工人黃耆家依緣棗樹長丈餘葉

廣四寸厚三分蓋鬼目之異種也齊民要術引廣州記有

鬼目樹太平御覽引廣志云鬼目似梅則木之同名者耳

辟廋草註未詳

菝葜獲註今菝葜也或曰雞腸草正義菝一名菝葜卽下文所

謂菝葜也註今菝至腸草○

正義本草別錄有菝葜陶註云此菜人以作羹唐本註云此

草卽是雞腸也生濕地坑渠之間俗流通謂雞腸雅士總名

菝葜圖經云卽雞腸草也葉似苻菜而小夏秋間生小白黃

花其莖梗作蔓斷之有絲縷又細而中空似雞腸因得此名

也案別錄分菝葜與雞腸草為二故郭氏兩解之

離南活菴註草生江南高丈許大葉莖中有瓢正白零陵人祖

日貫之為樹正義離南一名活菴卽下文所云倚商活脫也

本草謂之通草一名附支陳藏器云通脫木生

山側葉似蓖麻其莖空心中有白瓢輕白可愛註草生至為

樹○正義中山經云其草多寇脫郭氏彼註云寇脫草生江

南高丈許似荷葉莖中有瓢正白零陵人植而

日灌之以為樹此註卽日貫之四字疑有脫誤

龍天齋須葑菹註未詳正義鄭風山有橋松云隰有游龍鄒風

齋管子地員篇其山之淺有龍與斥尹知章註以龍為草名

也下文云紅龍古其大者齋廣其名也詳見下文須葑菹者

詩疏引孫炎云須一名葑菹卽下文所謂須葑菹也葑通作

青幽州人或謂之芥案鄒風鄭箋云葍蔓菁也坊記註云葍蔓菁也陳宋之間謂之葍大平御覽引爾雅舊註云江東呼蕪菁為菘菘須聲相近是須即蕪菁一名蔓菁也本草別錄有蔓菁陳藏器云蕪菁比大名蔓菁今并汾河朔間燒食其根呼為蕪根猶是蕪菁之號蕪菁南北之通稱也塞北河西種者名九葉蔓菁亦曰九英菘郭氏下註云似羊蹄葉細味酢可食亦指蔓菁言之也

蒟隱葱註似蘇有毛今江東呼為隱葱藏以為菹亦可淪食也正義蒟一名隱葱管子地員篇云其種忍蔭名可互稱也陶註本草云桔梗葉名隱葱可煮食註似蘇至食也○正義郭類篇云隱葱菜名似葍未審何據

茜蔓于註多生水中一名軒于江東呼茜正義茜一名蔓于管子地員篇云其草魚腸與蕪說文云蕪水邊草也繫傳云似細蘆蔓生水上墮水高下汎汎然也註多生至呼茜○正義蔓于一名軒于者于虛賦云菴間軒于張揖云軒于蕪草也生水中楊州有之又謂之于後漢書馬融傳註云于一名蕪生於水中茵蘆註作履苴草正義茵一名蘆說文云茵艸也可以束或作舊舊疏以為蒯之類也釋文引字苑云韞苴

履底

柱夫搖車註蔓生細葉紫華可食今俗呼曰翹搖車正義柱夫一名搖車可食之菜也本草拾遺作翹搖云幽州謂之若搖俗呼翹車是矣生平澤蔓生如豈豆紫花註蔓生至搖車○正義今翹搖以二月開小花紫白色俗謂之野蠶豆亦名小巢菜

出隧蘧蔬註蘧蔬似立茵生菘草中今江東啖之甜滑音同艸

蕪正義出隧一名蘧蔬菘草之菌也菘當作蕪說文云蕪離蕪一名蔣又云蔣菘蔣也天官食醫云魚宜蕪後鄭以蕪為九穀之一菘米以九月結實宋玉賦所謂雕胡之飯枚乘七發所謂安胡之飯皆是也南唐呼菘為蕪故謂蘧蔬為蕪白註蘧蔬至艸蕪○正義菘根生大茵者名菘手亦曰菘首本草唐本註云菘手以其似小兒臂也蜀本註云三年中心生白臺如藕狀曰菘首其根生小茵者名菘菜圖經云春生白芽如筍即菘菜又謂之菱白今南方池澤間種之淪為羹北方亦有之

斷蒞蘆蕪註香草葉小如菱狀淮南子云似蛇牀山海經曰臭

如蘼蕪

正義蘼蕪一名蘼蕪史記索隱引樊光云蘼本一名蘼蕪根名蘼蕪苗也離騷云扈江離與薛芷兮江離為

蘼蕪一名江離芎藭苗也本草云芎藭生山谷蘼蕪一名蘼蕪之苗則亦非蘼蕪也

蕪生川澤自分二種今以大葉者為芎藭小葉者為蘼蕪管子地員篇云五沃之土生蘼蕪是也

郭以蘼蕪之狀如葶藶也引淮南子者說林訓云蛇牀似蘼蕪而不能香高誘注云蛇牀臭蘼蕪香泚論訓云夫亂人者

若芎藭之與蘼蕪本蛇牀之與蘼蕪大平御覽引郭氏讚云蘼蕪善草亂之蛇牀不隕其實自別以香是也郭又引山海經

者西山經云浮山有草曰薰草臭如蘼蕪又天帝山有草其臭如蘼蕪名曰杜衡南山經云洞庭山其草多蘼蕪

茨蒺藜註布地蔓生細葉子有三角刺人見詩

正義茨一名蒺藜九家易云坎

為蒺藜因六三云據於蒺藜三居坎上有蒺藜之象焉非所據而據焉身必危蒺藜之草有刺而不可踐也說苑云植蒺藜者夏不得休息秋得其刺焉

註布地至見詩○正義本草云蒺藜一名旁通一名屈人一名止行一名豹羽一名升推別錄云一名即梨一名茨陶註云生道上子有刺狀如菱而

小見詩者鄜風云牆有茨說文引作牆有薺小雅云楚楚者茨楚詞章句引

作楚楚者薺

薊華竊衣註似芹可食子大如麥兩兩相合有毛著人衣

正義薊華一名竊衣王逸九思作薊華自註云草名似芹至人衣○

正義齊民要術引孫炎云似芹江淮間食之實如麥兩兩相合有毛其華著人衣郭註本孫炎

髮顛蕪註細葉有刺蔓生一名商棘廣雅云女木也

正義髮顛一名商棘本名髮顛勒抱朴子云天門冬一名顛棘是也註

草云天門冬一名顛棘經本草云天門冬春生藤蔓大如釵股高至丈餘葉如荷香極尖細而疎滑有逆刺亦有澁而無

刺者其葉如綠杉而細散皆名天門冬夏生白花亦有黃色者秋結黑子在其根枝傍入伏後無花暗結子其

根白或黃紫色夫如手指廣雅云顛棘女木也

藿芄蘭註藿芄蔓生斷之有白汁可啖

正義藿風云芄蘭之支此釋之也毛傳云芄蘭

草也鄭箋云芄蘭柔弱蔓延於地有所依緣則起說文藿作藿引詩作芄蘭之枝註藿芄至可啖○正義藿一名芄蘭

郭氏連舉藿芄則當云藿芄一名藿舊疏以為或傳寫誤芄衍字也詩疏引陸璣疏云一名藿摩幽州人謂之雀瓢徐鍇

繫傳云芄蘭藿華也葉似女青本草陶註云藿華作藤生摘之有白乳汁人家多種之葉厚而大可生啖亦蒸煮食之唐

本註云雀瓢是女青別名也
蘿蘼葉似女青故亦名雀瓢

蕒蕒藩註生山上葉如韭一曰蜨母正義說文云蕒蕒藩也蕒

云今之知母註生山至蜨母正義本草云知母一名水浸一名蜨母
一名連母一名野蓼一名地參一名水參一名水浸一名蜨母
母一名蜨母別錄云一名沈藩一名蕒陶註云形似蕒蒲而
柔潤葉至難死掘出隨生須枯燥乃死圖經云四月開青花

八月
結實

蒹藁註今澤藁正義蒹藁一名藁即澤瀉也莊子釋文引司馬彪

澤瀉以豹躑今王連註澤瀉惡草盛於革囊無益於用也註
今澤藁正義本草云澤瀉一名水瀉一名鴿瀉陶註云藁
生淺水中葉狹而長圖經云春生苗多在淺水中
葉似牛舌獨莖而長秋時開白花作叢似穀精草

茵鹿藿其實菘註今鹿豆也葉似大豆根黃而香蔓延生正義

名鹿藿其實名菘說文云菘鹿藿之實名是也又云蕒鹿藿
也讀若剽案下文蕒鹿子似覆盆與鹿藿異故徐鍇以為說
文誤以蕒鹿為藿字也註今鹿至延生正義鹿豆今
一名豎豆一名治豆葉似葛而實長可蒸食一名豎菘

侯莎其實媿註夏小正曰蒿也者莎蔭媿者其實正義說文

也繫傳云莎一名鏞一名侯莎案侯莎猶言侯栗侯梅作侯
莎者是也廣雅云地毛莎蔭也文選註引司馬彪云一名侯
莎急就篇註云莎即今青莎草也青莎所在有之故淮南覽
冥訓以路無莎頰為災異本草別錄以莎一名夫須是即上
文所謂臺夫須矣太平御覽引廣志云莎可以為雨衣註夏
小至其實正義夏小正云正月月緹編緹也者莎隨也緹也
者其實也先言緹而後言編者何也緹先見者也何以謂之
小正以著名也今莎根有鬚鬚下結子轉相莖生有細毳色
黑大者如
羊棗而銳

莞苻藪其上蒿註今西方人呼蒲為莞蒲蒿謂其頭臺首也今

江東謂之苻藪西方亦名蒲中莖為蒿用之為席正義說文

也蒿夫離上也又云莞艸也可以作席詩疏引某氏曰本草
云白蒲一名苻藪楚謂之莞蒲其上臺別名蒿小雅斯下云
下莞上簟鄭箋莞小蒲也註今西至為席正義莞蒲考詩
釋文云莞草叢生水中形似小蒲而實非也臺者說文繫傳
云艸將生華先抽莖臺今謂菜臺是也用之為席者詩疏云
以莞蒲一草之名而司几筵有莞筵蒲筵則有大小之異為

席有精有粗故得為兩種席也又本草白芷一名莞一名苻離王逸楚詞註莞夫離也與郭異

荷芙渠註別名芙蓉江東呼荷其莖茄其葉遺其本莖註莖下

白藕在泥中者其華菡萏註見詩其實蓮註蓮謂房也其根

藕其中的註蓮中子也的中莖註中心苦正義詩疏引李巡云皆分別蓮莖華

葉實之名後世稱名多假借當以爾雅所分別者為正也○荷芙渠○荷一名芙渠李巡云芙渠其總名也鄭風云隰有荷華毛傳荷華扶渠也○是芙渠本當作扶渠後世統謂之荷

○其莖茄○芙蓉之莖名茄陳風鄭箋則云芙蓉之莖曰荷證類本草引陸璣疏云其莖為荷詩疏云樊光註爾雅引詩有蒲與茄然則詩本有作茄字者也案說文云茄夫葉莖

是茄為荷莖之定名○其葉遺○芙蓉之葉名遺釋文云眾家並無此句唯郭有然就郭本中或復脫此一句案說文無遺字以荷為夫容葉唯詩疏引爾雅有其葉遺三字與今本

同今荷葉初生小如錢暑月葉大者如盤孟遺者言其大也○其本莖○芙蓉之本名莖此為萌芽初發穿泥而出者之名故與根別言之也說文云莖夫葉本繫傳云藕節上初生莖時萌芽殼也○其華菡萏○芙蓉之華名菡萏說文作菡

蘭云夫容華未發為菡萏已發為夫容爾雅翼引陸璣疏亦云其華未發為菡萏已發為芙蓉今芙蓉以六七月華有紅白二種○其實蓮○芙蓉華有鬚長寸許鬚隨華落其實各

蓮後世所謂蓮房也說文云蓮夫葉之實也○其根藕○藕隨葉長蟠於泥中次者如管冬月掘而食之逸周書云藪澤竭則蓮藕掘是也釋文引本草云一名水芝丹藕當從說文

作藕○其中的○蓮房之子名藕生房中如蜂在窠詩疏引李巡云的蓮實也爾雅翼引詩義疏云青皮裹白子為的

五月中生生啾脆至秋表皮黑的成可食可磨以為飯輕身益氣令人強健又可為糜○的中莖○詩疏引李巡云莖中

心苦者也陸璣疏云的中有青為莖味甚苦故里語云苦如

意是也註別名至呼荷○正義此別其異名也離騷云製芰荷以為衣兮集芙蓉以為裳王逸註芙蓉蓮華也詩疏云今

江東人呼荷華為芙蓉北方人便以藕為荷亦以蓮為荷蜀

人以藕為茄或用其母為華名或用根子為母葉號此皆名

相錯習俗傳誤矣其正體者也○莖下至中者○正義莖為嫩藕初生色白上挺為莖其盡處為藕是為華葉根實之本

也○見詩○正義陳風澤陂云有蒲菡萏毛傳菡萏荷華也

紅蘢古其大者莖註俗呼紅草為龍鼓語轉耳正義上文云蘢

之也詩疏引舍人云紅名蘢古其大者名蘢是蘢即紅草之蘢大者說文以蘢為薺實與下文連屬師讀不同故也紅者

虞蓼之別種後世所謂水菘也鄭風毛傳云龍紅草也鄭箋云紅草放縱枝葉於隰中今水菘莖麤有毛葉大如商陸蔓地而生故釋詩者言其放縱矣詩疏又引陸璣疏云一名馬蓼葉大而赤白色生水澤中高丈餘玉篇云龍馬藻也疑卽馬蓼之訛註俗呼至轉耳○正義陶註本草云馬蓼生下溼地莖斑葉大有黑點其最大者名龍鼓唐本註云爾雅云菘一名龍鼓大者名龍則最大者不名龍鼓陶誤呼之案唐本所引蓋爾雅舊註之文古鼓爲語轉紅與鼓並從艸後世俗書所增益也廣韻云菘水草亦作洪

莖薺實註薺子味甘

正義薺之實名莖鄭註月令以薺爲靡草地之行篇云薺以冬美冬水氣也薺甘味也乘於水氣而美者甘勝寒也薺冬生而夏死其味甘故鄉風谷風云其甘如薺離騷云故茶薺不同畝今王逸以爲比忠佞之不同朝也洪興祖補註云言茶若薺甘故不同畝而生也陶註本草云薺類甚多此是人所食者其葉作蒲及羹亦佳急就篇註云薺甘草也其實名莖

廣泉實註禮記曰苴麻之有廣泉麻註別二名

正義此釋麻實之名也○廣泉實○苴麻之子名廣齊民要術引孫炎云廣麻子以泉卽麻也說文作葩泉實也或作廣案麻實有稃甲包

麥故說卦傳云其于稼也爲反生宋衷曰謂麻豆之屬戴甲而生是也古者以爲籩豆之實天官籩人朝事之籩其實籩黃少牢饋食禮云糲黃坐設於豆西鄭註黃熬泉實也內則以供尊者所食蓋熬而熟之矣月令於秋則食麻與犬鄭註云麻實有文理屬金又仲秋之月以犬嘗麻先薦寢廟鄭註云麻始熟也今苴麻以八九月之間熟先熟者古以爲珍食至季秋則子畢熟而隕落可拾而取幽風言九月叔苴毛傳云叔拾也苴麻子也則以爲農夫之食矣有實之麻亦可供績淮南說林訓云廣不類布而可以爲布高誘註廣麻實也本草云麻黃一名麻勃○泉麻○詩疏引孫炎云麻一名泉說文云麻與梳同人所治在屋下梳之爲言微也微織爲功象形泉麻也禹貢以泉爲青州之貢天官之屬有典泉皆以泉卽麻也今杜麻以夏月開白華九歌大司命云折疏麻兮瑤華洪興祖補註云麻華其色白故比於瑤也杜麻華而不實六月可刈太平御覽引春秋說題詞云麻之言微也陰類浸密女作織微也麻生於夏夏衣物成禮儀故麻可以爲衣陽成於三物以化故麻三變纁所加也宋均註云麻須陽以成夏枝葉布成爲之衣麻亦夏生可作衣也三變謂麻生成形一變也漚取皮二變也纁成爲纁三變也今麻之夏刈者秋月可績故幽風言八月載績矣麻亦謂之紵詩疏引陸璣疏云紵亦麻也科生數十莖宿根在地中至春自生不歲種也荆揚之間一歲三收今官園種之歲再刈刈便生剝之以

鐵若竹挾之表厚皮自脫但得其裏韌如筋者謂之徽紵今南越紵布皆用此麻註禮記至有廣○正義喪服傳云苴經者麻之有黃者也杜麻者泉麻也左傳疏引馬融註云黃者麻實泉麻之有子者其色麗惡故用之案傳以釋經故郭註引以為禮記

須薺蕪註薺蕪似羊蹄葉細味酢可食菲苳菜註菲草生下溼地似蕪菁華紫赤色可食正義擗風谷風云采葑采菲上云須葑葑菲芴此又廣其異名也詳

見上

黃赤莧註赤莧一名黃今莧菜之赤莖者正義莧之赤者一名黃赤九五云莧陸夬

夫荀爽云莧者葉柔而根堅且赤是赤莧為易所取象也釋文引宋衷云莧莧菜也孔疏引董遇說以為人莧案今莧菜有赤紫白三種人莧則白莧之小者與荀義異也列子天瑞篇謂老韭為莧物性之變也管子地員篇輦下于莧

蔞蔞蔞冬註門冬一名滿冬本草云正義蔞蔞一名蔞冬上文今之麥門冬也本草別錄云麥門冬葉如韭冬夏長生陶註云根似穠麥故謂之麥門冬今所在有之蔞門音同註門冬

至草云○正義釋文云山海經云條谷山其草多蔞蔞冬郭云本草一名滿冬案本草天門冬一名顛勒麥門冬秦名羊韭齊名愛韭楚名馬韭越名羊著一名禹葭一名禹餘糧葉似韭冬夏生無名滿冬者說文繫傳所說與釋文同今案門滿聲之轉郭君所見本草有作滿冬者故註引之

篇苻止註未詳灤貫眾註葉圓銳莖毛黑布地冬不死一名貫渠廣雅云貫節正義別三名也貫眾一名篇苻一名止灤釋文引本草云貫眾一名篇苻是也郭氏以篇苻止為未詳灤一名貫眾師讀不同故也註葉圓至貫節○正義證類本草引吳普云葉青黃色兩兩相對莖有黑毛叢生冬夏不死是郭註所本也太平御覽引孫炎云一名貫渠廣雅云貫節貫眾也郭註用孫炎兼引廣雅所以廣異名也釋文又引本草云一名百頭一名虎卷一名伯藥一名藥藻此謂草鴟頭也案陶宏景云葉如大蕨形色毛芒全似老鴟頭故呼為老鴟頭

著牛藻註似藻葉大江東呼為馬藻正義此別藻之大者也著藻毛傳藻聚藻也鄭箋藻之言澡也齊民要術引陸璣疏云藻水草也生水底有二種其一種葉如雞蘇莖大如箸長四

是書經解 卷五百一十七 邵編修爾雅正義

名牛藻召南云于以采藻

名牛藻

名牛藻

名牛藻

名牛藻

名牛藻

名牛藻

名牛藻

名牛藻

名牛藻

五尺其一種莖大如釵股葉如蓬蒿謂之聚藻又云扶風人謂之藻聚其發聲也此二藻皆可食煮熟按去腥氣米麩糝蒸為茹嘉美荆場人饑荒以當穀食顏氏家訓云說文荇牛藻也即陸璣所謂聚藻葉如蓬者郭璞註三倉亦云蘊藻之類也細葉蓬茸生今水中有此物一節長數寸細茸如絲圓繞可愛長者二三十節猶呼為荇註江東至馬藻○正義廣異名也玉篇云荇牛藻也一云馬藻陳藻器本草註云馬藻生水中如馬齒相連

遠蕩馬尾註廣雅曰馬尾商陸本草云別名蕩今關西亦呼為蕩

蕩江東為當陸

正義遠蕩一名馬尾即當陸也說文作蕩云蕩草枝枝相值葉葉相當夫九五云蕩陸夫

夫荀爽云陸取葉柔根堅也陸差堅於蕘蕘根小陸根大也孔疏引董遇云陸商陸也今商陸所在有之枝葉相對味酸辛性有毒形似人易象取之以其為陽中之陰也註廣雅至當陸○正義郭引廣雅以證遠蕩即當陸也本草云蕩根一名夜呼開寶本草云一名白昌一名當陸蜀本註云葉大如牛舌而厚脆赤花者根赤白花者根白

萍萍註水中浮萍江東謂之藻其大者蘋註詩曰于以采蘋正義

此釋萍蘋大小之異名也詩疏引舍人云萍一名萍大者名蘋○萍萍○說文云萍萍也無根浮水而生此與下文蘋蕭

同名故毛傳誤以為鹿所食者即是萍草後世增加作萍所
以別於蘋蕭也月令季春之月萍始生逸周書時訓解云穀
雨之日萍始生萍不生陰氣憤盈舊說萍為楊花所化一葉
經宿即生數葉葉下有小鬚垂水中以今驗之楊花實能化
萍然萍不盡為楊花所化三月以前無萍故月令紀其始生
之時穀雨以後凡積水之區悉能生萍故夏小正云七月隍
潦生萍隍下處也有隍然後有潦有潦而後有萍也今池隍
積水輒生綠萍小正之言信矣萍浮而不沈秋官之屬有萍
氏蓋取象義以名其官焉○其大者蘋○說文云蘋大萍也
繫傳云俗作蘋詩釋文引韓詩云沉者曰蘋浮者曰萍今蘋
亦不沉但較浮萍則根連水底爾本草拾遺謂之萍其葉四
衢中拆如十字俗謂之四葉菜五月開白華後世所謂白蘋
也蘋可以芼羹故左傳言蘋蘩蕓藻之菜呂氏春秋木味篇
芼之美者崑崙之蘋註水中至之藻○正義廣雅云蘋萍也
今南人通謂之藻舊疏引陸璣疏云今水上浮萍是也其蠶
大者謂之蘋小者曰萍季春始生可繆蒸為茹又可苦酒掩
以就酒○詩曰至采蘋○正義召南文毛傳云蘋大萍也鄭
箋謂婦人先嫁三月教以四德教成之祭牲用魚芼用蘋藻
賓之言

蕘菟葵註頗似葵而小葉狀如藜有毛洵啖之滑正義蕘一名菟葵本草蘇

恭註云菟葵苗如石龍芮而葉光澤花白似梅其莖紫黑者
嗽極滑所在下澤田間皆有人多識之註頗似至之滑○正
義本草寇宗奭註云菟葵綠葉似黃蜀葵太平御覽引廣志云菟葵淪之可食

芹楚葵註今水中芹菜正義芹一名楚葵說文作造云造菜類
也天官醢人加豆之實有芹菹祭統云水草之菹鄭訓以為
芹茹之屬也呂氏春秋本味篇菜之美者雲夢之芹高誘註
云芹生水涯註今水中芹菜○正義本草云水芹一名水英
陶註云三月四月作莢時可作茹及淪食之又有蘆芹可為
生菜亦可生噉別本註去芹有兩種菘芹
取根白色赤芹取莖葉並堪作茹及生噉

蘆牛薺註今江東呼草為牛薺者高尺餘許方莖葉長而銳有
穗穗間有華華紫縹色可淋以為飲正義蘆一名牛薺小雅
我行其野云言采其蘆
鄭箋云蘆牛薺也亦仲春時生可采也太平御覽引孫炎云
車前草一名牛薺詩疏引陸璣疏云今人謂之羊蹄俱與郭
異註今江至為飲○正義陳藏器本草註云天麻似馬鞭草
子如青菡子孫思邈云天麻草莖如火麻花如鼠尾花即益
母之紫花者乃爾雅所謂蘆也

黃牛脣註毛詩傳曰水葛也如續斷寸寸有節拔之可復正義
引李巡云別二名案上文云蒹藋郭註云今澤葛魏風汾州
如云言采其黃毛傳黃水鳥也本草謂澤瀉一名水鳥陸璣
疏亦以黃為澤葛是則蒹也葛也黃也牛脣也一物而四
名也郭意以黃一名牛脣別言其形狀本於李巡為義也

萃蘆蕭註今蘆蒿也初生亦可食正義此別蒿之類也萃一名
之萃鄭箋以為蘆蕭疏引陸璣疏云葉青白色莖似蒼而輕
脆始生時可生食又可蒸食案蘆蕭為蒿之別種俗呼為牛
尾蒿以為即
今白蒿非也

連異翹註一名連若又名連草本草云正義連一名異翹今謂
之連翹本草蘇恭註云
此物有兩種大翹小翹大翹生下溼地葉狹長如水蘇花黃
可愛著子似椿實之未開者作房翹出眾草其小翹生岡原
之上葉花實皆似大翹而小細寇宗奭云連翹亦不翹出眾
草其子拆之片片相比註一名至草云○正義本草謂之翹
根別錄謂之三廉仲景謂之連若
吳普謂之蘭華皆連草之別名也

澤烏蘆註即上蘆也正義上文云蘆烏蘆此別其異
名舊疏以為蘆之生於水澤者

是青經解 卷五十七 邵編修爾雅正義

傳橫目註一名結縷俗謂之鼓箏草正義傳一名橫目眾經音義引徐炎云三輔曰結縷

今關西饒之俗名句屢草也註一名至箏草○正義上林賦云布結縷郭氏彼註云結縷蔓生如縷相結漢書音義云結

縷似白茅蔓聯而生顏師古云結縷著地之處皆生細根如線相結故名結縷今俗呼鼓箏草者兩幼童對銜之鼓其中

夾聲如箏也

釐蔓華註一名蒙華正義釐一名蔓華說文作萊蔓華徐鍇以爲釐與萊音同是也小雅云北山有萊齊

民要術引詩義疏云萊藜也莖葉皆似萊王芻今兗州人蒸以爲茹謂之萊蒸譙浦人謂雞蘇爲萊三倉云萊菜莢此二

草異而名同案玉篇去萊藜草也廣韻與玉篇同今不治之地多生萊十月之交云田卒汚萊月令云藜莠蓬蒿並與故

盡地力者主於闢草萊也然地不宜稼者或種之以備荒貧者食之莊子所謂藜藿不慘韓非子所謂藜藿之羹也

菱蕨據註菱今水中芰正義菱一名蕨據天官籩人加籩之實有菱鄭註菱芰也賈疏云即菱角也楚

語云屈到嗜芰韋昭註芰菱也釋文引字林云楚人名菱曰芰菱陸本作菱今作菱註菱今水中芰○正義木草謂之芰實蘇頌註云菱處處有之葉浮水上花黃白色花落而實生

漸向水中乃熟實有二種一種四角一種兩角兩角中又有嫩皮而紫色者謂之浮菱錢詹事曰釋文據亡悲切又兼存

孫叔然居郡居羣二音則字當作據說文有據而無據則孫說爲長矣上文英

光即蕨據之聲轉

大菊蘧麥註一名麥句蘧即瞿麥正義大菊一名蘧麥本草云瞿麥一名巨句麥別錄云一

名大菊一名大蘭陶註云今出近道一莖生細葉花紅紫赤色可愛子頗似麥故名瞿麥註一名麥句蘧○正義說文云

大菊蘧麥繫傳云今謂之瞿麥其小而華色深者俗謂石竹郭璞云麥句蘧本艸云麥句蘧地於也非此案繫傳匡正郭

註以本草爲據也釋文引廣雅云芘麥麥句蘧蘧麥則郭註本於廣雅未可遽以爲非矣今本廣雅作芘芘陵茗蘧麥也

疑傳寫之訛當以陸氏所據之本爲正

薜牡贅註未詳正義說文云薜牡贅也釋文本贅作贅

箭山莓註今之木莓也實似蘧莓而大亦可食正義箭一名山莓即今所謂薔

盤也樹高四五尺葉似櫻桃而狹長四月華色白實如缺盆俗亦呼爲木莓爾雅謂之山莓者所以別於蘧莓也其形狀

相似而蔓藤者即下文所謂莖缺盆也山莓缺盆子俱可食又有草委地而生謂之地莓本草謂之蛇莓江南謂之蛇盤

子不可食註今之至可食○正義本草拾遺謂之懸鉤註云莖上有刺其子如莓子酸美人多食之

齧苦葦註今葦葵也葉似柳子如米泔食之滑正義齧一名苦葦夏小正云二月生其葉對節相撐其莖中虛

月榮葦莖菜也莖之苗以二月生其葉對節相撐其莖中虛而有稜其氣芳馨生田野間可茹作羹故小正以紀候焉古者用為錮芎公食大夫禮云錮芎有滑鄭註云葦莖之屬又內則云葦莖粉榆兔菟滌瀧以滑之鄭註冬用葦夏用葦葦莖類謂用調和飲食也大雅蘇云周原膳膳葦茶如飴言雖野生之草亦皆甘美葦即苦葦也孔穎達通引下文葦草以為烏頭今烏頭性毒不可食雖生周原豈能變其性乎斯不然矣註今葦至之滑○正義說文云葦艸也根如薺葉如細柳蒸食之甘繫傳云詩所謂葦茶如飴然則此菜味苦也本草蘇恭註云葦菜野生非人所種葉似蕺菜花紫色舊疏云本草言味甘而此言苦者古

薄石衣註水苔也一名石髮江東食之或曰薄葉似饅而大生水底亦可食正義薄一名石衣天官醢人加豆之實有落菹鄭司農云浴水中魚衣是其類也註水苔至可食○正義苔說文作落云水衣也繫傳云落生水傍水土之潤氣所生故曰水衣一名石髮者廣雅云石髮石衣也齊民

要術引周處風土記云石髮水苔也青綠色生於石也江東有之今温州有石髮菜是也郭又引或說者即今所謂海苔也劉逵吳都賦註云海苔生海水中正青狀如亂髮乾之赤鹽藏有汁名曰濡苔臨海有之本草陳藏器註云大葉藻也生深海中及新羅葉如海藻而大海人取之正在深海底以繩繫腰因沒水下引得旋繫繩上五月已後當有大魚傷人不可取也案今海濱人取海苔者具如藏器所言

鞠治瘡註今之秋華菊正義鞠一名治瘡今經傳鞠省作鞠夏小正云九月榮鞠鞠草也鞠榮而樹麥

時之急也月令季秋云鞠有黃華逸周書時訓解鞠作菊云菊無黃華土不稼穡此指牝鞠而言也鞠自有不華者謂之牡鞠秋官蠅氏焚其煙以去毒蠅者也註今之秋華菊○正義說文云菊日精也以秋秀又去鞠治瘡也分日精治瘡為二郭以為秋華菊則日精即為治瘡故爾雅圖讚云菊為日精布華元月是也本草又謂之節華陶註云菊有兩種一種莖紫氣香而味甘葉可作羹食一種青莖而大葉作蒿艾氣味不堪食者名意

唐蒙女蘿女蘿菟絲註別四名詩云爰采唐矣正義詩疏引舍人云唐蒙一名

女蘿女蘿一名菟絲小雅頍弁云蒿與女蘿毛傳云女蘿菟絲松蘿也疏引陸璣疏云今菟絲蔓連草上生黃赤如金今

合藥菟絲子是也非松蘿松蘿自蔓松上生枝正青與菟絲殊異案陸璣所說因本草分松蘿菟絲為二物据以駁正毛傳也淮南說山訓云千年之松下有茯苓土有兔絲說林訓云茯苓掘兔絲死又曰兔絲無根而生皆言其為寄生之屬即松蘿也本草既分茯苓與兔絲為二復分兔絲與松蘿為二良由入藥之功用既殊故分晰言之詩釋文云在草曰女蘿在木曰松蘿亦坤後世所稱而晰其名爾其實二物同為寄生無妨同名故唐蘇恭本草註謂本草兔絲無女蘿之名疑為脫漏是也陸璣謂女蘿蔓連草上不同於松蘿之蔓松上然詩明言女蘿施于松柏豈得違背經文改從新說乎抱朴子亦云菟絲之草下有伏苓之根皆女蘿即松蘿之證矣菟絲一名菟丘見廣雅註別四至唐矣○正義詩疏引絲炎云蒙唐也一名菟絲一名玉女別三名郭以為別四名者毛傳以蒙釋唐是則唐也蒙也女蘿也菟絲也合諸下文所謂玉女蓋一物而五名也詩云爰采唐矣鄒風桑中文

苗菴註未詳正義即上文所謂菴脩也詳見上

葦藪蓋註覆蓋也實似莓而小亦可食

正義葦一名藪蓋太平御覽引孫炎云青州呼葦說文缺盆二字俱不从艸陸本作藪蓋後世增加字也廣雅云缺盆陸英葦也太平御覽又引吳普本草云缺盆一名

為蓬藪是覆盆苗也後世別其種類則蓬藪蔓生有刺葉類小葵六七月之間華結實累累苗葉至冬不凋也其似蓬藪而小先開白華四五月間結實稀而小冬月苗凋者謂之覆盆案覆盆子與麥同熟故俗呼為大麥葦其實似葦而小也

及葦草註即烏頭也江東呼為葦音斬

正義葦一名葦草晉語云置葦於肉詩疏引賈

達註云葦烏頭也葦草又名烏象燕策云人之饑所以不食鳥喙者以為雖偷充腹而與死同患也又謂之和葦淮南說林訓云蝮蛇整人傳以和葦則愈物固有重為害反為利者又謂之奚毒主術訓云天下之物莫凶於奚毒然而長醫橐而藏之有所用也高誘註奚毒烏頭也註即烏至音斬○正義吳普本草云烏頭形如烏之頭也有一岐相合似烏之喙蘇恭以為烏喙即烏頭異名也案本草附子之母亦名烏頭故呼葦草為土附子亦曰野烏頭郭云江東呼為葦音斬者所以別於上文之苦葦也苦葦之葦音謹迺所謂葦茶如節也監本脫音斬二字今從宋本增補釋文引本草蒟藿一名葦草一名芟非郭義也

藏百足註未詳

正義說文以藏為山韭此云百足蓋異種而同名也

是焉經解 卷五十七 邵編修爾雅正義

荷戎葵註今蜀葵也似葵華如木槿華正義荷一名戎葵此葵

能衛其足急就篇註葵衛足之榮傾葉而蔽日者也淮南說

林訓云聖人之業道猶葵之與日也雖不能與終始其鄉之

誠也註今蜀至槿華正義戎葵今謂之蜀葵戎蜀皆言其

大也釋註云戎大也釋畜云雞大者蜀是蜀亦為大而說木

草者便謂此草從蜀中來鑿矣今蜀葵四月後

華莖特高大其華似木槿而大俗謂之丈紅花

繫狗毒註樊光云俗語苦如繫正義繫一名狗毒說文繫傳以

註云與防葵同根但置水中沈者是狼毒浮者是防葵圖經

云狼毒苗葉似商陸及大黃莖葉上有毛四月開花八月結

實

垂比葉註未詳

覆盜庚註旋覆似菊正義覆一名盜庚後世所謂旋覆花也註

草陶註云出近道下溼地似菊花而大圖經云今所在皆有

二月以後生苗多近水旁大似紅藍而無刺葉似柳莖細六

月開花如菊花上黨

而野人呼為金錢花

李麻母註苴麻盛子者正義麻母一名苴即麻之孚甲所以

文作苴麻母今從陸麻實者也上文云廣泉實詳見上文說

本作苴監本誤作苴

胞九葉註今江東有草五葉共叢生一莖俗因名為五葉即此

類也正義釋文引舍人云胞九葉九枝共一莖樊光本作駁

形狀故舉類釋云駁一名九葉註今江至類也正義郭氏未說胞

以曉人也

藐苳草註可以染紫一名苳莫廣雅云正義藐一名苳草鄭註

染草之屬說文繫傳云史儀制多言緌緩即此艸所染也註

可以至雅云正義此即後世所謂紫草也廣雅云苳莫紫

倚商活脫註即離南也正義即通脫

木也詳見上

藏黃蔞註藏草葉似酸漿華小而白中心黃江東以作菹食正義

職一名黃蔞夏小正云二月采職職草也職與職通職草可食之菜故古者以紀候焉註職草至菹食正義顏氏家訓云江南有苦菜葉似酸漿花或紫或白子大如珠或紫或黑即爾雅職黃蔞今河北謂之龍葵本草陶註云益州有苦菜乃是苦職唐本註云苦職即龍葵也俗亦名苦菜非茶也龍葵所在有之葉圓花白子若牛李子生青熟黑但堪煮食不任生

藹車芑輿註藹車香草見離騷正義藹車一名芑輿太平御覽引廣志云藹車香味辛生彭城高數尺黃葉白華齊民要術云凡樹木蟲蛙者煎此香冷淋之即辟也註見離騷正義離騷云畦留夷與揭車兮王逸註云揭車亦芳草一名芑輿

權黃華註今謂牛芸草為黃華華黃葉似菝葜正義權一名黃小正云正月采芸為廟薦也二月榮芸月令云仲冬之月芸始生鄭註芸香草也權與芸相似而香氣過之註今謂至菝葜正義說文云芸艸也似目宿是芸木似菝葜權一名牛芸亦與菝葜相似也羅願云芸謂之芸蒿似邪蒿而香可食其莖幹婀娜可愛世人種之中庭案牛芸亦種之階下王氏談錄所謂草如首落摘之香烈於芸也

萌春草註一名芒草本草云

正義本草衍義引孫炎云藥草也俗呼為茵草中山經云朝歌之山

有莽草焉可以毒魚郭氏彼註今用之殺魚註一名至草云正義本草有莽草別錄云一名薺一名春草陶註云處處皆有葉青辛烈者良又用搗以和陳粟米粉納水中魚吞即死浮出是莽草一名春草亦作茵草郭云芒草所見本異也或云本草白微一名春草此言白微非莽草也

葵葵露註承露也大莖小葉華紫黃色

正義葵葵一名葵露葵類之可食者後世

所謂藤菜也註承露至黃色正義本草陶註云落葵一名承露蓋以其葉能承露故謂之葵露矣註本註云蔓生葉圓厚如杏葉子似五味子生青熟黑處處有之齊民要術引郭註多實可食三字案今藤菜以五月種嫩苗可食五月蔓延其葉可作蔬未聞食其實者檢諸本郭註俱無此三字

葇葇註五味也蔓生子叢在莖頭

正義葇一名葇葇說文云葇葇也葇葇也即廣雅

所云會及五味也太平御覽引吳普本草云五味一名元及註五味至莖頭正義陶註本草云其核似猪腎唐本註云五味皮肉甘酸核中辛苦都有鹹味此則五味具也圖經云春初生苗引赤蔓於高木共長六七尺葉小圓似杏葉三四

月開黃白花類小蓮花七月成實如豌豆
許大生青熟紅紫今有數種大抵相近

漆委葉註詩云以漆萎蓼

正義詩疏引舍人云漆一名委葉釋
文本作茶孔穎達云茶亦穢草非若

菜也王肅云茶陸穢謂委葉也註詩云至漆蓼○正義周頌
良耜文詩疏謂某氏引此詩郭註與某氏同也今毛詩作以
蓼茶蓼說文引詩作蓼蓼
茶蓼蓼亦蓼拔去田草也

皇守田註似燕麥子如彫胡米可食生廢田中一名守氣

正義此稗
草之類也皇一名守田羅願云苽米可為飯生水田中苗子
似小麥而小四月熟久食不飢爾雅所謂皇守田也註似燕
麥守氣○正義郭氏舉類以膳人燕麥即雀麥彫胡即蓬蔬
之米所謂菰米也詳見上文一名守氣者所以廣異名急就
篇註云半夏亦名守田
物之同名而殊實者也

鉤藤姑註鉤瓠也一名王瓜實如瓠瓜正赤味苦

正義鉤一名
藤始廣雅云

藤姑瓠瓠王瓜也月令四月王瓜生如高誘註則常為上文
之梧樓張揖則以為藤姑先儒迄無定論疑未能決也註鉤
瓠至味苦○正義郭註本廣雅兼采本草為義也本草云王
瓜一名土瓜陶註云土瓜生籬院間子熟時赤如彈丸唐本

註云四月生苗延蔓葉似梧樓葉但無叉缺有毛刺五月
開黃花花下結子如彈丸生青熟赤根似葛而細多糝

望藥車註可以為索長丈餘

正義望一名藥車藥當作藥玉篇
云藥渠列切類篇云草名陸本作

藥今爾雅本仍有作藥者註可以至文餘○正義今田野間
有草長而堅韌野人刈以為繩索俗謂之芒草芒望聲近而
轉也

因被祿註未詳

正義祿今本作絳釋文云本
今作絳廣韻引爾雅作被祿

櫻烏階註即烏把也子連相著狀如把齒可以染阜

正義櫻一
名烏階染

草之屬也註即烏至染阜○正義舊疏云俗謂之狼把是也
案陳藏器本草云狼把草生山道旁與秋穗子並可染阜

杜土鹵註杜衡也似葵而香

正義杜一
名土鹵離騷云雜杜衡
與芳芷杜衡即後世所謂馬蹄香

也圖經本草云江淮間皆有之春初於宿根上生苗高二三
寸莖如麥蒿每窠上有五六葉或八九葉別無枝蔓貼地生
紫花暗結實如豆中有碎子苗葉俱青註似葵而香○正義
釋文引本草云杜衡味辛香人衣體陶註云根葉都似細辛
唯氣小異耳本草經又有杜若一名杜衡陶註云葉似薑根
似高良薑而細氣味辛香又絕似旋覆根殆欲相亂如陶之

言二種並不似葵或恐郭誤耳案文選子虛賦註引張揖云杜衡其狀若葵其臭如蘼蕪是張揖與郭氏同也史記索隱引博物志云一名土杏其根一似細辛葉似葵是杜衡根似細辛而葉似葵郭註不誤也土杏疑即土齒傳寫之訛陸氏欲合杜衡杜若為一種然本草分見不得牽合為一廣雅以杜衡即楚衡是矣

盱眙牀

註蛇牀也一名馬牀廣雅云正義盱一名虺牀淮南王

上文本草云蛇牀子一名蛇菜別錄云一名蛇粟一名虺牀一名思鹽一名繩毒一名藜棘一名牆藜陶註云近道田野墟落閒甚多花葉正似蘼蕪圖經云三月生苗高三二尺葉青碎作叢似蒿枝每枝上有花百餘結同一窠似馬芹類四五月開白花又如散米註蛇牀至雅云○

赤芍藥

註未聞案玉篇云芍藥子菜而蔓纒亦名滋菜是一物也

菟奚

穎凍註款冬也紫赤華生水巾正義菟奚一名穎凍廣雅

冬一名橐吾案急就篇云款冬只母薑狼牙顏師古註云款東即款冬也亦曰款凍以其法浸即冰而生故為此名也一

名免奚亦曰穎凍急就篇又云半夏阜茨艾橐吾註云橐吾似款冬而腹中有絲生陸地華黃色一名獸須是款冬與橐吾為二物矣款冬以冬月華故楚詞九懷云款冬而生兮彫彼葉柯言款冬獨生而百卉俱彫也水經註又引述征記云浴水至歲末凝厲則款冬茂悅會冰之中註紫赤至水中○正義藝文類聚引吳普本草云款冬十二月花黃色陶註本草亦云形如宿蓐未舒者其腹裏有絲其花乃似大菊花所說花色俱與郭異唐本註云葉似葵而大叢生花出根下此迺郭氏所謂紫赤華者也圖經欲兩存共說謂款冬有二種一種葉似草蓐而花初出如菊花者一種葉如荷而紅花者據顏師古急就篇註則紫赤華者為款冬其黃華而腹中有絲者乃橐吾而非款冬也郭氏讚云吹萬不同陽煦陰蒸款冬之生擢穎堅冰物體所安焉知渙凝

中植茵

註地蓐也似蓋今江東名為土茵亦曰植廚可啖之小

者茵

註大小異名正義茵之大者名中植其小者名茵說文

草多生田野間中植之名蓋因其生之地矣說文又云草桑黃繫傳云草多生桑楮之上也今人食草以生槐樹者為良樹上之草皆小者也莊子云朝菌不知晦朔崔謨云糞上芝朝生暮死晦者不及朔朔者不及晦此指土茵而言也註地

葶至啖之。正義說文繫傳云地葶似釘蓋者名菌物類相感志引孫炎云聞雷即生俗呼地苗白如脂可食亦各地葶北丁廝厨江東人今呼土菌可食者是郭註所本也北丁廝厨疑當從郭註作亦曰廝厨釋文引舍人本作中鳩云菟葵名類陳穎陳名中鳩案蔡冬無中鳩之名而地葶亦名廝厨則不得以中廝上屬郭氏所不取也舉經音義引郭註名為土菌作呼

葶小葉註未聞

正義釋文云葶木或作葶說文云葶麻蒸也管子地員篇謂麻之細者如蒸細即小也葶為小

葉之麻所以別於山麻也

茗陵茗註一名陵時本草云黃華蓐白華芡註茗華色異名亦

不同 正義詩疏引舍人云茗陵茗也黃華名蓐白華名芡別華色之名也齊民要術引孫炎云茗華色異名者小雅云茗之華毛傳云茗陵茗也謂之陵茗所以別於陳風之旨茗也疏引陸璣疏云一名鼠尾生下涇水中七八月中華紫似今紫草華可染皂煮以沐髮即黑如陸璣所言即上文勤鼠尾可以染皂者也鼠尾與陵茗自為二物陸氏特以其華色相似而混言之然鼠尾草惟有紫赤一種絕無黃華白華者其不得為陵茗明矣徐鍇繫傳謂陵茗即凌霄是也本草

有紫葳唐本註謂之凌霄蔓生依大木久延至顛鄭箋謂陵茗之華紫赤而繁今凌霄以夏秋之間華厥色紫赤一枝綴華十餘誠為繁矣葉銳而深青詩所謂其葉青青也至云其黃矣汎言花之黃萎不指黃華而言黃華者名蓐今凌霄之緒黃色者也白華者名芡唐本註謂山中亦有白花者也註一名至草云。正義太平御覽引吳普本草云紫葳一名武威一名瞿麥一名陵居腹一名鬼目一名芡草不言其名陵時詩疏引某氏曰本草云陵時一名芡史記趙世家云顏若茗所見本異也。茗華至不同。正義史記趙世家云顏若茗之華集解引基母遠云陵茗之華其華紫今凌霄花皆紫赤色黃華白華色之異者耳說文云葶茗之黃華也艸之白華為芡是芡為統名陵茗之白華亦名芡也

蘼從水生註生於水中

正義釋文云蘼草生江水中是水草之屬也

薇垂水註生於水邊

正義召南草蟲云言采其薇毛傳薇菜也疏引陸璣疏云山菜也葶葉皆似小豆蔓

生其味亦如小豆藿可作羹亦可生食今官園種之以供宗廟祭祀小雅言薇亦作止薇亦柔止薇亦剛止遣戍者有先後輩故薇之生者漸茂而且堅也古者用以芼羹公食大夫禮所謂豕薇矣薇一名垂水而陸璣以為山菜者小雅言山有蕨薇逸詩言登彼西山兮采其薇矣故以為山菜然水澤間亦有之各隨所見而名之也註生於水邊。正義釋文引

顧野王云水濱生故曰垂水太平御覽引廣志云薇葉似萍可蒸食徐鍇繫傳云薇似大萍陳藏器本草云薇生水旁葉似萍皆以薇為水草也案說文云薇菜也似藿則高原下際皆有之不定為水菜也蜀人謂之巢菜今呼野豌豆

薛山麻註似人家麻生山中正義麻之生於山者異其名也

莽數節註竹類也節間促桃枝四寸有節註今桃枝節間相去

多四寸鄰堅中註竹類也其中實箇筴中註言其中空竹類

仲無筴註亦竹類未詳筴箭萌註萌筴屬也周禮曰筴菹雁

醢篠蒻註別二名正義上文云筴竹萌筴竹此又別其種類與其異名也○莽數節○說文云節竹約

也竹節之促數者名莽今小竹編地而生其節密促蓋以其雜於叢莽故謂之莽矣俗呼為馬鞭竹○桃枝四寸有節○

竹節之疎有至四寸者名桃枝春官司凡筴云加次席繡純鄭註云次席桃枝席有次列成文賈疏云鄭見漢世以桃枝竹為席次第行列成其文章故言之也案後世以桃枝竹為

筴謂之桃筴吳都賦註云桃筴桃枝筴也又可作杖魏都賦註云桃枝竹屬可為杖○鄰堅中○竹類有中實者名鄰本亦作籜齊民要術引字林云籜竹實中玉籜與字林同○籜

筴中○竹類之中空者名籜說文云筴折竹筴也籜竹膚也繫傳云籜竹青也案竹膚色青其中節則色白籜中空無節故表裏之色如一○仲無筴○特生之竹無行列者名仲說文云筴竹列也凡竹皆有行列唯特生者無行列耳春官樂師云孤竹之管後鄭云孤竹竹特生者釋樂云大籜謂之產其中者謂之仲籜為竹管三孔蓋以孤生之竹為之故有仲之名也○筴箭萌○說文云筴竹萌也竹類至多故箭類亦夥上文云筴竹萌是筴為總名箭為小竹筴為小竹之筴也○籜箭○籜一名箭說文云籜箭屬小竹也禹貢云籜箭既敷釋地云有會稽之竹箭焉戴凱之竹譜云箭竹高者不過一丈節間三尺堅勁中矢江南諸山皆有之會稽所生最精好註今桃至四寸○正義郭言桃枝之節四寸者為多耳竹譜云桃枝竹皮赤編之滑勁可以為席余之所見節短者不兼寸長者或踰尺豫章編有之想爾雅所載草族自別有桃枝不必是竹郭註取之誤也案郭言多四寸正以其不限於四寸耳桃枝生地不同故長短不一戴氏僅據豫章所見遂疑桃枝非竹何所見之不廣也桂海虞衡志云桃枝竹多生石上葉如小棕櫚以大者為杖○竹類至中實○正義廣韻云筴竹名實中是籜又名筴也元和郡縣志亦云邛來山竹高節實中可為杖眾經音義引郭註云籜竹名其中堅可以為杖○周禮至雁醢○正義天官醢人加豆之實落菹雁醢筴菹魚醢後鄭云落箭萌筴竹萌賈疏云萌者謂新生者也

見今皆為菹釋文云落爾雅作筵同。別二名。○正義箭本小竹之名因其可用為矢故謂矢為箭說文云筱可為矢箭矢也又謂之箭籥禹貢云惟箭籥淮南兵畧訓云淇衛箭籥高誘註云淇衛箭籥之所出

枹霍晉素華軌醜註皆未詳正義枹通作苞如詩苞有三葉玉篇引作枹有三柄是也說文云苞艸也南陽以為麤履廣韻云素華一名軌醜其形狀未詳

芟夫王註芟草生海邊似莞蘭今南方越人采以為席正義芟一名夫王釋文云今南人以芟草作席呼為芟音杜註芟草至為席一名江離子似莞生海邊可為席○正義陳藏器本草云芟芟一名江離子似莞生海邊可為席席廣韻亦云似莞生海邊可為席與郭註同監本無方字今從宋本

藁月爾註即紫藁也似蕨可食正義藁一名月爾齊民要術引詩義疏云藁菜也葉狹長二尺食之微苦即今莫菜也詩曰彼汾沮洳言采其莫案藁釋文本作基與義疏同說文作藁月爾也則作藁者是也詩疏引陸璣疏云莫莖大如箸赤節節一葉似柳葉厚而長有毛刺今人纜以取蒲緒其味酢而滑始生可以為羹又可生食五方通謂之酸迷冀州人謂之乾絳河汾之間謂之莫註即紫至可食○正義紫藁為蕨之別種李時珍謂紫藁其似蕨有花而味苦謂之迷蕨初生亦可食即月爾也

葳馬藍註今大葉冬藍也正義染草名馬藍一名葳夏小正云五月啓灌藍蓼啓者別也陶而疏之也灌者聚生者也記時也月令云仲夏令民毋艾藍以染此言藍草至仲夏始可分別其叢使之稀散故不欲遽刈之也小雅采綠云終朝采藍鄭註地官以藍蒨象斗為染草之屬註今大至藍也○正義說文云葳馬藍也藍染青艸也藍草所以染青故荀子云青出於藍子虛賦云高燥則生葳蒨即馬藍也馬藍與寒漿同名葳而實異史記索隱引為一草非也

姚莖涂薺註未詳

芑地黃註一名地鼈江東呼芑正義芑一名地黃公食大夫禮記云劓芑牛藿羊苦豕薇鄭註云今文苦為芑是古者用以芑羹矣淮南覽冥訓云地黃主屬骨而甘草主生肉之藥也註一名至呼芑○正義廣雅云地鼈地黃也本草去地黃一名地鼈一名芑一名芑陶註云有子實如小麥圖經云二月生葉似車前高者及尺餘低者三四寸花紅紫色亦有黃花者其實作房如連翹子甚細而沙褐色

正義廣雅云地黃一名地鼈江東呼芑

蒙玉女註蒙即唐也女蘿別名正義說文云蒙玉女也繫傳云即女蘿也詳見上文

拔龍葛註似葛蔓生有節江東呼為龍尾亦謂之虎葛細葉赤

莖正義拔一名龍葛本草陶註云五葉莓一名龍草蔓生龍援間作藤唐本作烏蘇莓註云蔓生平澤葉似白蘇註似葛至赤莖正義此葛之別類所在有之蔓引而長故江東呼為龍尾莖端五葉分張又似瓜矣藤柔而有稜亦謂之虎葛也其莖赤色俗又謂之赤葛

蕝牡茅註白茅屬正義經傳多言白茅此別其類之異者也詩充祭祀縮酒用之案茅與菅相似故詩言露彼菅茅茅之香者與蕭相近天官甸師所謂祭祀共蕭茅也牡茅一名蕝舊疏以為茅之疏以爲茅之不實者也

蔡耳苓耳註廣雅云泉耳也亦云胡泉江東呼為常泉或云苓

耳形似鼠耳叢生如盤正義卷耳一名苓耳周南云采采卷耳不盈頃筐荀子解蔽篇云頃筐易

滿也卷耳易得也然而不可以貳周行毛傳云卷耳苓耳也頃筐易盈之器也蓋本荀子為訓淮南覽冥訓云位賤尚泉

高誘註云尚主也菜泉耳菜名也幽冀謂之檀菜雜下謂之胡泉主是官者至微賤也案卷耳可食之菜故詩人采之此篇言能官人故淮南以尚泉為官蓋釋詩者相傳之舊說也卷耳一名蕝離騷云蒼葢施以盈室兮葢以其實多刺故惡之比諸蒺藜之類義各有取爾九思云泉耳今充房猶離騷志也註廣雅至如盤正義廣雅云苓耳施常泉胡泉泉耳也詩疏引陸璣疏云葉青白色似胡荽白華細莖蔓生可煮為茹滑而少味四月中生子如婦人耳中瑞今或謂之耳瑞幽州人謂之爵耳是也案今人呼為常思菜即常泉之訛爾郭又引或說者說文繫傳云菌屬生朽潤木根此即所謂叢生如盤者存異說也

蕝註廣雅云紫蕝非也初生無葉可食江西謂之蕝正義召南云言

采其蕝疏引舍人云蕝一名蕝齊民要術引陸璣疏云蕝山菜也初生似蒜莖紫黑色二月中高八九寸先有葉淪為茹滑美如葵今隴西天水人及此時而乾收秋冬嘗之又云以進御三月中其端散為三枝枝有數葉葉似青蒿而麤堅長不可食周秦曰蕝齊魯曰蕝註廣雅至之蕝正義廣雅云此蕝蕝也蓋以紫蕝似蕝故誤合為一也初生無葉者詩釋文云俗云初生似龍脚故名焉

蕎苳鉅註今藥草大戟也本草云

正義蕎一名叩鉅淮南繆稱訓云大戟去水即叩鉅也註

今藥至草云○正義本草云大戟一名叩鉅陶註云近道處處有之蜀本註云似甘遂而高大葉有白汁花黃根似細苦參

繁由胡註未詳

正義夏小正云繁由胡山胡者繁母也即上文蟠蒿詳見上

苾杜榮註今芒草似茅皮可以為繩索履屨也

正義太平御覽引雜字解詁云

芸杜榮是苾木或作苾夏小正所謂二月采芸也今本作苾釋文云本亦作芒陳藏器本草云芒今東人多以為箔又云石芒生高山如芒而節短江東呼為折草案上文云勤鼠尾望葉車此皆其類也

根童梁註根莠類也

正義詩疏引舍人云根一名童梁說文云

作根曹風下泉云浸彼苞根毛傳云根童梁疏引陸璣疏云禾秀為稔而不成則稊然謂之童梁今人謂之宿田翁或謂之守田也大田云不稔不莠外傳云馬餽不過根莠皆是也案陸璣所說與許叔重同根為穀之有稔而無米者南方農諺謂之扁子稊瘠之地與夫雨暘之不時人事之不齊禾不能成實則為根豐年則無之大田之詩所以言不稔也農家

獲稻則簸而揚之以去其根然根雖無米亦稍有米皮今南方用以飼鷲又以飼馬魯語所謂馬餽不過根莠也至於下

泉之詩則舉童梁之得水而病以見嘉禾之不殖并及蕭著以見庶草之盡卒章言黍苗之盛陰雨之膏嘉穀自無根莠此詩人追思盛治所由寤歎而不能忘也陸疏謂根或謂之守田此與上文皇守田同名而異實註根莠類也○正義說文繫傳引郭註云莠類也今本註中根字疑衍文莠者說文云禾粟下揚生莠詩疏引鄭志章擢問云甫田維莠今何草答曰今之狗尾也章昭魯語註云莠草似稷而無實今狗尾草所在有之狀誠似稷而不結實與根之不實者同其稔內有米皮亦與根同故郭氏以根為莠類不言其似根也羅願誤以為其形相似遂以為即土文之孟狼尾然狼尾草有子可作黍食則與童梁之不實者殊類即與莠之不實者殊類不得求其形似陸合為一也

蔗蔗註蔗即莓也今江東呼為蔗莓子似覆盆而大赤酢甜可

啖正義蔗一名蔗上文云前山莓此為草之相似而小者也其子可食後世謂之蔗莓矣又蒯屬之草亦名蔗可以為履禮傳謂之疏屨又可為席與此異註蔗即至可啖○正義

說文繫傳引爾雅舊註云蔗即莓子似覆盆華紫俗名蠶莓可食又有蛇莓黃華子小異食之傷人

的藪註卽蓮實正義上文釋荷云其實蓮其中的的又名藪也

購蔞蔞註蔞蔞蔞蔞也生下出初出可啖江東用羹魚正義詩疏引舍

八云購一名蔞蔞說文云蔞艸也可以音魚繫傳云今人所食蔞蔞也周南漢廣云翹翹錯薪言刈其蔞毛傳云蔞草中之翹翹然疏引陸璣疏云其葉似艾白色長數寸高丈餘好生水邊及澤中正月根芽生旁莖正白生食之香而脆美其葉又可蒸爲茹註蔞蔞蔞蔞也○正義楚辭大招云吳酸蔞蔞不沾薄只王逸註云蔞蔞草也蔞香草也是蔞可以爲羹

詩釋文引馬融云蔞蔞蔞蔞也與郭註同釋文又引郭云似艾蓋郭氏音義之交

蒟蒻註一名石芸本草云正義蒟一名蒟蒻卽石芸也本草別錄云石芸味甘一名蒟蒻一名

顧喙范子計然云石芸出三輔

蔓繞蕪菟註今遠志也似麻黃赤華葉銳而黃其上謂之小草

廣雅云正義蔓繞一名棘菟說文云菟棘菟也繫傳謂卽遠志非也註今遠至雅云○正義本草云遠志一名棘菟一名

蔓繞一名細草陶註云狀似麻黃而青圖經云遠志生泰山及宛句山谷今河陝京西州郡亦有之根黃色形如蒿根苗

名小草似麻黃而青亦有似大青而小者三月開花白色根長及一尺泗州出者花紅根葉俱大於它處商州出者根又

黑色廣雅云蕪菟遠志也其上謂之小草

策刺註草刺針也關西謂之刺燕北朝鮮之間曰策見方言正義

策一名刺說文云策刺也刺策也繫傳引爾雅舊註云卽草木之刺也註草刺至方言○正義以草之刺爲刺針今俗語

猶然以其狀如針也方言云凡草木刺人比燕朝鮮之間謂之策或謂之壯自關而東或謂之梗或謂之刺自關而西謂

之刺江湖之間謂之棘廣雅云策刺箴也

蕭菽註卽蒿正義詩疏引李巡云菽一名蕭天官甸師云祭祀

蕭祭脂郊特牲云蕭合黍稷臭陽達於牆屋故旣薦然後燒

也樂以脂合黍稷燒之生民詩疏云宗廟之祭以香蒿合黍

稷燒此香蒿以合其馨香之氣是蕭爲蒿之香者也義監本

誤作菽唐石經作菽釋文菽音秋今改正註卽蒿○正義詩疏引陸璣疏云今人所謂菽蒿也或云牛尾蒿似白蒿白葉

莖龕科生多者數十莖可作燻有香氣故祭祀以脂蒸之為香許慎以為艾蒿非也案春官鬱人疏引王度記云士以蕭庶人以艾白虎通義亦引之是蕭與艾定為二物也蕭艾皆香草而離騷云何昔日之芳草今直為此蕭艾也蓋蕭可以蒸艾可以灸古之長育羣材者芳草各有其用而采蕭采艾亦各以其時今不辨其為芳草而與蕭艾並見燒薙故騷人歎之說楚辭者不達其意以蕭艾為惡草誤矣管子地員篇云莽下於蕭蕭下於薜薜庶草者固各有其等差也

薄亦作薄一名海藻據本草是一物也郭氏以葉似薙葉狀如亂髮分解之註藥草至草云○正義本草云海藻一名落首一名薄陶註云生海島上黑色如亂髮而大少許葉大都似藻葉郭氏江賦云綠苔髮影手研上李善註引南越志云海藻一名海苔生研石上風土記云石髮水苔也青綠色皆生於石

莫楚鈔芒註今羊桃也或曰鬼桃葉似桃華白子如小麥亦似桃正義詩疏引舍人云莫楚一名鈔芒說文云莫楚鈔芒羊桃也檜風云隰有莫楚猗儻其枝鄭箋云鈔芒之性始生正直及其長大則其枝猗儻而柔順不妄蔓草木疏引陸璣疏云今羊桃是也葉長而狹華紫赤色其枝莖弱過一尺引蔓於草上今人以為汲灌重而善沒不如楊柳也近下根切其皮著熱灰中脫之可韜筆管註今羊至似桃○正義唐雅云鬼桃鈔芒羊桃也本草云羊桃一名鬼桃一名羊腸別錄云一名莫楚一名御弋一名鈔芒陶註云山野多有甚似家桃又非山桃子小細不堪噉花甚赤楚詞七諫云斬伐橘柚兮列樹苦桃王逸註橘柚美木苦桃苦木洪興祖補註引本草云羊桃味苦是因其味苦故謂之苦桃列於木類據圖經云羊桃苗長弱即蔓生不能為樹也

當或云蕭似地黃正義蕭與蒼通一名大苦擲風簡兮云隰有蒼唐風云采苓采苓毛傳俱云苓大苦即今藥草之甘草也說文云苕苕也廣雅云美丹丹甘草也註今甘至地黃○正義詩疏引孫炎曰本草云蕭今甘草是也蔓延生葉似荷青黃其莖亦有節節有枝相當或云蕭似地黃郭註本於孫炎也說文繫傳引爾雅註云即甘草也蔓延生葉似荷青黃莖亦有節枝相值葉葉相當與今本字句微異案本草云甘草味甘平別錄云一名蜜甘一名美草一名蜜草一名落草圖經云春生青莖高一二尺葉如槐葉七月開紫花似柰冬結實作角子如葇豆根長者三四尺麤細不定皮赤上有橫

梁上下皆細根也

蕭大苦註今甘草也蔓延生葉似荷青黃莖亦有節節有枝相當或云蕭似地黃

正義蕭與蒼通一名大苦擲風簡兮云隰有蒼唐風云采苓采苓毛傳俱云苓大苦即今藥草之甘草也說文云苕苕也廣雅云美丹丹甘草也註今甘至地黃○正義詩疏引孫炎曰本草云蕭今甘草是也蔓延生葉似荷青黃其莖亦有節節有枝相當或云蕭似地黃郭註本於孫炎也說文繫傳引爾雅註云即甘草也蔓延生葉似荷青黃莖亦有節枝相值葉葉相當與今本字句微異案本草云甘草味甘平別錄云一名蜜甘一名美草一名蜜草一名落草圖經云春生青莖高一二尺葉如槐葉七月開紫花似柰冬結實作角子如葇豆根長者三四尺麤細不定皮赤上有橫

芣苢馬舄馬舄車前註今車前草大葉長穗好生道邊江東呼

為蝦蟆衣正義芣苢一名馬舄一名車前別三名也周南云

車前一名當道富在牛跡中生故曰車前當道也今藥中車

前子是也幽州人謂之牛舌草可嚮作茹大滑其子治婦人

難產案車前易識之草而向來釋詩者多異說有以為似李

之木者詩釋文云山海經及周書王會皆云芣苢木也實似

李食之宜子出於西戎衛氏傳及許慎並同此王肅亦同詩

疏引王基駁云王會所記雜物奇獸皆四夷遠國各貢土地

異物以為貢贄非周南婦人所得采是芣苢為馬舄之草非

西戎之木也有分芣苢車前為二物者詩釋文引韓詩云直

曰車前瞿曰芣苢今車前即芣苢無瞿直之分以為二物者

非也有以芣苢臭惡之草詩人傷其君子有惡疾人道不通求

澤瀉也芣苢臭惡之草詩人傷其君子有惡疾人道不通求

已不得發憤而作以事興芣苢雖臭惡乎我猶采采而不已

者以與君子雖有惡疾我猶守而不離去也此據韓詩序芣

苢傷夫有惡疾也而演成其說然澤瀉即上文之瀦鳥芣苢

自為車前爾雅分釋之不得牽合為一是以芣苢為澤瀉者

非也準諸雅訓惟毛傳為得其實矣註今車至蟆衣正義

莊子至樂篇鼃蟻之衣生於陵屯則為陵舄司馬彪云物根

在水上際布在水中就水上視不見抄之可得楚人謂之鼃

蟻之衣屯阜也物因水成而陸產生於陸屯化作車前改名

陵舄也是以車前為水草所化也然今車前生於春初未聞

有化生者本草云車前一一名當道別錄云一名芣苢一名

綸似綸組似組東海有之註綸今有秩嗇夫所帶糾青絲綸組

綸也海中草生彩理有象之者因以名云帛似帛布似布華

山有之註草葉有象布帛者因以名云生華山中正義此釋

物者因以為名也綸似綸組似組東海有之者太平御覽引

吳普本草云綸布一名昆布陶註云今惟出高麗繩把索之

如卷麻作黃黑色柔韌可食爾雅云綸似綸組似組東海有

之今青苔紫菜皆似綸昆布亦似組恐即是也案綸組即

今紫菜之類吳都賦云綸組紫絳郭氏江賦云青綸競糾縟

組爭映齊民要術云吳都海濱諸山悉生紫菜是也帛似帛

皇清經解

卷五十二 邵編修爾雅正義

皇

之遞轉也芳者葦類之秀又謂之焱又謂之蘆皆聲轉也廣韻云蘆葦葦秀

葦醜芳註其類皆有芳秀

正義此釋上文芳為葦之類也說文云芳葦華也繫傳云芳者抽條搖遠

生芻而無芻芻也今人取之以為帚曰若帚是也說文又云芻芻也是葦之類也

葦華註即今蘆也葦華註似適而細高數尺江東呼為蘆適音

廉葦蘆註葦也葦蘆註似葦而小實中江東呼為烏蘆音正

其萌蘆註今江東呼蘆筍為蘆然則葦葦之類其初生者皆

名蘆音繼繼正義曲禮述殷制天子之六工其一曰草工鄭註以為作葦葦之屬周官大司徒土會之法所

謂叢物也葦葦之為用至廣故爾雅釋之特詳釋言云葦蘆也葦蘆也皆指葦而言此又兼葦而釋之也葦葦二物易致

相混詩疏引李巡註云蘆蘆共為一草是不辨蘆之為葦蘆之為葦二者不可相混矣夏小正云葦未秀為葦葦未秀為蘆

蘆七月毛傳云蘆為葦葦為蘆孔穎達云此二草初生者為葦長大者為蘆成則為葦初生為葦長大為蘆成則名為葦

孫炎以蘆蘆為二草是也○葦華○詩疏引舍人云葦一名華樊光引詩云彼茁者葦李巡云葦初生騶虞鄭箋亦以為

記蘆始生時也○葦蘆○葦一名蘆說文云葦葦之未秀者秦風云蒹葭蒼蒼毛傳用爾雅疏引陸璣疏云蒹葦水葦也堅

實牛食之令牛肥彌青徐州人謂之蒹兗州遼東通語也○葦蘆○葦一名蘆此申釋上文所謂葦華也淮南修務訓云

未秀曰蘆已秀曰葦倣真訓云蘆葦之厚高誘註云葦蘆中白○葦蘆○葦一名蘆此申釋上文所謂葦蘆也說文云葦

蘆之初生一曰蘆一曰蘆蘆或作葦衛風碩人云葦蒹揭樹毛傳用爾雅疏引陸璣疏云蘆或謂之葦至秋堅成則謂之

葦其初生二月申其心挺出其下木大如箸上銳而細揚州人謂之馬尾○其萌蘆○說文云萌蘆芽也又云葦蘆諭讀

若萌蘆諭為草之萌生者則下文諭字當上屬與郭讀異也註似適至音蘆○正義監本作似適今從之說文繫傳云江之西岸

者不當云似葦宋本作似適今從之說文繫傳云江之西岸多有之今人以葦蘆疑因此孔廉也江東呼為蘆蘆監本

無蘆字今從宋本郭註子虛賦作江東人呼為蘆蘆疑傳寫之訛○葦也○正義詩疏引李巡去分別葦類之異名也郭

以蘆即為葦與李巡異○似葦至音止○正義詩疏引樊光云葦初生蔥騁色海濱曰蘆鄭註玉藻云葦蒹也釋文引

郭氏云即烏蘆也取其苗為帚監本無音正二字今從宋本增補上同○今江至繼繼○正義郭意以蘆之芽為蘆而葦

之芽亦得名蘆也音繼繼者猶云音繼繼之繼

菡萏華榮註釋言云華皇也今俗呼草木華初生者為芽音

猶豬菡猶敷菡亦華之貌所未聞正義說文云芽艸之皇榮也菡榮也菡通作敷說卦

傳王肅本云震為敷六書故引王肅註云華之通名鋪為華

貌謂之敷是菡萏華榮五字轉相訓也正義郭氏釋言註引此文互相證明也并讀如猶豬之猶菡

猶敷菡者劉逵吳都賦註云敷菡華開貌李善云菡與菡同

切 卷施草拔心不死註宿莽也離騷云正義卷施草名以冬生能

越志云寧鄉草多卷施拔心不死江淮間謂之宿莽正義宿莽

至騷云正義離騷云夕擊洲之宿莽王逸註云草冬生不

死者楚人名之曰宿莽案方言去莽草也南楚曰莽是莽為

草之總名宿莽則卷施草也郭氏讚云卷施之草拔心不死

屈平嘉之諷詠以此取類雖邇與有遠旨

芟芟註今江東呼藕紹緒如指空中可啖者為芟芟即此類正義

芟一名芟說文云芟芟也芟根也芟艸根也廣韻云葉葦根

可食者曰芟是草根可食者皆得此名也註今江至此類

芟根註別二名俗呼非根為芟正義此釋芟即為根也方言云

文云芟艸根也繫傳云芟草木枯根也註別二至為芟正義

義此因非根有芟之名舉以相証也汜勝之書云陳根可拔

枯芟矣 櫻橐合註未詳正義橐合一名樓上文鳥階亦名樓郭註以為

橐合當作橐 盧即鳥階也 鄭註典藥草有橐盧疑鄭君所見本異

華芩也註今江東呼華為芩音敷華芩榮也註轉相解正義此

文華榮之異名也方言云華芩賊也齊楚之間或謂之華或

謂之芩郭氏彼註云芩亦華別名監本郭註脫音敷二字今


本 木謂之華草謂之榮不榮而實者謂之秀榮而不實者謂之英

正義詩疏引李巡云分別異名以曉人也木謂之華者夏小

正云正月梅杏桃李則華召南云華如桃李是也草謂之榮

是清經解 卷五百二十七 邵編修爾雅正義

者夏小正云二月榮莖榮芸月令云木槿榮是也不見其榮但見其實者名秀大雅生民云實發實秀孔疏云此亦對文爾其實黍稷皆先榮後實小雅出車云黍稷方華是嘉穀之秀必有榮也案華秀散言俱可通用鄭風云照有荷華月令云菊有黃華是華亦稱華夏小正云七月秀藿葦是秀為不實者也榮而不實者謂之英郭註山海經引爾雅作榮而不實謂之葍葍据別本也類篇云葍草名不實



嘉應生員張嘉洪校

學海堂

爾雅正義

餘姚邵編修晉通著

釋木第十四

正義洪範云木曰曲直曲直作酸孔疏云木生子實其味多酸五果之味雖殊其為酸一

是木實性然月令春云其味酸是也易曰本乎地者親下指植物而言凡草木之屬皆植物也至於辨其物生

則各有所宜大司徒上會之瘡云山林其植物宜阜物川澤其植物宜膏物正陵其植物宜穀物墳衍其植物

宜莢物先鄭謂植物根生之屬阜物柞栗之屬膏物謂楊柳之屬後鄭謂穀物李梅之屬莢物薺菜王棘之屬

此篇所釋凡山林川澤正陵墳衍之所植或別其異名或詳其形狀正其名然後能辨所宜也古者列樹以表

道故司徒各以其野之所宜本遂以名其社與其野後世若粉榆名社丹陽名縣猶周官之遺制矣竹木生平

地者曰林故林衡所掌有大林麓中林麓小林麓之殊此篇言槐棘桑柳椒楸桃李之醜類舉以概其餘也竹

類見釋草而此篇復云如竹箭曰苞以草之質勁者與木同性也白虎通義云木觸也陽氣動躍觸地而生也

說文云木冒也昌地而生東方之行也釋名云木冒也華葉自覆冒也木類有喬者條者棗者核者其自相覆

栲山榎註今之山楸

正義詩疏引李巡云山榎一名栲孫炎曰詩云有條有梅條栲也孫炎本秦風毛傳

為義也釋文云榎舍人本作櫟古通用亦作夏學記云夏楚二物鄭註夏栲也羅願以為榎形圓楚形方互相備也詩疏引陸璣疏云栲今山楸也亦如下田楸耳皮葉白色亦白材理好宜為車板能溼又可為棺本宜陽其北山多有之案今山楸南方山中有之其材理積堅陸璣以為耐溼者是也註今之山楸○正義下文云大而散楸小而散榎郭以栲為山楸所以別於小葉之榎也詳見下文

栲山栲註栲似栲色小白生山中因名云亦類漆樹俗語曰櫟

栲栲漆相似如正義小雅云南山有栲唐風云山有栲毛傳俱云栲山栲是栲之生於山者名栲也

詩疏引舍人云栲一名山栲陸璣疏云山栲與下田栲略無異葉似差狹耳吳人以其葉為茗方俗無名此為栲者似誤也今所云為栲者葉如櫟木皮厚數寸可為車輻或謂之栲櫟許慎正以栲讀如櫟今人言栲者失其聲耳案說文云栲山栲也繫傳引爾雅以為栲即栲也註栲似至如一○正義詩疏引郭註作色小而白說文繫傳作色小白與今本同又

詩疏引郭註多俗語曰櫟栲栲漆相似如一十一字釋文則以為方志之文也今據詩疏增補櫟者說文云栲或作櫟繫傳引字書栲木似栲圖經本草云栲木栲木形幹大抵相類但栲木實而葉香可嗽栲木疎而氣臭膳夫亦能熬去其氣北人呼栲為山栲是本草以櫟為栲也栲栲二木相似栲即栲之生山中者漆木色白葉似栲故俗語以為四木相似如也

栲栲註禮記曰櫟白以栲

正義栲一名栲說文作栲鞫也說卦傳云艮其於木也為多節虞翻云陽

剛在外故多節松柏之屬也松栲秉陽剛之性故能歲寒後彫禮器言松柏之有心蓋內具陽剛新柯葉之勁不隨時改矣魏書引尚書逸篇云東社唯栲白虎通義謂即周官所云各以土地所宜也魯頌云新甫之栲本草別錄以為生太山山谷今栲所在有之二月華九月實其葉側向生者謂之側栲註禮記至以栲○正義雜記云櫟白以栲栲以栲鄭註所

髡栲註未詳

正義說文去櫟栲木未析也栲栲木薪也栲當作栲趙策云為木材以接手狀如振栲是其狀也

楸註白楸也樹似白楊

正義楸一名栲檀弓云栲棺一鄭註云所謂栲棺也凡栲因能溼之物又

皇清經解

卷五百六

邵編修爾雅正義

庚申補刊

云棹謂地棺棹堅著之言也鄭君所見爾雅本棹作地註白
棹至白楊○正義玉篇云棹木似白楊釋文引字林云木似
白楊一名施今白楊木高大葉圓似梨面青而背白
肌細性堅用為梁椽久而不撓棹木與白楊相似也

梅柟註似杏實酢

正義梅一名柟秦風終南云有條有梅毛傳
云梅柟也眾經音義引樊光云荆州日梅揚

州日梅益州日赤椹似豫章無子也是樊光不以梅之名柟
者為似杏之梅矣詩疏引陸璣疏云梅樹皮葉似豫章豫章

葉大如牛耳一頭尖赤心華赤黃子青不可食柟葉大可三
四葉一藜木理細緻於豫樟子也者材堅子白者材脆江南

及新城上庸蜀皆多樟柟網南山與上庸新城通故亦有柟
也陸璣說與樊光略同詩釋文引沈重云孫炎稱荆州日梅

揚州日柟重實揚州人不聞名柟沈氏之意以揚州人無稱
標梅為柟者故駁正孫註嚴以樊光之說則梅柟即赤椹矣

今江南人皆稱柟木鹽鐵論云江南之柟梓竹箭是也註似
杏實酢○正義郭註山海經云柟大木葉似桑子似杏而酸則

以為柟不言其似杏實酢也玉篇云葉似桑子似杏而酸則
合郭氏兩註而連言之案說文云梅柟也可食或以為似杏

實酢之証然說文又有某字釋云酸果也是則大木之柟似
杏實酢之梅說文固分為二矣文選註又引郭璞云柟木似

水楊蓋郭氏前後分註疑未能定也今從陸璣疏
柟似豫章一名梅下文英梅為似杏之梅詳見下

被粘註粘似松生江南可以為船及棺材作柱埋之不腐

正義說文

云被粘也又云柟木也徐鉉云今俗作杉非是今杉木所在
有之圖經本草以為木類松而徑直葉附枝生是也或以被
子一名榧實永昌人呼為野杉遂分被為粘之類非雅義也
註粘似至不腐○正義說文繫傳引爾雅註云生江南可作
船又耐埤與今本互有詳略

櫟註櫟屬也子大如孟皮厚二三寸中似枳食之少味

正義說文

名櫟說文云櫟木可作牀几註櫟屬至少味○正義齊民要
術引郭註作中似枳實今本無實字櫟為櫟屬即范成大所
謂廣南臭柚大如瓜可食其皮甚厚者也

柎註似棗細葉葉新生可飼牛材中車輞關西呼柎子一名

土樞正義詩疏引舍人云柎一名櫛小雅云北山有柎唐風
云隰有柎柎之植山隰俱所宜也考工記弓人取榦之

道櫛次之後世為車輪者或用為輻之牙焉詩疏引陸璣疏
云柎櫛也葉似杏而尖白色皮正赤為木多曲少直枝葉茂

好二月中華疏華如練而細葉正白蓋樹今官園種之正名
曰萬歲既取名於億萬其葉又好故種之共汲山下人或謂

皇清經學 卷五十五 邵編修爾雅正義 庚申補刊

之牛筋或謂之楨材可謂弓弩幹也案陸氏謂楨取名於億萬蓋因小雅以栲栳與眉壽而申言其義爾註似棟至土榰材與此義同文選註引郭璞云楨似桑疑傳寫之訛

楸木瓜註實如小瓜酢可食

正義木瓜一名楸衛風云投我以

苴之禮行焉考工記弓人取幹之道木瓜次之水經註云魚復縣地多木瓜樹有子大如鰕白黃甚苦香爾雅之所謂楸也今木瓜南方所在有之產中土者為良小者如握拳註實如至可食○正義齊民要術引詩義疏云楸葉似柰葉實如小瓜上黃似著粉香欲啖者截著熱灰中令萎焉淨洗以苦酒豉汁蜜度之可案酒食密封藏百日食之甚益人故毛傳以為可食之木

椋即來註今椋材中車輞

正義椋一名即來太平御覽引爾雅舊註云椋有髓熊折而乳之本草蘇恭註云葉似柿兩葉相當子細圓如牛李子生青熟黑其木堅重煮汁赤色註今椋至車輞○正義玉篇云椋材中車輞也本郭註為義釋文引埤蒼字林並作椋云椋也玉篇亦作椋

栲栳註樹似槃檟而庫小子如細栗可食今江東亦呼為栲栗

正義栲一名栲大雅皇矣云其灌其栲毛傳用爾雅內則云芝栲菱椴孔疏引賀氏說以栲為軟棗案今軟棗不聞各栲疑賀氏以意度之耳栲即大雅之栲後世所謂栲栗矣詩疏引陸璣疏云葉如榆也木理堅韌而赤可為車輞廣韻云楚呼為芋栗或作茅栗傳寫之訛也圖經本草云茅栗細如橡子其樹雖小葉亦不殊但春生夏華秋實冬枯為異耳註樹似至栲栗○正義今栲栗有二三實作一椋者是其子細也詩釋文引舍人注江淮之間呼小栗為栲栗郭註與舍人同

櫟落註可以為椐器素

正義櫟一名落小雅大東云無浸櫟薪鄭箋櫟落木名也案說文以櫟為櫟字

之或體云櫟木也以其皮裹松脂詩疏引陸璣疏云今栲榆也其葉如榆其皮堅韌剝之長數尺可為繩索又可為額帶其材可為椐器是櫟之為用多取其皮陸疏與說文同櫟為散木雜於薪蘇故詩連言櫟薪註可以至器素○正義詩疏引某氏云可作椐圍皮韌繞物不解案椐素椐捲也

柚條註似橙實酢生江南

正義柚一名條禹貢揚州云厥包橘柚玉篇云柚似橘而大是也柚為南

方之木故列子湯問篇云吳楚之國有大木焉其名為櫟碧樹而冬生實丹而味酸食其皮汁已憤厥之疾齊州珍之渡准而北而化為枳焉橘柚皆不踰淮屈原橘頌所謂受命不遷生南國也韓非外儲說云樹橘柚者食之則甘嗅之則香

今南人多喜植之文子尚德篇云橘柚有鄉是楚人之言也
註似橙至江南○正義郭註山海經云櫛似橘而大皮厚味
酸與此註互相證明也云似橙實酢者不使橙瀾於柚也本
草蘇恭註云柚皮厚味甘橘皮味辛而苦柚肉如橘有甘有
酸酸者名壺甘今俗或謂橙為柚非也云生江南者呂氏
春秋本味篇果之美者有雲夢之柚今南方所在有之

時英梅註雀梅

正義時一名英梅說文云挾梅也繫傳引時英
梅為證說文又云梅或作棓某酸果古文作𣎵

是為似杏實酢之梅也召南云標有梅釋文引韓詩作棓毛
傳云盛極則隤落者梅也夏小正云五月煮梅為豆實也天
官籩人饋食之籩有乾榛鄭註乾榛乾梅也是周以梅為籩
實矣內則所云梅諸節乾梅也齊氏要術引詩義疏云梅杏
類也樹木葉皆如杏而黑耳實赤似杏而酸亦生噉也煮而
曝乾為腊置羹臠壘中又可食以香口亦蜜藏而食註雀梅
○正義齊民要術引郭註云英梅未聞與今本異雀梅者本
草別錄云一名干雀葉與實俱如麥李是梅之別種也案傳
記多言梅此舉其種之異
者言之下文釋桃李亦然

援柅柳註未詳或曰柳當為柳柅柳似柳皮可以煮作飲

正義

名柅柳說文云柳櫻柳木也繫傳引爾雅註未詳至作飲○
正義援柅柳之名不見於它書故郭云未詳或曰柳當為柳

存異說也玉篇云柳柅柳與或說同柅柳後世謂之檉柳葉
似檉而狹長大者高數丈皮壘厚今山中采茗者或雜柳葉
以眩人檉柳亦其一也
監本脫以字今從宋本

栩杼註柞樹

正義嘉祐本草引孫炎云栩一名杼小雅四牡唐
風鴉羽並云集于苞栩栩木叢密而積固故詩謂

之苞栩矣栩葉如楸而斜理四五片華黃色實如離支核而
銳蒂上有斗以包之故謂其實曰皂斗即下文所云櫟其實
棟也大司徒土會之法山林其植物宜皂物先鄭以為皂物
柞栗之屬今世間謂柞實為皂斗後鄭典染草註則以為象
斗也說文云栩柔也其實皂斗曰櫟繫傳云皂亦曰皂斗俗
謂之櫟可染皂故曰皂杼亦栗之屬莊子曰祖公賦杼是也
說文又云樣栩實繫傳云今俗書作椽莊子徐無鬼居于深
山拾橡栗而食案栩實可食故詩言雛鳩並集於栩鳥有知
者也呂氏春秋時君篇云冬日則食橡栗高誘註橡阜斗也
其狀似栗是不獨狙與烏食之人亦食之矣今山中人飢歲
以為糧葉之柔者可代茗飲註柞樹○正義詩疏引陸璣疏
云今柞櫟也徐州人謂櫟為杼或謂之為栩其子為皂或言
皂斗其殼為汁可以染皂今東洛及河內多言杼汁謂櫟為
杼五方通語也陸疏所以廣異名郭云柞樹與陸疏同今汝
州人呼為椽子生山谷中殼
可染皂以不經雨者為良

殊莖著註釋草已有此名疑誤重出正義周禮註引杜子春云

有蘇音莫戒反與音味者師讀不同也釋文引舍人本莖著

作抵都樊光本著作屠是舍人樊光俱不以爲重出之名註

釋草至重出正義郭註釋草以莖豬爲五味故疑此爲重

出然齊民要術引皇覽家記云孔子冢墓中有五味木則五

味亦有木本矣

樞莖註詩曰山有蘆今之刺榆正義樞一名莖舊疏引陸璣疏

云其針刺如栲其葉如榆淪爲

茹美滑如白榆榆之類數十種葉皆相似皮及木理異矣註

詩曰至刺榆正義郭所引詩唐風文今本毛詩作樞隸釋

載石經魯詩作蘆郭註本於魯詩也云今之刺榆者所以別

於大榆也監本脫詩曰山有蘆五字今據太平御覽增補

杜甘棠註今之杜梨正義杜之甘者爲棠召南云蔽芾甘棠杜

醉此味之殊也下文云杜赤棠白者棠此色之殊也說文云

杜曰棠杜曰杜此性之殊也繫傳謂木有杜杜者去其杜則

此者不實詳見下

狄臧樺貢纂註皆未詳正義玉篇云楸臧樺也釋文引舍人本

樺作臧樊光本作樺案說文云樺木也

讀若皓貢纂無考監本臧作藏

枕繫梅註枕樹狀似梅子如指頭赤色似小柰可食正義枕一

名繫梅齊民要術引廣志云枕木易

草云山榘一名枕子一名繫梅齊民要術引廣志云枕木易

長多種之爲薪又以肥田郭註山海經亦云枕可燒糞田註

枕樹至可食正義今枕生高原有二種小者高數尺多枝

柯葉銳而刻上其華白其核若牽牛子矣大者高丈餘華葉

同而實大經霜乃赤

料者聊註未詳正義聊玉篇作聊云木名也

枕本誤作料釋文云郭音料

魄榘榘註魄大木細葉似榘今河東多有之齊人諺曰上山斫

檀榘榘先殫正義魄一名榘榘似榘之木也一名繫述又作

食蘇恭本草註以爲菘進子兩兩相對色赤味甘註魄大至

先殫正義詩疏引陸璣疏云檀木皮正青滑澤與繫述相

似又似駁馬駁馬梓榆故里語曰斫檀不諦得繫述繫述尙

可得駁馬繫述一名挈榘故齊人諺曰上山斫檀挈榘先殫

案陸疏以榘榘爲挈榘榘聲之轉

也榘榘皮可爲索故伐木者取之

邵編修爾雅正義

庚申補刊

侵木桂註今南人呼桂厚皮者為木桂桂樹葉似枇杷而大白

華華而不著子叢生巖嶺枝葉冬夏常青間無雜木正義桂

桂說文云桂也桂江南木百藥之長繫傳云桂林郡以此得名案逸周書王會篇云自深桂呂氏春秋本味篇云招搖

之桂屈原遠遊云嘉南州之炎德兮麗桂樹之冬榮桂南方之木也南方草木狀云桂生合浦交趾生必高山之顛冬夏

常青其類自為林更無雜樹有三種皮赤者為用桂葉似柿者為菌桂葉似枇杷者為牡桂蜀本草云牡桂葉似枇杷葉

狹長於菌桂一二倍其嫩枝皮半卷多紫而肉中皺起肌理虛軟謂之桂枝又名肉桂削去上皮名曰桂心其厚者名曰

木桂註今南至雜木正義郭註山海經云桂葉似枇杷長二尺餘廣數寸味辛白華叢生山峯冬夏常青間無雜木與

此註同說文擊傳引郭氏桂讚去桂生南裔拔華峯嶺廣莫熙葩凌霜津穎氣王百木森然雲挺

榆無疵註榆榲屬似豫章正義榆一名無疵管子地員篇云其

棟也是無疵本作毋棟也釋文引字書云無疵榆也本又作榲廣韻又作枇云無枇木也註榆榲至豫章正義郭氏舉類以曉人也顏師古漢書註云豫即枕木章即樟木二木生至七年乃可分別今樟木高丈餘葉似榲四時不彫大者數

抱肌理細縵彫刻之氣甚芬烈

椹註腫節可以為杖正義椹一名橫大雅皇矣云其椹其椹

今靈壽是也今人以為馬鞭及杖詩疏亦引陸疏無即今靈壽是也六字多宏農共北山甚有之八字漢書孔光傳云賜

太師靈壽杖孟康曰扶老杖也服虔曰靈壽木名顏師古曰木似竹有枝節長不過八九尺圍三四寸自然有合枝制不

須削治也陳藏器本草註以為生劔南山谷圓長皮紫註腫節至為杖正義詩疏引孫炎云橫腫節可以作杖釋文引

樊光註與孫炎同郭註本樊孫

檉河柳註今河旁赤莖小楊旄澤柳註生澤中者楊蒲柳註可

以為箭左傳所謂董澤之蒲正義此別楊柳之類也大司徒

先鄭云膏物楊柳之屬理致且白如膏故爾雅釋楊柳以為

河旁澤中之木也夏小正云正月柳穉穉也者發乎也三月

委楊楊則花而後註之此析柳與楊而分言之也爾雅以檉旄為柳可作箭者為楊其種類固殊矣然三百篇多連言楊

柳傳記皆合而舉之故檉為朱楊楊為蒲柳其名未嘗不互通也○檉河柳○大雅皇矣云其檉其椹毛傳檉河柳也疏

引某氏云河柳謂河旁赤莖小楊也陸璣疏云生河旁皮正赤如絳一名雨師枝葉似松案河柳今南方道旁有之亦呼為檉柳近根皮赤亦有莖白者陸疏以為一名雨師未審其命名之義後儒傅會謂天之將雨檉先知之起氣以應此指楊枝起風者而言河柳小幹不如是也○旄澤柳○旄為澤柳細葉猗儺垂枝映水因風眠起有似於舞今人謂之垂絲柳○楊蒲柳○王風揚之水云不流束蒲鄭箋以為蒲柳疏引陸璣疏云蒲柳有兩種皮正青者曰小楊其一種皮紅者曰大楊其葉皆長廣似柳葉皆可以為箭幹故春秋傳曰董澤之蒲可勝既乎今又以為箕籜之楊也案唐本草謂之水楊註今河至小楊正義說文云柳小楊也郭氏子虛賦註云朱莖柳生水邊正義同顏師古漢書註亦云朱楊赤莖柳也生水邊○左傳至之蒲○正義宣十二年傳文

權黃英輔小木註權輔皆未詳正義說文云權黃華木玉篇以為黃英木按釋草云權黃華草木之華有相似也輔者鄭風山有扶蘇毛傳云扶蘇扶胥小木輔為扶胥之合聲小雅正月云無棄爾輔言任載之車旁輔之小也

杜赤棠白者棠註棠色異異其名正義上文云杜甘棠所以別其味此又別其色也唐風云

有杜之杜毛傳杜赤棠也六書故引舍人云白者為棠赤者為杜為甘棠為赤棠詩疏引樊光云赤者為杜白者為棠陸璣疏云赤棠與白棠同耳但子有赤白美惡子白色為白棠甘棠也少酢滑美赤棠子澀而酢無味俗語云澀如杜是也赤棠木理韌亦可以作弓幹註棠色至其名○正義郭意以杜之名從棠而辨也今棠梨似梨而小二月華色白實如小棟子霜後可食

諸慮山巢註今江東呼巢為藤似葛而麤大攝虎巢註今虎豆

纏蔓林樹而生莖有毛刺今江東呼為攪攝正義此別巢之類也○諸慮山

巢○諸慮一名山巢困上六云困于葛藟周南樛木云葛藟葛藟之巢即山巢也蔓生似葛故易詩皆連言之劉向九歎云葛藟藟於桂樹兮王逸註葛藟巨荒也齊民要術引詩義疏云巢苣荒也似燕巢連蔓生葉白色子赤可食酢而不美幽州謂之推巢○攝虎巢○攝一名虎巢即虎豆也古今註云虎豆一名虎沙似狸豆而大註今江至麤大○正義江東呼巢為藤者廣雅云藟藤也似葛而麤大者押韻釋疑云巢似葛葉似艾白色子赤可食○今虎至攪攝○正義郭註山海經以巢為虎豆狸豆之屬狸豆一名黎豆虎豆則虎巢也莖者廣雅云豆角謂之莖釋文引字林云草實也

是清經解 卷五十一 邵編修爾雅正義 庚申補刊

杞枸櫞註今枸杞也

正義說文云杞枸杞也。攪枸杞也。妬九五云以杞包瓜。釋文引張氏說以為苟杞也。

小雅四牡云集於苞杞。毛傳用爾雅左氏昭十二年傳云我有圃生之杞。平杜註云世所謂枸杞也。證類本草引陸璣疏云一名苦杞。一名地骨。春生作羹。茹微苦。其莖似莓子。秋熟

正赤莖葉及子服之輕身益氣。爾註今枸杞也。○正義左傳疏引舍人云句杞也。禮記疏引孫炎云即今枸杞也。郭註本孫炎本草云一名杞根。一名杞忌。一名地輔。太平御覽引吳

普云一名羊乳。已一名羊乳。

已一名羊乳

杭魚毒註杭大木子似粟生南方皮厚汁赤中藏卵果

正義杭一名魚

毒管子地員篇其木宜蚘。蚘即杭也。玉篇云杭木名出豫章。煎汁藏果及卵不壞也。杭監本誤作杭。今從宋本。註杭大

至卵果。○正義急就篇云烏喙附子。椒芫華。顏師古註云芫華一名魚毒。漁者煮之以投水中。魚則死而浮出。故以為名

其根曰蜀桑。其華可以為藥。芫字或作杭。爾雅曰杭魚毒。郭景純解云大木生南方。皮厚汁赤。堪藏卵果。此說誤耳。其生

南方用藏卵果者自別一杭木。乃左思吳都賦所云緜杭。純攄者耳。非毒魚之杭也。案說文作芫魚毒。顏氏以芫華駁正。郭註誠有據矣。然中山經云首山草多木芫。郭氏彼註云芫花中藥是。郭氏非不知草類有芫華也。特以爾雅載杭於釋

水而南方實有大木名杭者。故不以爾雅之魚毒為芫華。劉逵吳都賦註引異物志云杭大樹也。其皮厚味近苦澁。剝乾

之正赤煎訖以藏眾果。使不爛敗。以增其味。豫章有之。此正可與郭註相證明。豈得遽以郭氏為誤解哉。顏監所據者漁

人以芫花藥魚耳。以今驗之。藥魚者不皆用芫華。而創瘍有所謂魚尾者。以杭子敷之。即瘥。是亦杭子名為魚毒之證也。

言各有當。知郭註未可非矣。

檄大椒註今椒樹叢生實大者名為檄

正義椒之大者名檄。唐風云椒聊之實。蕃衍盈

升。陳風云貽我握椒。毛傳椒芬香也。周頌云有椒其馨。芬香之物。古以和酒。又以為作佩。離騷云雜申椒與菌桂兮。又云懷

椒。精而要之。九歌東皇太一云奠桂酒兮椒漿。湘夫人云播芳椒兮成堂。九章悲回風云折芳椒以自處。皆於芳物有取

焉。詩疏引陸璣疏。椒聊語助也。椒樹似茱萸。有針刺。葉堅而滑澤。蜀人作茶。吳人作茗。皆合煮其葉以為香。今成臯諸

山間有椒。謂之竹葉椒。其樹亦如蜀椒。少毒。熱不中合藥也。可著飲食中。又用烝雞豚。最佳。香。東海諸島亦有椒樹。枝葉

皆相似。子長而不圓。甚香。其味似橘。皮島上。獐鹿食此。椒葉其肉自然作椒。橘香。案本草有秦椒。蜀椒。兩種。蜀椒一名巴

椒。一名蓂。蓂唐本註云秦椒。葉及莖子都似蜀椒。但味短實細。圖經云蜀椒高四五尺。四月結子。無花。但生於葉間。如小

豆顆而圓皮紫赤色此椒江淮及北土皆有之但不及蜀中者皮肉厚氣味濃耳註今椒至爲櫟○正義郭註山海經云椒爲木小而叢生下有草木則蠹死櫟其實大者之名也

棟鼠梓註楸屬也今江東有虎梓正義詩疏引李巡云鼠梓一名棟小雅云北山有棟毛傳

用爾雅釋文以爲楸屬註楸屬至虎梓○正義詩疏引陸璣疏云其樹葉木理如楸山楸之異者今人謂之苦楸圖經本草鼠李亦名鼠梓然其實都不相類或別一物而名同爾

楓楸註楓樹似白楊葉圓而岐有脂而香今之楓香是正義

云楓木厚葉弱枝善搖一名彙彙又云彙木葉搖白也繫傳云木遇風而翻見葉背背多白故曰搖白也楓木一名彙彙義出乎此廣韻引孫炎云楸楸生江上有寄生高三四尺生毛一名楓子天旱以泥泥之即雨今楓木所在有之楚辭所謂湛湛江水兮上有楓也註楓樹至香是○正義本草蘇頌註云今南方及關陝甚多樹甚高大似白楊葉圓而作岐有三角而香二月有花白色乃連著實大如鵝卵八月九月熟時暴乾可燒案廣韻引爾雅云楓有脂而香蓋引爾雅舊註之文郭註山海經亦云楓木即今楓香樹也史記索隱引健爲舍人云楓爲樹厚葉弱莖大風則鳴故曰楸楸

寓木宛童註寄生樹一名蔦正義小雅頌弁云蔦與女蘿疏引陸璣疏云蔦一名寄生葉似當盧

子如覆盆子赤黑甜美案方言云寓寄也寄附於大木而生故謂之寓木廣雅云宛童寄生鳩也又云寄屏寄生也廣異名也今寄生多於桑上本草云桑上寄生一名寄屑一名寓木一名宛童後漢書註云百草至寒皆彫落惟寄生獨榮於桑上註寄生至名蔦○正義中山經云龍山上多寓木郭氏彼註云寄生也說文云蔦寄生也

無姑其實夷註無姑姑榆也生山中葉圓而厚剝取皮合漬之

其味辛香所謂蕪蕪正義廣雅云山榆毋姑也是無姑爲榆類也其實名夷頤九二云枯楊生蕪釋

文引鄭註云枯謂无姑山榆黃木更生謂山榆之實是鄭亦以無姑爲山榆矣秋官壺涿氏謂之牡棹杜子春云棹讀爲枯枯榆木名是也春秋繁露郊語篇蕪夷生於燕橘柚死於荆此言物性之相感也註無姑至蕪夷○正義顏師古急就篇註云蕪夷無姑之實無夷一名棹榆生於山中其莢圓厚剝取樹皮合漬而乾之成其辛味此据郭註而申言之也王應麟補註引本草云榆類而差小其實亦早成人多取作屑以筆五味

櫟其實棗註有棗彙自裹正義上文云榑榑所以別二名榑又名櫟此言其實彙裹也秦風晨風云

是青徑邵編修爾雅正義庚申補刊

山有苞欒疏引陸璣疏云秦人謂柞欒為欒河內人謂木蓼為欒椒檄之屬也其子房生為柞木蓼子亦房生故說者或曰柞欒或曰木蓼璣以為此秦詩也宜從其方土之言柞欒是也案陸疏從秦中方土之言以柞欒為欒然元和郡縣志引周處風土記云吳越之間名柞為欒是不獨秦語為然故郭氏上文註直以柞為柞樹也淮南時則訓云十二月其樹欒高誘註云欒可以為車轂木不出火惟欒為然註有棗彙自裏○正義詩疏引孫炎云欒實名棗也案欒實即阜斗一名為棗孫炎釋文引舍人云欒實名棗也案欒實即阜斗一名為棗棗與棗通所謂聚生成房也以棗為名誤矣故郭氏不取

榘蘿註今楊榘也實似梨而小酢可食

正義榘一名蘿說文榘作榘蘿作羅秦風晨風

云隰有樹榘太平御覽引陸璣疏云榘一名赤蘿一名山梨今人謂之楊榘樹及實如梨但小耳一名鹿梨一名鼠梨今齊郡廣縣堯山魯國河內共地有人亦種之極有脆美者亦如梨之美者詩疏引釋木云榘赤羅疑連引舊註之文註今楊至可食○正義太平御覽引廣志云

楔荆桃註今櫻桃

正義楔一名荆桃月令仲夏之月蓋以含桃

此果先成異於異物故特記之高誘呂氏春秋註云鸞鳥所舍故曰含桃今之朱櫻是也淮南時則訓註云含桃鸞桃也

此皆荆桃之異名也太平御覽又引吳普本草云一名牛桃一名英桃註今櫻桃○正義廣雅云櫻桃含桃也齊民要術引廣志云櫻桃大者如彈九子有長八分者有白色者凡三種

旄冬桃註子冬熟榘桃山桃註實如桃而小不解核

正義此別桃之異種

者也桃之冬熟者名旄說文作榘冬桃今之十月桃也生山中者名榘桃夏小正云正月梅杏地桃則華地桃山桃也六月煮桃桃也者地桃也地桃也者山桃也煮以為豆實也註子冬熟○正義齊民要術引廣志云桃有冬桃夏桃案冬桃至今有之朱弁謂密縣有一種冬桃夏花秋實八九月間桃自開其核墮地而復合肉生滿其中至冬而熟味如洪上銀桃而加美此冬桃之異種也桂海虞衡志云冬桃狀如棗軟爛甘酸冬月熟○實如至解核○正義太平御覽引曹毗魏都賦註云山桃如胡麻子此言其小也又引裴淵廣州記云山桃大如檳榔形亦似之色黑而味甘酢

休無實李註一名趙李瘞接慮李註今之麥李駁赤李註子赤

正義此別李之異種者也李之無實者名休瘞為接慮李廣韻引爾雅作瘞接慮李監本瘞誤作座今從宋本李之赤者名駁齊民要術引廣志云麥李赤李細小註一名趙李○正義郭氏据時驗也今未聞○今之麥李○正義陶註本草云

李類甚多京口有麥李麥秀時熟小而肥甜羅願云為果肉厚而乾與核相離○子赤○正義羅願以為李之赤而有水也者

棗壺棗註今江東呼棗大而銳上者為壺壺猶瓠也邊要棗註

子細腰今謂之鹿盧棗註白棗註即今棗子白熟註酸棗註

樹小實酢孟子曰養其楨棘楊徹齊棗註未詳遵羊棗註實

小而圓紫黑色今俗呼之為羊矢棗孟子曰曾皙嗜羊棗洗

大棗註今河東猗氏縣出大棗子如雞卵煮填棗註未詳蹶

泄苦棗註子味苦皙無實棗註不著子者還味檢棗註還味

短味正義夏小正云八月剝棗剝也者取也幽風與夏小正

似瓠故此分晰其名也壺棗者釋文引孫炎云棗形上小下大

今之白色棗也說文云檿木可以為車軸材也酸棗一名楨

櫨即棘也魏風云園有棘其實之食毛傳云棘棗也淮南兵

畧訓云伐棘棗而為矜高誘注云棘棗酸棗是又名棘棗也

齊棗一名楊徹釋文云徹本或作楸羊棗一名遵說文棗羊

史記所謂安邑千樹棗也填棗一名煮苦棗一名蹶泄無實

者名皙還味者名檢棗後世棗類有出於爾雅之外者然於

爾雅所釋未能盡悉也註今江至瓠也○正義此據時驗以

壺棗為象形也壺猶瓠者古者壺瓠通用禹貢壺口史記作

瓠口左傳寘諸瓠工杜註作壺工亭七月毛傳云壺瓠也○

子細至盧棗○正義太平御覽引廣志云棗有細腰之名要

古腰字○即今至白熟○正義今之白棗也凡棗至熟時多

作紅色或作黑色惟白棗則熟時仍色白耳監本作白乃熟

宋本無乃字今從宋本○樹小至楨棘○正義今酸棗無大

還味短味○正義說文作櫟味稔棗繫傳引爾雅註云還味短苦也與今本異

櫟○註今梧桐正義櫟一名梧賈誼書以梧為春木柳為夏木

故梧為場師所宜養者矣梧似桐而皮青理細而種葉亦似桐稍小而銳四月間華下垂細葉長數寸結實蕃滋秋綴棗鄂鳥喜食之古亦謂之梧桐羅願以為櫟者棺之別名疑即左傳所謂桐棺三寸也

樸枹者註樸屬叢生者為枹詩所謂械樸枹櫟正義此釋樸即為枹也方言云

樸聚也郭氏彼註云樸屬藜相著貌說文云樸棗也棗疑聚字之訛繫傳謂爾雅釋木方說諸棗而連屬云樸枹者則註解者自然以此樸為棗也是徐階以許慎引爾雅註為漢時舊本未之詳也註樸屬至枹櫟○正義詩疏引孫炎云樸屬叢生謂之枹郭註本孫炎鄭註考工記云樸屬附著堅固貌孔穎達云樸屬謂根枝迫近相附者之貌詩所謂械樸枹櫟者大雅云山有苞櫟

秦風云山有苞櫟

謂櫟采薪采薪即薪註指解今樵薪正義此言薪采之事月令

可析謂之薪小者合東謂之柴薪施炊爨柴以給燎高誘淮南註即就也是即薪為就薪也謂櫟采薪未斲其義釋文謂

舍人引上句櫟梧合在此句以謂字作彙釋云櫟梧者樸枹者櫟者其理也樸者相追附也彙者莖也如竹箭一讀曰枹也櫟名采薪又名即薪樊光引詩云薪是樸薪荆州口柞木采木詩人不曉薪意言薪謂身即薪伐之也李巡云采薪一名彙櫟言即薪謂二薪也孫炎引詩云薪是樸薪薪一名彙櫟四家之說小有異同以謂字作彙蓋爾雅家相傳之舊說也

棧棧其註棧實似柰亦可食正義說文云棧邀其也今爾雅本邀作棧齊民要術引異物志云棧

棧性貞勁堪作船其實類棗註棧實至可食正義郭註山海經云棧一名速其子似柰而赤可食與此註同說文繫傳引郭註無赤字

劉劉杙註劉子生山中實如梨酢甜核堅出交趾正義劉一名

木狀云劉樹子大如李實三月花包仍連著實七八月熟其色黃其味酢者膏藏之仍甘好註劉子全交趾正義太平

御覽引吳錄地理志云交趾羸樓縣有劉子樹出山中實如梨而味酸美郡內皆有之與郭註同吳都賦作榴劉達註云榴子出山中實亦如梨核堅味酸美交趾獻之案劉榴以聲近相通爾或以此為安石榴非也

穰槐大葉而黑註槐樹葉大色黑者名為穰守宮槐葉畫聶宵

炕註槐葉晝日聶合而夜炕布者名為守宮槐正義此別槐之類也秋官

朝士掌外朝之法面王槐三公位焉白虎通義社稷篇引尚書云北社宜槐淮南時訓以為九月其樹槐也槐細葉而綠四月華色黃六七月之間實垂枝扶疎夏得其蔭古者多植於庭謂之庭槐其大葉而黑者別名穰又有守宮槐葉晝合而夜分布收謂之守宮註槐葉至宮槐○正義初學記引孫炎云聶合也齊民要術引孫炎云炕張也釋文引樊光本作抗亦張布之義郭註義本孫炎釋文又引顧野王云炕張也亦本於孫炎也或欲傳會於今之合昏以為晝開宵合疑郭氏為誤解今考太平御覽引晉儒林祭酒杜行齊說在朗陵縣南有一樹似槐葉晝聚合相著夜則舒布而守宮也江東有樹與此相反是則守宮之槐晝合宵張古人得諸目驗不得傳會為合昏也

槐小葉曰榎註槐當為楸楸細葉者為榎大而散楸註老乃皮

麤敲者為楸小而散榎註小而皮麤敲者為榎左傳曰使擇

美榎正義說文云榎楸也此別其相似而殊也楸誤為槐因上文傳寫而誤也楸之小葉者為榎大者為楸其皮之

麤敲則同左氏襄十八年傳云伐雍門之萩徐鍇以為萩即楸也古者列樹以表道伐雍門之楸猶襄八年傳所云斬行栗矣離騷云望長楸而太息楸為長大之木也左傳疏引舍人云大老也敲措皮也皮老而麤措為楸小少也小而麤措者為榎釋文引孫炎云老乃皮麤敲為楸敲釋文本作敲註左傳至美榎○正義襄二年傳文傳又云使樹六榎於蒲圃又云樹吾墓榎榎可材也

椅梓註即楸正義詩疏引舍人云梓一名椅案鄘風定之方中

其椅以桐椅為類續漢志註引王隆小學漢官篇云樹栗椅桐梓胡廣云四者皆木名治官室并主之是亦以椅梓為二木也以今考之椅梓實為同類詩疏引陸璣疏云梓者楸之疏理白色而生子者為梓梓實桐皮曰椅則大類同而小別也書疏云梓木之良者治之宜善後遂以為木之工匠之名註即楸○正義鄭註考工記云梓榎屬榎即楸也齊民要術云楸梓二木相類白色有角生子者為梓或名子楸或名角楸黃色無子者為柳楸亦呼荊黃楸也說文繫傳云今人名賦理曰梓質白曰楸

榎赤棟白者棟註赤棟樹葉細而岐銳皮理錯戾好叢生山中

中為車輞白棟葉圓而岐為大木

正義小雅四月云隰有杞棟此別其赤白之異名也

說文云棟赤棟也詩疏引舍人云棟名赤棟也某氏云白色為棟其色雖異為名同江河間棟可作鞍釋文云棟又作棟

註赤棟至大木○正義詩疏引陸璣疏云棟葉如柞皮薄而白其木理赤者為赤棟一名棟白者為棟其木皆堅韌今人以為車輞郭註又以葉之細圓為辨也

終牛棘註即馬棘也其刺麤而長

正義九家易云坎為叢棘棘叢生而多刺此晰其類也牛

棘一名終蓋棘之大者鄭註王喪禮云世俗謂王棘死鼠王棘可以吒鼠是其類也註即馬至而長○正義中山經云大苦之山有草焉其狀如榆方莖而蒼傷其名曰牛傷郭氏彼註云猶言牛棘也牛棘一名馬棘廣異名也

灌木叢木註詩曰集于灌木痲木苻婁註謂木病疋偃痲腫無

枝條蕢藹註樹實繁茂菴藹袍適木魁痲註謂樹木叢生根

枝節目盤結魄磊正義大雅皇矣云其灌其樹說文引詩云譬彼痲木周南桃夭云有蕢其實廣韻引

詩云袍有三柄此分釋之也○灌木叢木○夏小正云灌也者聚生者也說文云叢聚也詩疏引李巡云木叢生曰灌木

易謂之莽鄭註云莽叢木也說文又以鬱為木叢生者楚為

叢木平土有叢木曰林是皆推言其類也釋文本灌作櫃○

痲木苻婁○痲木今毛詩作壞木傳云壞痲也謂傷病也說

文云痲病也一日腫旁出也苻說文作痲云痲病也婁說文

作癭云頸腫也木性喜喬及受病則多拳曲而癭腫府癭言

其病狀也詩疏引某氏曰詩云譬彼痲木疾用無枝苻婁庇

偃內疾痲磊故疾用無枝釋文以為即樊光之說矣釋文又

引李巡云苻婁一名痲木無枝木也○蕢藹○說文以蕢為

雜香艸假借以為木實錯雜之貌詩言藹藹亦形容其多故

以蕢為藹也毛傳云蕢實貌是也詩疏引舍人說以苻婁屬

此句樊孫郭皆所不從也○袍適木魁痲○此覆釋上文樸

袍者之義說文云適迫也釋文云謂叢攢迫而生詳見上文樸

械白椶註椶小本叢生有刺實如耳璫紫亦可啖正義械一名

芄芄械樸疏引陸璣云三蒼說械即柞也其材理全白無赤

心者為白椶直理易破可以為櫛車輞又可為矛戟矜今人

謂之白椶或曰白栢此二說不同未知孰是案薛綜西京賦

註謂今白椶也本草以為椶核是也註椶小至可啖○正義

如五味子葉多
細刺與郭註同

梨山橋註即今梨樹

正義梨生山中者名橋子虛賦謂之離文
選註引張揖云離山梨也玉篇云橋山梨

也皆以橋為山中之梨也顏師古急就篇註謂梨一名山橋
非也註即今梨樹正義說文云梨果也今梨樹高二三丈
葉銳而膩二月華色白
結實生噉之亦可蒸食

桑辦有甚樞註辦半也女桑棧桑註今俗呼桑樹小而條長者

為女桑樹正義說文云桑蠶所食葉本夏小正云三月攝桑
攝而記之急桑也此釋其甚與其類也○桑辦有

甚樞○魯頌泮水云食我桑黹毛傳黹桑實也說文作甚云
桑實也小爾雅云桑之實謂之甚樞之實謂之椽桑實自白

變紐至熟而黑乃可食故字或從黑王禎農書云荆桑多甚
魯桑少甚此地氣之殊也釋文引舍人云桑樹一半有甚半

無甚名樞樊光與舍人同○女桑棧桑○幽風七月云猗彼
女桑毛傳女桑黃桑也黃與棧通鄭箋女桑小枝長不枝落

者束而采之註今俗至桑樹正義郭註本鄭箋以女桑為
樹名詩疏引集註定本云女桑柔桑取周易枯楊生黃之義
黃是葉之新生者非郭義也

榆白粉註粉榆先生葉卻著莢皮色白

正義詩疏引孫炎云榆
白者名粉或以榆為白

粉者誤也陳風云東門之粉毛傳粉白榆也鄭註內則云榆
白者粉玉篇云粉白榆也榆類至多上文已釋刺榆山榆此

又言榆之白者為粉也註粉榆至色白正義此別粉與榆
之異也赤榆未生葉時先著莢莢既拆葉方生白榆則先生

葉卻著莢此為異爾白榆名粉故亦稱為粉榆也粉皮本白
剝而去其麤殼中更白而滑內則所謂莖莖粉榆免藁滌滌

以滑之殆榆取其
葉粉取其皮與

唐棣註今白移也似白楊江東呼夫移

正義詩疏引舍人云
唐棣一名移唐棣與

常棣異而詩考引韓詩序云夫移燕兄弟閔管蔡之失道也
藝文類聚引三家詩云夫移之華萼不煒煒誤以唐棣為常

棣兼明書引孔氏論語解唐棣棣也又誤以常棣為唐棣也
論語疏引陸璣云與李也一名雀梅亦曰車下李所在山皆

有其華或白或赤六月申熟大如李子可食案郭云似白楊
則與陸璣所云與李者異也註今白至夫移正義白移亦

謂之移楊以其似白楊也陳藏器云夫移木生江南山谷無
風葉動花反而後合詩云唐棣之華偏其反而是也今各本

郭註俱脫今白移也四字詩疏及詩釋文引郭註皆有之齊
民要術引郭註作白移似白楊蓋已有刪節也今據詩疏增

補

常棣棣註今關西有棣樹子如櫻桃可食

正義詩疏引舍人云常棣一名棣小雅云

常棣之華又云繼常之華舊疏引陸璣疏云許慎曰白棣樹也如李而小如櫻桃正白今官園種之又有赤棣樹亦似白棣葉如刺榆葉而微圓子正赤如郁李而小五月始熟自關西天水隴西多有之齊民要術引詩義疏云承花者萼其實似櫻桃莫李麥時熟食美北人呼之相思也註今關至可食○正義顏師古急就篇註云其子熟時正赤可啗俗呼爲山櫻桃隴西人謂之棣子

檟苦茶註樹小如梔子冬生葉可煮作羹飲今呼早采者爲茶

晚取者爲茗一名荈蜀人名之苦茶正義檟一名苦茶釋文云茶埤蒼作襟今蜀人以作飲音真加反茗之類案晏子春秋有茗菜之文然無以定其爲卽今茗飲漢人有陽羨買茶之語則西漢已尙茗飲三國志韋曜傳曜初見禮異密賜茶荈以當酒自此以後爭以茗飲相尙矣註樹小至苦茶○正義今茶樹小者一二尺大者至數丈葉似梔子南方采葉作飲以春采者爲良釋文云荈襟茗其實一也張揖雜字云荈茗之別名也

檟樸心註檟檟別名

正義詩疏引孫炎云檟檟一名心某氏云檟檟檟檟也有心能溼江河間以作柱名

南野有死麕云林有檟檟毛傳檟檟小木也案詩疏引爾雅作檟檟心諸家訓釋俱從詩文作檟檟唯陸氏釋文本作檟檟亦作檟今本仍陸本之舊也註檟檟別名○正義說文繫傳引郭註作檟別名檟與今本異繫傳又云卽今小檟樹栗之類也

榮桐木註卽梧桐

正義桐本一名榮夏小正云三月拂桐芭拂也者拂也桐芭之時也或曰言桐芭始生拂

拂然也案月令三月桐始華至今猶然以桐芭爲三月始生者非也羅願云桐與梧旣異而桐之中又有數種有其子可以取油者蓋卽詩所謂其桐其椅其實離離也有華而不實堪作琴瑟者若生石閭其聲則鳴書嶧陽孤桐是也

棧木干木註殭木也江東呼木斲

正義棧木一名干木釋文引樊光本作杆廣雅云杆柘也

玉篇云杆殭木也註殭木至木斲○正義釋文引字書云殭死而不朽木或作僵說文云僵偃也又作樞江東呼木斲者言其疆樂也

壓桑山桑註似桑材中作弓及車輶

正義說文云壓山桑也詩曰其壓其柘說文所引大

子至美樅○正義釋山篇註亦引尸子此文舊疏以為綽子
篇文○詩曰至松舟○正義鄘風竹竿文左傳稱棺有翰檜
皆檜材之見
於用者也

句如羽喬註樹枝曲卷似鳥毛羽下句曰科上句曰喬如木楸

曰喬註楸樹性上疎如竹箭田苞註篠竹性叢生如松柏曰

茂註枝葉婆娑如槐曰茂註言亦扶疎茂盛正義釋詁云喬

此釋其形狀及木之類也句如羽喬者說文云喬高而曲也
此言其句曲如鳥羽也句有上下之殊周南云南有樛木毛

傳云下曲曰樛說文與毛傳同釋文引韓詩作南有柶木故
此云下句曰科也上句曰喬者周南云南有喬木毛傳云喬

上疎也即下文所云小枝上繚為喬也如木楸曰喬者禹貢
云厥木惟喬木類多喬疎而樛棟椅梓皆為楸類故舉楸以

槩其餘也如竹箭曰苞者小雅斯干云如竹苞矣今竹箭之
屬皆叢生而植密也如松柏曰茂者天保云如松柏之茂斯

干云如松茂矣松柏之屬細葉蟠蓋望之鬱茂也如槐曰茂
者槐葉細綠蟠枝成蓋故亦曰茂也註言亦扶疎茂盛○正

義郭意以槐茂不見於經傳而其扶疎茂
盛亦如松柏也監本脫亦字今從宋本

祝州木髦柔英註皆未詳正義祝本亦作祝祝州古音通見春

術引南方記云州樹野生三月花色仍連著實五月熟剝核
滋味甜出武平州樹即州木矣髦一名柔英未詳廣韻連引

髦柔英於祝
字下非也

槐棘醜喬註枝皆翹疎柔柳醜條註阿那垂條菜檉醜菜註菜

莢子聚生成房貌合江東亦呼菜檉檉似菜莢而小赤色桃

李醜核註子中有核人正義此別木之生枝結實各有其類

喬楸樹小枝上繚槐棘之類亦如楸而喬也秋官朝士掌外
朝之法左九棘右九棘而三槐鄭註云樹棘以為位者取其

赤心而外刺象以赤心三刺也槐之言懷也懷來人於此欲
與之謀案槐棘之屬歲久枝皆喬疎樹於外朝則喬木之間

羣臣之位在於焉然所謂故國者不在乎喬木而在乎世臣也
推言其類則松柏之屬亦曰喬故鄭風云山有樛松釋文云

橋本亦作喬○桑柳醜條○說文云條小枝也幽風七月云
蠶月條桑取彼斧斯以伐遠揚毛傳以為桑之枝遠而條揚

也南方蠶月急桑則剪其條今猶古矣柳條猗儺故小雅采
薇云楊柳依依凡桑柳之類皆曰條○菜檉醜菜○說文云

皇清經解 卷五十一 邵編修爾雅正義 庚申補刊

芥菜繫傳云菜性叢生如薔薇之屬非木也故从艸今通作椒說文又云菜椒實裏如表者椒禮記謂之藜鄭註內則云藜煎菜黃也漢律會稽獻焉爾雅謂之椒孔疏引賀氏云今蜀郡作之九月九日取菜黃折其枝連其實廣長四五寸一升實可和十升膏名之藜也離騷去椒又欲充夫佩幃王逸云椒菜黃也似椒而非椒喻似賢而非賢也椒椒之類皆有菜通作椽上文云椽其實椽是其類也詩疏云椽謂椒之房裏實者也今椒實一裹之內唯有一實時有二實者少耳案今椒菜多實不盡如孔疏所言也○桃李醜核○太平御覽引孫炎云桃李之屬類皆有核曲禮云賜果於君前其有核者懷其核註菜黃至赤也○正義詩疏引李巡云椒菜黃也椒菜黃皆有核椽實也郭以菜為實之房是也椒即菜黃核中有仁後世所謂桃仁之類是也人仁音義同古通用

瓜曰華之桃曰膽之棗李曰寔之楮梁曰鑽之註皆啖食治擇之名楮似梨而酢澀見禮記正義此釋啖食治擇之名也瓜

之不四析也孔穎達云謂半破也桃曰膽之者太平御覽引舊註云膽擇取其美者孔穎達云桃多毛拭治去毛令色青滑如膽也或曰膽謂苦桃有苦如膽者擇去之也棗李曰寔之者初學記引孫炎云寔之去抵也特牲饋食禮云棗蒸栗

擇鄭註果實之物多皮核優尊老可蒸裹之也蒸擇互文是古者於棗李並有治擇去其本核也楮梨曰鑽之者孔穎達云恐有蟲故一一鑽看蟲孔也註楮似至禮記○正義說文云楮似梨而酢郭註與說文同故內則鄭註以為梨之不臧者也王禎農書云楮似小梨味劣於梨蜜者則香美過之云見禮記者曲禮云為天子削瓜者副之巾以絺為國君者華之巾以綌內則云棗曰新之栗曰撰之桃曰膽之粗梨曰鑽之鄭註皆治擇之名也

小枝上繚為喬註謂細枝皆翹繚上句者名為喬木無枝為檄

註檄權直上木族生為灌註族叢正義此申釋上文之義也其細枝之翹繚也說文枝木別出條也木之喬者其小枝皆上竦也上文云稍梢權此又言檄即為權直上無旁枝所以異於喬也上文云權木叢末此又言族生即叢生也詩疏引孫炎云族叢也顏氏家訓書證篇釋爾雅云族亦叢生也嫌人不了故重言之

皇清經解卷五百一十八終

嘉應李恒春舊校
南海鄧翔鄒伯奇新校

